

N11 2016

ქართული

1852



ენები ჰოვონა//პროზა//თარგმანი//არტი



2016/11

ცდფლთფიუტი ლიცფტაცფუტულ –
საზღვადღუბტიფი აუტნალი

მთავარი რედაქტორი
ამირან ბომართელი

მთ. რედაქტორის მოადგილეები
ბალათერ არაბული
სოსო გოლიაძე

რედაქტორთა ჯგუფი
ანდრო ბუაჩიძე
თამარ გელიტაშვილი
ელზა მეტრეველი

კომპიუტერული უზრუნველყოფა
და დიზაინი
ქეთევან მერკვილაძე
თამარ გელიტაშვილი

ჟურნალის გარეკანზე –
გიორგი მაზნიაშვილის ბიუსტი
ილია ჭავჭავაძე (ესკიზი)
მოქანდაკე: გენადი ზაქარაია

აუტნალი გამოდის
თბილისის მუნიციპალიტეტის
ფინანსუტი მსატდაჭუტით

მისამართი: თბილისი, ხიდის ქ.№1
ტელ.: 2-98-36-43
ciskari1852@gmail.com
<https://www.facebook.com/ciskari1852>



სარჩევი

გრიგოლ რობაქიძე საქართველოს ხერხემალი	3	თარგმანი	
ჯრიბიჯა. ჯსაიბიჯა		ხორხე ლუის ბორხესი	63
ნინო დარბაიხელი-სტრონი პაატა შამუგიას „არგადარჩენა“ ანუ „გოდება აღსავალთა“	8	უნგარო მკვლელი ბილ ჰარიგანი თარგმნა ლალი ბრეგვაძე- კახიანმა	69
გია ჯოხაძე ოსიპ მანდელშტამი და საქართველო ოსიპ მანდელშტამი აკმეიზმის დილა	12	ვლადას ბრაზიუნასი ლექსები თარგმნა მარიამ ნიკლაურმა	77
პოეზია დალილა ბედიანიძე	24		
პროზა გიორგი სოსიაშვილი მოთხრობები	28	ჩანაწარები ბექა ქურხული ვოვა	82
პოეზია თორნიკე ჭელიძე	36	ჩანაწარები ოსურ ენაზე ბექა ქურხული ვოვა თარგმნა რაზიათ ქუმარიტოვმა	87
პროზა ნიკოლას მაჩაბელი ხახვები და ნიორები მოთხრობა	52		
პოეზია ბადრი სულაძე	54	არბრევი ალინა ქადაგიშვილი ტრადიციული მუსიკა, როგორც ასეთი...	92

გრიგოლ რობაქიძე

საქართველოს ხერხემალი

ნიკოლოზ მიწიშვილის წერილის
„ვიქრები
საქართველოზე“ – საპასუხოდ



მწარეა ეს სიტყვები:

„როცა გადავხედავ ჩვენს ისტორიას – იქ მე ღვთის ხელს ვერ ვნახულობ. ჩვენი არსებობა დაცინვაა განგებისა ჩვენს თავზე. ჩვენშია ჩამჯდარი ლომი და რწყილი, ეშმაკი და ანგელოზი, ნიჭი და ყიყვი... არის რალაც შეკონინებული და გადაყრილი, მიბნეულ-მობნეული. ხერხემალს ქართული იდეისა მე ვერ ვპოულობ და ვერც აზრს საქართველოსას წარსულში“.

მწარეა ეს სიტყვებიც:

„იქნება საქართველო გაამართლოს ჯვარმა, რომლისთვისაც ის იგლიჯებოდა ყოველი მხრიდან. მაგრამ ჯვარისაგან ხომ კურთხევა უნდა გამოდიოდეს, და სადაა ეს კურთხევა? ნუ თუ ჩვენი ანიოკებული ისტორია კურთხევაა? ნუ თუ ორიათასი წლის განმავლობაში ამ ჯვრის ძალამ ვერ შვა მოვლენა, რომელიც გამოარკვევდა საქართველოს, როგორც მონოდებას, საკუთარის აზრით და დანიშნულებით? ნუთუ საბოლოოდ და სამუდამოდ მოკლებულია საქართველო იმ „ნათლის სვეტს“,

რომელიც წინ მიუძღვის ყოველ ხალხს ახალი სიტყვისა და შემოქმედებისაკენ?“

თავისმკვლელობაა დასკვნა:

„საქართველო პასსიური მოვლენაა. მისი ენერგია გამონვეული იყო სხვა, მის გარეშე მყოფ მოვლენისაგან (ენერგია ჭიის, როცა მას ფეხს აჭირებენ). საკუთარ, შინაგან აქტივობას მოკლებული იყო საქართველო და მოკლებული იყო, მაშასადამე, შემოქმედებით გენიასაც. მოკლებულია, რელიგიას, მონოდებას, აზრს, შინაარსს“.

ამას სწერს ნიკოლოზ მიწიშვილი.

არ არის საჭირო არც გაჯავრება და არც აღშფოთება, როცა ასეთ სიტყვებს კითხულობ. არც ის უნდა იფიქრო, რომ ავტორი ბოროტი აზრით არის „ატროვებული“. აქ უფრო „ტკივილია“ ვიდრე „აზრი“. ეს სულის კრიზისია და ასეთი კრიზისი ბევრს განუცდია.

მხოლოდ არ შემძლია დავმალო, რომ ეს კრიზისი ბოლომდე არ არის დაწურული თუ ამონურული. ავტორის „ტკივილში“ არის „წყენაც“ (აქა-იქ).

სულის „ტკივილს“ მაშინ აქვს ნამდვილი სიმართლე, როცა „ნანყენობა“ არ არის არავისგან.

მაგრამ ავტორის სულისკვეთებას მე მაინც ვიღებ როგორც „ტკივილს“.

არ არის საჭირო არც კამათი. აქ მხოლოდ ჩვენებაა საჭირო. (თუ შეჩვენება არა).

შესაძლებელია ამ „ჩვენებაში“ ბევრი რამ გადავაჭარბო – როგორც ქართველმა. ამისათვის ვირჩევ სხვა გზას: ვეცდები ისე ვილაპარაკო, თითქო უცხოელი ვიყო, მაშინ ჩემს სიტყვას სიმართლე ექნება.

წინ ისევ წყეული კითხვა მეჭრება: აქვს თუ არა გენია საქართველოს?

ძველად ასეთი საკითხის გადაჭრა უფრო ძნელი იყო. დღეს კი ცხადია ყველასათვის, რომ ქვეყანაზე არ ყოფილა არა თუ ხალხი, უბრალოდ თემიც კი, რომელსაც თავის გენია არ ჰქონოდა – (დიდი თუ პატარა, ეს მეორე საკითხია) პრეისტორიულ ხალხების დანატოვარში ჩვენ ხშირად გვხვდება თევზის თუ მამონტის ძვალი, რომელზედაც ამოჭრილია შველი, თუ ნიამორი, თუ უბრალო დანა ისეთი არტისტიზმით, რომელსაც სასახელოდ ჩაითვლიდა ჩვენი დროის დიდი ხელოვანი, თვითონ რომ გაეკეთებია იგი. დღეს „ველურებსაც“ ენაფებთან: ქვისაგან თუ ხისაგან გამოჭრილ აფრიკის კერპებს გაოცებაში მოჰყავთ ამდროული ხელოვანნი.

კიდევ უფრო ყურადსაღები მოვლენაა. ზანგებს მრავალი თეთრკანიანი, ადამიანადაც არ თვლის.

მაგრამ ზანგების რიტმებმა დაიპყრეს დღევანდელი ევროპა. ეს რიტმები შეიჭრნენ სიმფონიურ ფანტაზიაშიაც. მოდიან რიტმები, როგორც მზის თვალები გაჩენის პირველ დღეებში, ალბად აქ არის პუშკინის საიდუმლო – (პუშკინიც ხომ ზანგი იყო სისხლით). მოვა დრო (არც ისე შორსაა), როცა რომელიმე ავტორი პუშკინის ჯადოსნობას ზანგების ატეხილ რიტმებიდან გამოიყვანს (ეს სხვათა შორის).

და თუ პრეისტორიულ ხალხებს და თანადროულ „ველურებს“ ვანიჭებთ გენიას, დავიჯერო, რომ საქართველოს ასცდა ასეთი მადლი?

მაგრამ ეგ არაფერი.

საქართველოს გენია სხვა მასშტაბითაცაა გამართული.

მინიშვინი საქართველოში „ღვთის ხელს ვერ ნახულობს“. „ღვთის ხელი“ აქ მეტაფორიული თქმაა და მეც ამ სახით ვინმარ მას. მართლაც არ არის „ღვთის ხელი“ საქართველოში?

რა არის მაშინ „ქართლის ცხოვრება“.

მე ვლაპარაკობ სერიოზულად და ჩემი თქმა არ არის „ფრაზა“.

მთელს ქვეყანაზე ძვირად მოიპოვება სადარი „ქართლის ცხოვრების“. ეს არის არა მარტო „ისტორია“, არამედ ნამდვილი „ეპოსი“ – (დიდი ეპოსი დიდი ხალხის). და იშვიათია ისეთი პოემა (არა მარტო ჩვენში), რომელსაც შეეძლოს დაუპირისპირდეს ამ მხრით „ქართლის ცხოვრებას“. აქ ყოველი სიტყვა თითქო მითოლოგიური ტაცციტის მიერ არის დანერვილი. და თავი და თავი: სიტყვასა და სიტყვას შუა დარჩენილია უთქმელი, რომელსაც სიტყვა არ სჭირდება და რომელსაც ისუნთქავ მხოლოდ. აქ არის „სურნელი“ გადასულ ხანების – (ნამდვილი ნიშანი გენიის) როგორც ბერძნების „ილიადაში“ და როგორც ბაბილონელების „გილგამეშში“! გეკითხებით მე თქვენ: ნუ თუ „ქართლის ცხოვრების“ ანნალები გენიის ცეცხლის ნატეხები არ არიან?

მაგრამ ეს კიდევ ცოტაა.

„ქართლის ცხოვრება“ დიდია როგორც „ეპოსი“, მაგრამ უფრო საოცარია იგი როგორც „ისტორია“.

და მართლაც „ისტორია“ არ არის უბრალო გროვა ამბების. კაცი ცხოვრობს, ჭამს, სვამს, ცოლს ირთავს, სადილს მიირთმევს, ეს აინტერესებს, იმას ყურადღებას აქცევს, შემდეგ კვდება, ჰქრება – ეს კიდევ არ არის „ისტორია“.

„ისტორია“ არის „მთელის“ გზნება, თითქო ყოველი შენი კუნთი ნაწილია ამ მთელის, რომლის ცენტრი შენს გარეშეა – (ერთი მწერლის ფრაზა რომ ვიხმარო სხვა საგანზე თქმული). „ისტორია“ პირადი განცდაა. ამბავი, მომხდარი ათას წელს უკან – თითქო შენი საკუთარი ამბავია, და შენი საკუთარი ამბავი, მომხდარი ეხლა – თითქო შორეული ამბავია შენი ხალხის. პლატონის გენიალური თქმა რომ ვიხმართ, „ისტორია“ არის „მოგონება“ (ანამნეზის), მართალს იტყვის ამდროული გერმანელი ავტორი. „წარსული მისი (ადამიანის) ხალხის მისი პიროვნული ხსოვნაა, ხოლო მომავალი მისი ხალხის – პიროვნული საქმეა“ (მარტინ ბუბერ). დიახ: „ისტორია“ ქმედითი ხსოვნაა.

დააკვირდით ახლა „ქართლის ცხოვრებას“ – არის თუ არა მასში ასე გაგებული „ისტორია“. უთუოდ და აუცილებლად.

ასეთი გზნება „ისტორიისა“ აქვთ ჰებრაელებს (უფრო, ვიდრე რომელიმე სხვა ხალხს). ასეთი გზნება „ისტორიისა“ აქვთ ქართველებს. და ეს გზნება გაღველფილია „ქართლის ცხოვრებაში“. ამ გზნებით არის იგი ამწვარი მთელი თავისი ტვინით. და ის სიტყვასა და სიტყვას შუა დარჩენილი „სურნელი“, რომელსაც სიტყვა არ სჭირდება და რომელსაც იყნოსავ მხოლოდ, არის სწორედ ეს ისტორიული გზნება: „ისტორია“, როგორც ქმედითი ხსოვნა, „ისტორია“, როგორც გზნება „მთელის“ რომლის ცენტრი შენს გარეშეა.

ასეთია „ქართლის ცხოვრება“.

ეგებ „გამოხედვაც“ გინდათ დაინახოთ „ქართლის ცხოვრებიდან“.

აი თუ გინდ ერთიც.

ევროპაში თავი მოსწონთ მარკ ავრელით, რომელიც ომშიაც „ჭვრეტდა“ სამყაროს. ჩვენში დავით აღმაშენებელი ომის დროს „სამოციქულოს“ კითხულობდა – (ეს ზნე კინალამ საბედისწერო გახდა მისთვის).

გეკითხებით: რით ჩამოუვარდება და-

ვით აღმაშენებელი მარკ ავრელიის?

ან კიდევ სხვა. ევროპაში ლეგენდათაა გადაქცეული „კალეს მოქალაქეთა“ რაინდობა. როდენმა ქვაც კი აამეტყველა მათი რაინდობით. ჩვენში – ასეთი მონუმენტალი სურათი: მონღოლთა ნოინი სჯიან ქართველ შეთმულებს. მათთან მიდის მალალი და ნათელი კაცი: დადიანი ცოტნე. იგიც შეთქმულთაგანია, მაგრამ არ დაუჭერიათ (სხვაგან იყო). ცოტნე ამცნევს ნოინებს, რომ მისი ნდომაა – შეთქმულთა ბედი გაიზიაროს, რადგან იგიც შეთქმულია.

მონღოლებს უკვირთ ასეთი სიმართლე ქართველების – და შეთქმულებს ანთავისუფლებენ. რით არის ეს ამბავი ნაკლები „კალეს მოქალაქეთა“ ამბავთან შედარებით? არაფრით, შესაძლებელია მეტიც იყოს.

ჩვენში აქა იქ გაისმის ხმა, თითქო ქართველობაში შინაგანი სიმართლე არ იყოს, რა არის ცოტნე დადიანის ამბავი თუ არა შინაგანი სიმართლე? და რამდენია ასეთი სიმართლე „ქართლის ცხოვრების“ ანნალებში. მარტო სარგის ჯაყელი ციხისჯვარელი რად ღირს! და რამდენი კიდევ სხვა. მაგრამ აქ უნდა შევჩერდე, რადგან მაგალითების მოყვანა შორს წაგვიყვანდა.

ნიკოლოზ მინიშვილი წერს:

„ორიათასი წლის განმავლობაში მე ვერ ვხედავ ამას და მეექვსეა თვით რუსთაველიც: თუ ის ჩვენი ცხოვრებისგანაა – უსათუოდ გაუგებრობაა ის; თუ არა და – ან რუსთაველი არ არის ქართველი, ანდა მისი პოემა ადვილად ნაშოვნია საქმეა“.

კიდევ კარგი, რომ ავტორს „ვეფხისტყაოსანი“ გენიალ ქმნილებად მიაჩნია. მხოლოდ – როგორც ჩვენი ცხოვრების ნაყოფი – იგი მისთვის „გაუგებრობაა“ უკეთეს შემთხვევაში. უცუდეც შემთხვევაში? ან რუსთაველი არაა ქართველი, ან და მისი ქმნილება „ნაშოვნი“ საქმეა და ისიც „ადვილი“.

აქ კი ავტორი „დისკუსიას“ მართავს

და ჩემი სიტყვა ცოტა სხვანაირი იქნება.

ნუ თუ ავტორს გონია, რომ რუსთაველით ამოიწურება ქართული გენია? (ეგებ სხვებსაც გონიათ). 1902 წ.

ნიკო მარმა იერუსალიმში იპოვა ხელნაწერი „ცხოვრება წმ. გრიგოლ ხანძთელის“. ავტორი გიორგი მერჩული.

გამოდის: მეოცე საუკუნის თაურამდე არავინ იცოდა, თუ რა საუნჯე ჰქონიათ ქართველებს. ქმნილება ეკუთვნის მეთავე საუკუნის ნახევარს. ზედმეტია იმის მტკიცება, რომ ეს ქმნილება ქართული გენიის ხალასი ნაყოფია. ქართული სიტყვა აქ მოცემულია ისე, თითქო პირველმინას რძე სდიოდეს კვლავ ძუძუებიდან. თქმა მოკლე: ნაკვეთი.

სიტყვა – თითქო შედეგებული სუბსტანცია, რომელიც წარმოთქმის შემდეგ იშლება, როგორც მდინარის სარკეული ზედაპირი, როცა ფრთებგაშლილი გავაზი დაეცემა მას. არავითარი ხორცმეტი, არავითარი მეჭეჭი. სიტყვა ისეთი, რომელსაც აქვს ქალწულური დარცხვენა და ამავე დროს მორკინალის შემართება: სწორედ ისეთი, რომლითაც ძველად წირვადს ჰქმნიდნენ. არც გასაკვირია: გიორგი მერჩულეს ჰყავდა წინამორბედი – იაკობ ხუცესი (მეხუთე საუკუნე), რომელმაც გასაოცარი აღწერა დაგვიტოვა „წმინდა შუშანიკის“ ცხოვრებისა. გიორგი მერჩულმა, ცხადია, ქართული „საგალოობლებიც“ იცოდა, საცა ქართველი ავტორები ფსალმუნობაში დავით წინასწარმეტყველს ედავებიან.

მაგრამ ამით არ ამოიწურება მერჩულის ქმნილება. აქ არ არის მოცემული ჩვეული აღწერა ჩვეული წმინდანის, საცა სიცოცხლე მლაშეა და წუთხე. აქ მთელი მსოფლგზნება – სრულიად თავისებური.

გრიგოლ ხანძთელი – (მერჩულის აღწერით) – ისე დადის დედამიწაზე, თითქოს უკანასკნელი სიმინდის ჯავარი იყოს, რომელიც დატარობას ელის. მინა მისთვის არ არის „ბერნი“. პირიქით: მისი ყოველი ნაყოფი „წყაროს თვალია“, რომელსაც მოაქვს ბუნების მაღლი.

ამის შემდეგ რასაკვირველია, რუსთაველი აღარ არის „გაუგებრობა“.

მაგრამ რუსთაველამდე კიდევ იყვნენ სხვებიც, რომელთაც ქართულ სიტყვაში გენია გააღვიძეს. ექვთიმე მთაწმინდელი, გიორგი მთაწმინდელი, ეფრემ მცირე. თვითეულს მათგანს ცალკე მონოგრაფი სჭირდება. თუ გერმანელები ლუტერს „ბიბლიის“ გერმანულად თარგმნისათვის გენიალობას ანიჭებენ, რა დააშავეს ჩამოთვლილმა მამებმა, რომლებმაც იგივე „ბიბლია“ ქართულად სთარგმნეს. და მერე როგორ ლუტერის თარგმანი თუ არის ენის-ქმნა, მთაწმინდელების თარგმანიც ენის-ქმნაა ნამდვილი.

თუ რომელი უფრო მძაფრი ქმნაა, ეს კიდევ სადაოა.

ასეთია მაგისტრალი, რომლის ბოლოს რუსთაველი მოსჩანს, როგორც დამთავრება და როგორც ასეთი – ხანდახან როგორც გადახრაც (ოდნავი დეკადენსი). ამის შემდეგ რა აზრი აქვს ასეთს დილემას: „ან რუსთაველი არაა ქართველი, ან და მისი პოემა ადვილად ნაშოვნია საქმეა“?

რუსთაველი ქართველია და მის პოემას უდიდესი სიტყვის კულტურა უძღვის წინ. რასაკვირველია, „ადვილად შოვნაზე“ ლაპარაკი ამ კულტურის არცოდნაა. (მაინც ნამცდა პოლემიკური სიტყვა).

კიდევ სხვა მაგალითი.

მთელი ლათინური ევროპა ამაცობს ფრანსის ასიზელით. ფრანსის ასიზელს დარჩა ოცი სტრიქონი. ამ სტრიქონებიდან იტალიელებს გამოჰყავთ მთელი იტალიური პოეზია. განსაკუთრებით უყვარს ეს სტრიქონები დ'ანუნციოს.

რასაკვირველია, მარტო ამ ოცი სტრიქონისთვის არ არის ფრანსის ასიზელი საოცარი. იგი ბავშვია და თან ბრძენი. იგი „ჩიტის გულშია“ გადასული და ცოცხლობს ჩიტის გულით. იგი ბუნების ძალთა მხილველია და მათი დამურვებელი (ხოლო – არა ძალადობით).

საკმარისია აქ წერტილი დავსვა, რომ

ქართველმა იმავე წამს მინდია გაიხსენოს. და მართლაც: მინდია იგივე ფრანსის ასიზელია, მხოლოდ საქართველოს მთებში აღმოცენებული, როგორც იშვიათი ყვავილი ალპების. განა მინდიას მითოსი გენია არ არის თვითონ? განა აქ არა სჩანს „ღვთის ხელი“?

კიდევ ერთი მაგალითი.

კათოლიკური ევროპა თავის თავს აღმოსავლურ ქრისტიანობას უპირისპირებს.

აღმოსავლურ ქრისტიანობაში მართო განდგომაა და ლოცვა. თითქო აქ „მინა“ არც არის. დასავლურ ქრისტიანობამ აღადგინა „მინა“. იქ „ღვთის საქმე“ თითქო „მინიერ“ სხეულს იღებს. აქედან – გოტიკა, მაღონა, მარადი ქალწულობის კულტი, გადასული „მარად ქალწურობის“ გზებზე.

ცხადია, დღეს ეს ბევრისათვის „გადასული ამბავია“. მაგრამ ყოველი ნაშთი კულტურისა „გადასული ამბავია“ – და მე მხოლოდ კულტურის მხრით მაინტერესებს ეს „ამბავიც“.

საქართველომ შეჰქმნა „ჯვარი ვაზის“. ჯვარი – არც ხისაგან, არც ქვისაგან, არც რკინისაგან. რატომ მაინცა და მაინც ვაზის ნასხლევისაგან? ალბად იმისათვის, რომ ვაზი სახეა „მინის“ ნოყიერების და ნაყოფიერების.

ეს კიდევ არაფერი.

ჯვარი ვაზის შეკრულია ქალის თმებით – (ლეგენდარულ გადმოცემით: ღვთისმშობლის, თუ თვითონ ნინოსი) აქ „მარადი ქალწულობა“, თუ „მარადი ქალწურობა“ უკვე უკანასკნელი სიმძაფრით არის მოცემული. კათოლიკურ ევროპას ასეთი რამ არ გააჩნია. ეს არ არის გადამეტება.

ასეთია საქართველო და მისი გენია.

საუკუნედან საუკუნეში მეორდება „ოქროს ვერძის“ ამბავი და მედეას ლეგენდა და არგონავტები ჯერ კიდევ არ

სცხრებიან.

ამისათვისაა, რომ უცხოელს იზიდავს საქართველო. არქანჯელო ლიმბერტი, პიეტრო დელლა-ვალე, შარდენ – მოდიან საქართველოსკენ, როგორც მზის ბადეში გაკვალთულ დედოფლისაკენ. დიუმას ფრანგული სიტყვები აღარ ჰყოფნის საქართველოს ქებისათვის.

მაგალითები სხვაც ბევრია.

ხოლო ერთი სამუდამოდ ღერბად სჭირს ამ მხილებას.

პიეტრო დელლა-ვალეს ეუბნებიან, რომ ისფაჰანში ულამაზესი ქალია ქართველი („მანია“, ალბათ „მანანა“). გაეშურება ამ ქალაქისაკენ.

გაიცნობს ამ ქალს. შეუყვარდება. შეირთავს. რაინდი შახ-აბასს უახლოვდება. ჰსურს – ისპაჰანისგან შეჰქმნას ახალი რომი აღმოსავლეთში. შემდეგ, უცრად სამშობლოს ნაღველი აუტყდება. გაეშურება – ცოლით.

თან მიჰყავს ქართველი გოგონა „მარუკია“. გზაზე ცოლს საშინელი შხამი შეეყრება. ცოლი არ იმჩნევს ავადობას, ისე მძლე აქვს რასის გრძობა. „მანია“ კვდება. რაინდი ხელდება. მი აქვს ცხედარი რომში და იქ ასაფლავებს. შეირთავს „მარუკიას“, რომელიც ამიერიდან იწოდების „თინათინ ზება“.

ამ ამბავს მოგვითხრობს – (იცით ვინ?) – თვითონ გოეტჰე, ერთი შვიდთაგანი, თუ ცხრათაგანი შობილთა შორის.

მოგვითხრობს, როგორ? სიტყვასა და სიტყვას შუა სტოვებს სურნელს ქართველი ქალით აღტაცებისას.

და როცა თვითონ მისი ბაგედან გადმოვარდება ქართული ნათელი სახელი „თინათინ“ – მაშინ ვინ არ იგრძნობს საქართველოს მადლს?

„ქართული მწერლობა“, 1927, N1.



ნინო დარბაისელი-სტრონი

პაატა შამუგიას
„არბადარჩენა“
ანუ „გოდება ალსაჰალთა“

უფალმაც რომ დაიცვას ქალაქი,
ამაოდ ფხიზლობს გუშაგი –
ვერაჲინ გადარჩება.

სახლებს ცეცხლი წაეკიდება,
გზები მოირყევა,
ჩვილები აკვნებიდან წამოდგებიან
და თავებს დემონსტრაციულად დაიხოცავენ,
რადგან
ვერაჲინ გადარჩება.

შორ გზაზე შემდგარს ფეხები დაულღვება
და საკუთარ კიდურებში წელამდე ჩაფლულს
ვერაჲინ იხსნის,
ლოგინებში გველები აყვავდებიან,
კედლები ორკაპა ენებს გამოიბამენ
და იტყვიან ყველაფერს,
რისი გამოთქმაც აქამდე უხერხული იყო.
ამაოდ ფხიზლობს გუშაგი,
ამაოდ ფხიზლობს დედა –
ვერაჲინ გადარჩება.

მკითხავები ხელისგულზე ველარ წაიკითხავენ,
მკითხველები ლექსებს ველარ წაიკითხავენ,
მლოცველები ლოცვებს ველარ წაიკითხავენ,
პოლიტიკოსები ხმას ვერ აიმაღლებენ,
ბგერების ნაცვლად სისხლიან გლანდებს ამოანთხევენ –
ვერაჲინ გადარჩება.

ჭადრები ბეტონის ფოთლებს დაისხამენ,
მგზავრები ჩრდილებს დაკარგავენ,
სიტყვები ქვებივით დამძიმდებიან,
ქვებით პირები ამოგვევსება
და ჩვენ ნაცვლად ჩვენი ჩრდილები იჩურჩულებენ –
ვერავენ გადარჩება.

ძიძები ჩვილებს მიატოვებენ,
ავტომატებს გაიდევენ მხრებზე ჯვრებივით
და ყველა შემხვედრს ტყვიებით აკურთხებენ
მკვდრებს კი საკონტროლო კურთხევას დაახლიან –
ვერავენ,
ვერავენ,
ვერავენ გადარჩება
და ვინც გადარჩება,
ვერც ის გადარჩება,
ვერც გადაურჩება
მიზეზების და კავშირების
უმკაცრეს გადაკვეთას,
ბედნიერების და შემთხვევითობის
ავარიულ ჯახს –
ვერავენ გადარჩება.

სულ ტყუილად ეგონათ,
მიზეზებს მოიდებდნენ,
ალიბებს დადებდნენ
და გეგმებს დადებდნენ,
ამაოდ ფხიზლობს გუშაგი,
ამაოდ ფხიზლობს ქალაქი,
ამაოდ ფხიზლობს მშობელი,
ამაოა ეს ფაციფუცი –
ვერავენ,
ვერავენ გადარჩება.

და შუა თამაშში შენთვის დამიზნებული ხის თოფი უეცრად
მართლა გავარდეს და დაგჭრას კიდეც, ასე დამემართა.

ახლა გულგაგრილებულზე ნავიკითხავ ამ ლექსს, იქნებ გა-
ვარკვიო, რამ იმოქმედა ჩემზე ასე.

ესეც ასე! პირველმა ძრწოლამ გადა-
მიარა. როგორც ავი სიზმრის მნახავი
ახალგაღვიძებულზე გამდინარე წყალს
უყვება ნანახს, რომ გაატანოს და თან
შეშვერილ თითებს ათამაშებს, ახლა
მეც კიბორდზე ვათამაშებ თითებს.

პაატა შამუგიას „არგადარჩენაზე“
ვფიქრობ... „ლიტერატურულ გაზეთში“

გამოქვეყნდა... ჯერ არ ვიცი, როგორ
მიიღო ქართველმა მკითხველმა, მე კი
დღემდე ამ ავტორმა, როგორც მკითხვე-
ლი ისე გამანებივრა თავისი პოეტური
თამაშებით, კლასიკის ირონიული გადა-
კითხვებით, პაროდირებებით და ა. შ.,
ახლაც ასაყოლად გავემზადე და...

ომობანას სათამაშოდ რომ დაგიძხონ

ფორმით თავისუფალი ლექსია; რიტ-
მულ-ინტონაციური, სინტაქსური, ლექ-
სიკური და კიდევ, რა ვიცი, ყველანაირი
პარალელიზმით იმდენად გაჯერებული,
რომ ვერლიბრის გენეზისის მკვლევარს
მისი ბიბლიური წარმოშობის თეორიის-
თვის საუკეთესო პარადიგმად გამოად-
გებოდა.

შინაარსობრივადაც, ბიბლიურ წყა-
როებთან, უფრო ძველ აღთქმასთან
უახლოესი კავშირი, დიდ და მცირე წი-
ნასწარმეტყველთა ხილვებთან ზიარება
ადვილი საცნობია.

ქალაქის დაღუპვის, როგორც ღვთის-
მიერი სასჯელის მოტივიც არაერთხელ
მეორდება წმინდა წიგნში, ადრე იქნებ
ამის საილუსტრაციოდ მაგალითებიც მო-
მეყვანა, მაგრამ ახლა ისედაც ყველამ
ყველაფერი იცის.

ლექსის ენობრივი პლანი ძირითა-
დად გათანამედროვეებული ბიბლიისა და
სლენგით მსუბუქად შეფერილი სალიტე-
რატურო ლექსიკის სინთეზს ეყრდნობა.
ნარატიული მონახაზის მოხელთება მი-
ადვილებს ხოლმე პოეტურ ტექსტში ჩაღ-
ნევას. ახლაც ვცდი რეპროდუცირებას.

წარსული:

არსებობდა რაღაც ქალაქი-ტექსტი,
რომელშიც ყოფა და ყოფიერება „იკით-
ხებოდა“ მრავალმხრივ და მრავალნა-
რად. ჩვენ ამას აწმყოში ნეგაციის გზით
ვგებულობთ:

**მკითხავები ხელისგულზე ველარ
წაკითხავენ,**

**მკითხველები ლექსებს ველარ
წაკითხავენ,**

**მლოცველები ლოცვებს ველარ
წაკითხავენ.**

აწმყოში რაღაც ისეთი ხდება ამ ქა-
ლაქში, რომ პოეტ-წინასწარმეტყველს
მომავლის შემადრწუნებელ ხილვას აღუძ-
რავს. კონკრეტულად რა, ლექსში მინიშ-
ნებულებიც არ არის.

მინიშნებული არ ჩანს არც რაიმე
ნუგეში, ნათლის სხივი, ყველაფერი უნ-
და დაიღუპოს!

უნდა დაიღუპოს, მაგრამ, ვინ არის
ის ძალა, რომლის ნებითაც უნდა აღ-
სრულდეს ეს სასტიკი განაჩენი?

რაკი ბიბლიის ველში ვიმყოფებით,
უნდა გვევარაუდა, რომ ქალაქის და-
ღუპვა მისი ცოდვების გამო, უფლის
განაჩენია, მაგრამ ლექსის პირველივე
სტრიქონი აუქმებს ამ ვარაუდს:

უფალმაც რომ დაიცვას ქალაქი,

....

ვერავენ გადარჩება.

სათაურად გამოყენებული სიტყვა
„არგადარჩენა“ ქართულ ზეპირმეტყვე-
ლებაში წყველითი მიგებაცაა. თუ ქა-
ლაქის არგადარჩენით მანყევრის ნება
უნდა აღსრულდეს, ვინაა ეს მანყევარი?

ტექსტი ამაზე პასუხს არ იძლევა.

მაშ, სად არის გასაღები?

იქნებ სხვა რამითაა გაპირობებული
ამ ქალაქის დაღუპვა?

ვერავენ გადაურჩება

მიზეზების და კავშირების

უმკაცრეს გადაკვეთას,

ბედნიერების და შემთხვევითობის

ავარიულ ჯახს. – ნათქვამია ლექ-
სში.

აქ გამონათქვამი „მიზეზების და კავ-
შირების უმკაცრესი გადაკვეთა“ წმინდა
ლოგიკის თვალსაზრისით, მცდარია, მაგ-
რამ პოეზიას ხომ თავისი ლოგიკა აქვს.

არსებობს მიზეზთა და შედეგთა კავ-
შირი, ანუ სხვაფრივ, საგანთა და მოვ-
ლენათა მიზეზ-შედეგობრივი კავშირი.
პოეტი ახდენს ამ კონცეფციის დეკონ-
სტრუირებას, რაღაც ნაწილს გვერდზე
გადადებს და დარჩენილი ნაწილების ახა-
ლი კომბინაციით საკუთარ კონსტრუქ-
ციას კრავს. პოეტური ქმნადობის ამ მე-
თოდს პაატა შამუგია ბევრგან იყენებს
დანყებულ „ანტი-ტყაოსანიდან“. უფრო
მარტივად რომ ვთქვა, წარმოიდგინეთ
სათამაშო კონსტრუქტორი, რომელ-
საც მოჰყვება ინსტრუქცია. თქვენ კი
ინსტრუქციის მიხედვით უკვე აწყობილ
მოდელს შლით და მისი რაიმე ნაწილების
გამოყენებით რაღაც ახალს, მანამდე გა-

უთვალისწინებელს ქმნით, მაგალითად, „ბედნიერებისა და შემთხვევითობის ავარიულ ჯახს“ (პაროდია „აუცილებლობისა და შემთხვევითობის“ კანონისა თუ კონცეფციისა).

ეს იქნებ თავისთავად საინტერესოცაა და საკვლევიც, მაგრამ ამ შემთხვევაში ტექსტის გასაღებად ვერც ეს გამომადგება.

●
„ჩრდილის“ კონცეპტი ლექსში ორჯერაა წარმოდგენილი. დასაწყისში ნათქვამია, რომ მგზავრები ჩრდილებს დაკარგავენ, ცოტა ქვემოთ კი, როცა სიტყვები ქვებად იქცევიან და მეტყველების უნარს წაართმევენ ქალაქის მკვიდრთ, მათ ნაცვლად მათი ჩრდილები იჩურჩულებენ.

ჩრდილის დაკარგვის ცნობილი ლიტერატურული მოტივის მაგალითების მოხმობით თავს არ შეგანყენთ, არა მგონია, რაიმეს მომტანი იყოს. მთელი ეს ლექსი ბიბლიური კონოტაციების ველია, ამიტომ „ჩრდილის“ კონცეპტიც უფრო ამ ველშია საძიებელი. კერძოდ, თუ გავისხენებთ თეოსოფიიდან, რომ მაცხოვარი მარადიული ნათელია, რომელიც მინიერებას ეფინება, ამ ნათელსა და მიწას შორის არის ადამიანი. მისი ჩრდილი, რომელიც მიწას ეცემა, მარადიულ ნათელსა და მიწას შორის დგომის შედეგია.

აქ მაცხოვრის ხსენება მიბიძგებს, ლექსის ის ადგილი, სადაც ნათქვამია, ჩვილები თავებს დემონსტრაციულად დაიხოცავენო, დავაკავშირო ჰეროდე მეფის მიერ ჩვილების დახოცვის ამბავთან. შურისმაძიებელი ძიებები, რომელთაც მხრებზე ავტომატები ჯვრებით გაუდიათ (მინიშნება გოლგოთაზე) დახოცავენ ყველას, რადგან, ალბათ, ყველას დამნაშავედ მიიჩნევენ იმაში, რაც გარდაუვლად მოხდება.

არ-გადარჩენა – ეს არის გადარჩენა, რომელიც არ შედგა. გადამრჩენი-მხსნელი, რომელიც კაცობრიობას მოევილინა, ქრისტიანული სარწმუნოების მიხედვით, არის მაცხოვარი.

თუ ფიქრთა ამ მდინარებას მივყვებით, მივალთ შთაბეჭდილებამდე, რომ ქალაქის დაღუპვის მიზეზი არის არ-შემდგარი შობა. ქრისტე „არ დაიბადა ამ ქალაქისთვის“, გადამრჩენის მოვლინება არ მოხდა. ამ ქალაქს ახალი აღთქმა არ შეხებია...

„ამაოდ ფხიზლობს დედა“, – აქ ღვთისმშობელი უნდა იგულისხმებოდეს. მისი სიფხიზლე ვერ უშველის ქალაქს, რადგან მისი ძე მასში არ შეუშვიათ.

საბოლოოდ გამოდის, რომ, რაც ამ გარდაუვლად დასაღუპავი ქალაქიდან რჩება, მოჩურჩულე ჩრდილებია.

აღარ იქნება ქალაქი და, ვინ იცის, ვინ გაიგონებს, რა სათქმელი შეატოვა მათ ლექსის ავტორმა!

„არგადარჩენა“ შეხმიანებაა დიდი ბიბლიური წინაპრის სიტყვებთან:

**თუ უფალი არ ააშენებს სახლს, ამაოდ გაირჯებიან მისი მშენებლები;
თუ უფალი არ დაიცავს ქალაქს, ამაოდ ფხიზლობს გუშაგი.**

(ფსალმუნნი, გალობა აღსავალთა. 126 (127:1))

ფსალმუნისეული „გალობა აღსავალთა“ თანამედროვე პოეტის არსებაში სასონარმკვეთ რეალობასა და მომავალს, უფრო სწორად უ-მომავლობას დასჯახებია და გაისმის, როგორც „გოდება აღსავალთა“ და მე მჯერა, პაატა შამუგიას ეს შემზარავი პოეტური ხილვა-წინასწარმეტყველება ერის მთვლემარე ნერვს მწარედ შეარხევს და გამოაფხიზლებს.

ერის გადარჩენა კი მის მიწყვიტ სიფხიზლეშია.

გია ჯოხაძე

ქართული მითი
ოსიზ მანდელშტამი და საქართველო



ცოლსაც ჩაჰკითხ-
ვია: „ვინ გითხრა,
რომ ბედნიერი უნდა
იყო?“

კითხვის ნიშნების
რაოდენობა ულიმი-
ტოა; ყოველ შემ-
თხვევაში, ისინი იმ-
დენივე მაინცაა, რამ-
დენიც სხვა სასვენი
ნიშანი და თუ თვი-
თონ არ მოინდომე,
მათ მარად მედინ
მადანს ვერაფრით
ამონურავ...

მანდელშტამი იშვიათად ყოფილა
ბედნიერი...

ან კი პოეტი როდისაა ბედნიერი?

ნუთუ მაშინ, როცა გულით „უხორცო
აზრები“ დააქვს და მათ შობას ელტვის
მოსალოგინებელი დედაკაცივით? ან იქნ-
ებ მაშინ, როცა უკვე არტიკულირებულ
პოეტურ სათქმელს მორიგ ხელმოცარ-
ვად მიიჩნევს?

იქნებ ბედნიერად მაშინ რაცხს თავს,
როცა ხელისუფლების ჯილდო ზნეო-
ბრივი კომპრომისის საზღაური ჰგონია
და თავსაც ინყევლის და ჯილდოსაც
შეაჩვენებს?

ვაჟა-ფშაველა ამბობს ერთგან: მხ-
ოლოდ მაშინ ვარ ბედნიერ, როცა ვარ
შენუხებულო; მანდელშტამი ერთხელ

თუ პეპლისთვის
სიცოცხლე ბედნიერებაა, მაშინ პოეტის
ბედნიერებაც მისას მგვანებია: ბედნიერი
მხოლოდ მაშინ არის, როცა დაფრინავს
ანუ როცა ლექსებს წარმოთქვამს!

პოეტის ბედნიერების შესაფასებლად
ადამიანური საწყაო არ გამოდგება: ხან-
დახან მგონია, რომ, როცა პოეტი ლე-
ქსებს არ წერს, უბრალოდ, „ცხოვრებით
ტკბება“, ანუ გამოცდილებას აგროვებს,
სწორედ მაშინ უნდა იყოს ბედნიერი –
მომავალი ლექსების იმედით. რა გასაკ-
ვირია, პოეტი პოეტს ჰგავდეს? მაგრამ
ის, ვისაც ახლა მინდა შევადარო, ორჰან
ფამუქის რომანის პერსონაჟი პოეტია,
რომელსაც ყოფიერების აუტანლად ტკ-
ბილი სიმსუბუქე („ისეთი ტკბილი, ისეთი

ტკბილი, რომ მწარე...“) ლექსების წერას „გადააჩვენეს“ – ლექსთან მხოლოდ თოვლი, სიღარიბე, ტანჯვა ანუ სიყვარული დააბრუნებს.

რა მოხდება, რომ ავიჩემო, მანდელშტამი საქართველოში ყოფნისას ან საქართველოზე ფიქრისას ბედნიერი იყო-მეთქი?

...ლექსებს აღარ წერდა, ახლადშერთული ცოლი გვერდს უმშვენებდა, ომსა და გაჭირვებას გამოქცეოდა, გარს გულლია და გულუხვი ადამიანები შემორტყმოდნენ, სტუმრობდა და მასპინძლობდნენ, ბუნებას ეტრფოდა და ისიც, რომელიღაც აპოკრიფივით აკრძალული, უცხო და უცნობი, ხანდახან მისთვის საგანგებოდ განიხვებოდა... იქნებ ესაა ბედნიერება, რომლის ბალღობისდროინდელ მოგონებასავით წვდომამ და განცდამ, ვინ იცის, ლექსიც კი დაგანერინოს?

საქართველო ჯერ კიდევ 1916 წელს ჩნდება მანდელშტამის შემოქმედებაში – ასეა დათარიღებული ლექსი „Я потеряла нежную камею...“, რომელიც პირველად დაიბეჭდა ხარკოვულ ჟურნალში „კამენა“ (1918, №1, ს.9), შემდეგ კი გაერთიანდა კრებულებში: „თრისტია“ (1922) და „ქვა“ (1923):

*ნაზი კამეა დავკარგეო, გენთვოდათ
აღი*

*და თან ამბობდით: სადღაც აქვე,
ნაპირზე ნევის;*

*მენანებაო რომაელი – გემაზე –
ქალი, –*

*ცრემლს იკავებდით. ხმა ისმოდა
ტალღების რხევის.*

*ქართლის ასულო, განიქარვე ეგ
ჟრუანტელი,*

*ღვთიურ აკლდამათ ნაშთი ჟამმა
გადაფარაო...*

*უფაფუკესი ჩამოვარდა კენტი
ფანტელი*

*და ჩამოაღნა წამწამებად გაშლილ
მარაოს.*

*თვინიერ კისერს ხრით და წყალიც
იდვრის რკალებად.*

*აღარც კამეა, არც – ქალწული,
ლათინთა ტომის...*

*მე შავგვრემანი თინათინი
შემებრალეა –*

*ნევის ნაპირზე – დარდიანი
ქალწული–რომი.*

ვინ იყო ეს „ქალწულებრივი რომი ნევის სანაპიროზე“, რომელსაც თინათინი რქმევია?

ნ. ხარჯიევი (1903–1996) – ლიტერატორი და კოლექციონერი, აკადემიკოს ვ. ჟირმუნსკის (1891–1971) გამოკვლევაზე დაყრდნობით, გვამცნობს, რომ იგულისხმება თინათინ ჯორჯაძე, რუსული არმიის ოფიცრის, დავით ჯორჯაძის შთამომავალი, რომელიც სერგეი ტანეევის – ნიკოლოზ მეორისა და მისი მეუღლის უახლოესი მეგობრის, ფრეილინა და შემდგომ – მონაზონ ანა ვირუბოვას ძმის – სამეფო კარის ცერემონმაისტერის, შემდგომ – ემიგრანტის – მეუღლე გახლდათ (М. Горгидзе, Грузины в Петербурге, Тбилиси, 1976, с. 366).

1916 წლის დეკემბრით თარიღდება მეორე ლექსი „Соломинка“ (პირველად დაიბეჭდა ალმანახში „Тринадцать поэтов“ (1917, გვ. 25), რომელიც ეძღვნება მეორე ქართველ ქალს – სალომე ნიკოლოზის ასულ ანდრონიკაშვილ-გალპერნს, 1900–დან 1919 წლამდე მამასთან ერთად პეტერბურგში მცხოვრებს. 1916 წელს ის 28 წლის ყოფილა. გარდაიცვალა ლონდონში, 94 წლისა (Г. Шарадзе, Муза двадцатого века, Литературная Грузия, 1983, №3, с. 168_173; Л. Васильева, Саломея или соломинка, не согнутая веком, Огонек, 1988, №3, с. 22_26):

*ჩალის ღეროო, როს ვრცელ ტახტზე
არ გეძინება,*

*და ძილგამკრთალი ელი, როდის
დადგება ჯერი,*

რომ კვლავ დაიძრას, ვაგლახ,
დარდის მდორე დინება,
ფხიზელ წამნამზე მშვიდ სიმძიმედ
დაეშვას ჭერი.

ჩალის ღეროო, ხან წკრიალებ, ხან
რჩები მშრალი,
სამსალა სვი და – უფრო სათნოდ ეგ
ყელი მღერის...
თუმც გატყდი მაინც, ვერ გამოდექ
კლდესავით სალი,
არა – სალომე, სალამური ხარ
ჩალის ღერის.

მღვიძარებისას დამძიმებას იწყებს
საგანი
და შემცირებას, როს დუმილი ასე
მწველია...
აკიაფდება სარკმლად ყველა
ბალიშთაგანი,
მრგვალი მორევი რომ ირეკლავს,
სარეცელია.

ჩალის ღეროო, ფარჩით მოსილს
სხვა ვინმეს დავმზერ,
უვრცეს დარბაზში შავბნელ ნევად
გადათრთვილული
და თვე თორმეტი ისევ მოთქვამს
სიკვდილის ჟამზე,
ჰაერში მკრთალი და ცისფერი
წვეთავს ყინული.

ჭავლად ეშვება მოზეიმე დეკემბრის
სუნთქვა,
თითქოს ოთახში შემოიჭრა
ტვირთმძიმე ნევა...
სალომე – არა, ლიგეა ხარ – სიკვდი-
ლი, სულთქმა –
აჰა, ვისწავლე მეც ნეტარი
სიტყვების ფრქვევა.

-2-

აჰა, ვისწავლე მეც ნეტარი
სიტყვების ფრქვევა:
სალომე, ლენორ, ხარ ლიგეა და
სერაფიტა...

უვრცეს დარბაზში შემოჭრილა
ტვირთმძიმე ნევა,
ცისფერი სისხლი მოწანწკარებს
ბროლის დაფიდან.

ნევაზე კრთება მოზეიმე დეკემბრის
სახე
და თვე თორმეტი სიკვდილის ჟამს
გვითვლის გუნდებად...
სალომე – არა, დაფარჩული სხვა
ქალი ვნახე,
მდორე სიმშვიდეს რომ იგემებს და
დარწყულდება.

სისხლში რომ სახლობს,
დეკემბრული ლიგეას თვეა,
მის ნეტარ სატრფოს სარკოფაგთა
წიაღში სძინავს.
ის ჩალის ღერო – ვისაც, იქნებ
სალომეც ჰქვია! –
სინანულს წაჰყვა, აქ ვერასდროს
დაიდებს ბინას!

მანდელშტამს მისთვის 1916 წელს
მეორე ლექსიც მიუძღვნია, სახელწოდებით
„მადრიგალი“, რომელშიც ან-
დრონიკაშვილთა თავადური გვარის
საოჯახო ლეგენდის ანარეკლი კრთის:

თავადის ასულ ანდრონიკოვასადმი

ანდრონიკე კომნენოსის მხევალი
ბიზანტიურს მოჰგავს მძლევარს,
ზეციერს!

გეაჯები, ისევ შენ შემენიე –
მზე დავიხსნათ, ბნელი ღამის
მძევალი.

ვიყო მხოლოდ ტკბილ ჰანგების
მევალე,

სიკვდილს ვძლიო, ისევ შენ შემენიე!
ანდრონიკე კომნენოსის მხევალი
ბიზანტიურს მოჰგავს მძლევარს,
ზეციერს!

1919 წელს თბილისურ ჟურნალ „ორი-
ონში“ დაიბეჭდა მანდელშტამის ეს ლექსი:

ბოთლიდან თაფლი იღვრებოდა
ოქროსფერ ქავლად,
თან ისე ზღაზვნით, დაიღვარა
სიტყვებად ქალი:
შევრჩით ამ მხარეს, თუმც
ტავრიდის გვინდოდა ჩავლა,
სულაც არ ვინყენთ, – დედაკაცმა
მოგვაპყრო თვალი.

ისლა გშთენია, ყოველ დილით
ბახუსს შეება –
ყველგან – დარაჯი, ყველგან –
ძალლი, ბინდი მფარავი ...
მძიმე კასრები მიგორავენ
გულმშვიდ დღეებად.
ფარდულში ბჭობენ – მაგრამ
პასუხს გაძლევს არავინ.

დავლიეთ ჩაი. მოვიხილეთ ვეება
ბალი.
წამწამებივით დაშვებულან
ფარდები ბნელი.
სვეტების მიღმა ჩავიარეთ ვაზების
თალი,
ჩამოელვართ მთვლემარე მთებს
ჰაერი სველი.

ყურძენს ვჭვრეტ სპათა
შერკინებად, ბრძოლის ველად და
ხუჭუჭა მტევნებს თმაკულულა
მეომრებს ვადრი...
კლდოვან ტავრიდას შემატვია
ცოდნად ელადა,
მწკრივი მწკრივს მისდევს, ქარვად
დნება ყოველი ადლი.

მატყლისფერ ოთახს აელვარებს
სითეთრის ბროლი...
სურნელი მაჭრის, ძმრის და ზეთის
სპობს ყველა კითხვას...
ბერძნული სახლი გაიხსენე – ერთ-
გული ცოლი
ელენე – არა, სხვა მისდარი, რომ
ქსოვდა დიდხანს!

ოქროს სანმისო, დამდებიხარ

სულზე ხუნდებად,
სად ხარ? მთელი გზა ზღვის
ტალღები დამშხუის თავზე...
ჰა, დამაშვრალი ოდისევის სახლს
უბრუნდება,
ხამლგაცვეთილი, მაგრამ სივრცით
და დროით სავსე.

1920 წლის აგვისტოში, ხუთ თუ შვიდ-
დღიანი ტატიის შემდეგ, ძველი გემი,
რომელიც ადრე მხოლოდ აზოვის ზღვაში
დაცურავდა, ბათუმში შეყოვნდა. ამას
სტუმართმოყვრულ მიღებას ვერ უწო-
დებ: მანდელშტამი, ძმასთან, ალექსან-
დრესთან, ერთად ციხეში ჩასვეს, რათა
შემდეგ ვრანგელის მიერ დაპყრობილ
ყირიმში დაებრუნებინათ.

ამ განზრახვის ასრულებას ხელი იმან
შეუშალა, რომ რსფსრ–სა და საქარ-
თვლოს ხელშეკრულება დაედოთ, რომ-
ლის თანახმადაც, მხოლოდ ბრალდებ-
ულთა გადაადგილება იზღუდებოდა...

არსებობს ბათუმის კარანტინიდან
მანდელშტამის გამოხსნის ორი ვერსია:
ნინო ტაბიძის მოგონებათა თანახ-
მად, ახალდაქორწინებული ტიცციანი და
ნინო ბათუმში ისვენებდნენ. ნიკოლოზ
მინიშვილმა, რომელიც იმხანად ბათუმის
გაზეთში მუშაობდა, ტიცციანის პოეზიის
საღამო გამართა.

ერთხელაც ტიცციანს ნინოსთვის უთქ-
ვამს, რომ, როგორც აცნობეს, ბათუმის
კარანტინში იმყოფებოდა ყირიმიდან
ჩამოსული პოეტი ოსიპ მანდელშტამი,
რომელიც რამენაირად უნდა გამო-
ეხსნათ. ადგილი, სადაც შავი ჭირის
ეპიდემიისაგან თავდასაცავად ხალხი
შეეყარათ, მავთულით შემოეზღუდათ და
იქ არავის უშვებდნენ. ტიცციანი შეუშვეს.
მაღე ძალიან აღელვებული დაბრუნდა
უკან. აღმოჩნდა, რომ როცა მანდელ-
შტამზე მიუთითეს, პირველად ვერცკი
დაიჯერა, რომ ქვაზე ჩამომჯდარი, წვერ-
გაბურძენილი, ბინძური კაცი პოეტი და
ესთეტი მანდელშტამი იყო. ტიცციანს
გამომცდელი კითხვებიც კი დაუსვამს,

რომლებზე პასუხის გაცემაც მხოლოდ მანდელშტამს შეეძლო: მაგალითად, მისი რომელი ლექსი დაიბეჭდა ამა და ამ წელს, ამა და ამ ჟურნალში და ა.შ. მანდელშტამს უპასუხია და ხსენებული ლექსი ზეპირადაც კი წაუკითხავს... ტიცციანი დარწმუნებულა, რომ ის მართლაც მანდელშტამს ესაუბრებოდა... ნინო და ტიცციანი, მანდელშტამთან ერთად, თბილისში დაბრუნებულან (Дом под чинарами, Тбилиси, 1976, с. 41-42).

ამ ამბავს უფრო დანვრილებით იხსენებს ნიკოლო მიწიშვილი: ტიცციანი და ნიკოლო ბათუმში რომელიღაც ბერიკაცს შეუჩერებია, ბათუმის ებრაელთა თემის წინამძღვრად წარდგომია და უკითხავს, იცნობდნენ თუ არა პოეტ მანდელშტამს. დადებითი პასუხის შემდეგ, უთქვამს: – პოეტები მას უნდა დაეხმარათ: მანდელშტამი დააკავეს და „საგანგებო რაზმშიაო“. ტიცციანსა და ნიკოლოს იქით გაუწევიათ. მათთვის უპასუხიათ, რომ დაკავებულთა შორის მართლაც იყო ვიღაც მანდელშტამი, მაგრამ ვერავინ დაიჯერებდა, რომ ასეთი არაპოეტური გარეგნობის კაცს იცნობდნენ. თვით მანდელშტამი ქართველი პოეტებისათვის არ უჩვენებიათ, რის გამოც ტიცციანსა და ნიკოლოს ეჭვი შეჰპარვიათ და ბათუმის ოლქის გენერალ-გუბერნატორთან მისულან. მანდელშტამიც მოუყვანიათ: „შემოდის დაბალი, კაფანდარა, მელოტი, უკბილო, ბინძური, დაჭმუჭნილი ტანსაცმლითა და ძირგამოხეული სანდლებით შემოსილი ებრაელი – ჭემმარიტად ბიბლიური გარეგნობისა. გუბერნატორმა შეხედა მას და ქართულად გვითხრა:

– მართლაც ვიღაც მეგონა! ეს კი საფრთხობელაა, ეშმაკმა დალახვროს. სული რომ შეუბერო, გაფრინდება. უპოვიათ რა სახიფათო ადამიანი!

შემდეგ დასვა, დიპლომატიურად გაარკვია, რომ მის წინაშე მართლაც პოეტი მანდელშტამი იყო, და თავაზიანად მოუბოდიშა მას.

ბელურასავით სკამის კიდეზე ჩამომ-

ჯდარი მანდელშტამი ალაპარაკდა:

– ნითლებს ყირიმში გავექეცი. ყირიმში თეთრებმა დამაპატიმრეს, თითქოს ბოლშევიკი ვყოფილიყავი. ყირიმიდან საქართველოსკენ გამოვეშურე, აქ კი თეთრად მიმიღეს. რანაირი თეთრგვარდელი ვარ? რა ვქნა? ახლა თვითონ არ მესმის, ვინ ვარ – თეთრი, ნითელი თუ რომელიღაც სხვა ფერის. მე საერთოდ არ გამაჩნია ფერი. პოეტი ვარ, ლექსებს ვწერ და ყოველგვარ ფერზე მეტად ახლა ტიბულუსზე, კატულუსსა და რომაულ დეკადანსზე მეფიქრება...“ (Н. Мицишвили, Пережитое, Тбилиси, 1963, с. 164-165).

ეს მოგონება პირველად ნიკოლოზ მიწიშვილის წიგნში „ჩრდილი და კვამლი“ (1930) დაიბეჭდა. წიგნის რედაქტორი ყოფილა ზ. ჩერნიაკი, რომელსაც ავტორისათვის წერილი გაუგზავნია: „ამ დღეებში შემთხვევით პოეტ მანდელშტამს შევხვდი, რომელიც პირიდან ცეცხლს აფრქევს მასთან დაკავშირებული თქვენეული მოგონების გამო. განსაკუთრებით აუღელვებია ამ „ფერადოვან“ დახასიათებას („მე არც თეთრი ვარ, არც – ნითელი“...) და მოითხოვა ამ პასაჟის ხელნაწერიდან ამოღება“. ბუნებრივია, რედაქტორს ამის უფლება არ ჰქონდა, მაგრამ ამას ნაკლებად დაუმშვიდებია მანდელშტამი: „ასე რომ, – წერდა ზ. ჩერნიაკი, – ელოდეთ მის მრისხანე გამოხმაურებას, რომლის სასიკვდილო ქმედება, შესაძლოა, მხოლოდ იმ ათასკილომეტროვანმა მანძილმა შეანელოს, რომელიც გაცილებთ ფიცხსა და აფრიკულად ტემპერამენტულ პოეტს“.

ქართველთა მსგავსადვე აღწერს ილია ერენბურგი მანდელშტამის დატყვევების ამბავს, რომლისთვისაც პოეტის ქვრივს – ნადეჟდა მანდელშტამს ქმრის მიერ ნაამბობი ვერსია დაუპირისპირებია: ქართველი პოეტები მართლაც მისულან საპორტო კარანტინში, სადაც მანდელშტამი ძმასთან ერთად დაეკავებინათ. ისინი თავდებად დაუდგნენ მანდელ-

შტამს, რათა რუსი პოეტი დაუყოვნებლივ გაეთავისუფლებინათ, ეგ არის, მის ძმაზე აღარ უზრუნიათ. ამ პირობებით, მანდელშტამს საკუთარ გათავისუფლებაზეც უარი უთქვამს. მანდელშტამის თანახმად (იხ. მისი „დაბრუნება“ და „მენშევიკები საქართველოში“), მას დაეხმარა ბოლშევიკებისადმი თანამგრძნობი ბადრაგი-ჯარისკაცი Чигуა (ჭილუა?), თუმცა, არც ისაა გამორიცხული, გამგზავრების წინ ქართველ პოეტებს გაეფრთხილებინოთ ბათუმისა და ბათუმის ოლქის საგანგებო კომისარი ბ. ჩხიკვიშვილი, რომლის ჩარევამაც საბოლოოდ გადაწყვიტა მანდელშტამისა და მისი ძმის ბედი.

1920 წელს მანდელშტამი ცოტა ხანს დარჩა საქართველოში, მაგრამ ბათუმისა და თბილისის სალიტერატურო ცხოვრებას კვალი მაინც დააჩნია. ბათუმური გაზეთები (Эхо Батума, Батумская жизнь) ityobinebodnen o. mandelStამის საღამოს თაობაზე, რომელიც ბათუმის ხელოვნების მოღვაწეთა საზოგადოებაში გამართულა 16 სექტემბერს. Батумская жизнь-მა გამოაქვეყნა ილია ზდანევიჩის ანგარიში, რომლიდანაც ირკვევა, რომ შესავალი სიტყვა მასვე წარმოუთქვამს (Р. Тименчик, Заметки об акмеизме. Вступление. ლუსისან გიტერატურე, 1974, N7/8, პ. 25).

ერთ ბერლინურ ჟურნალს 1921 წლის იანვარში მკითხველისთვის უცნობებია: მანდელშტამი 1920 წელს ცხოვრობდა ყირიმსა და კოკტებელში, თეოდოსიის მახლობლად. ამჟამად ამიერკავკასიაშია. ბათუმსა და თბილისში ი. ერენბურგთან ერთად პოეზიის საღამოები გაუმართავს, რომლებზეც თავისი ლექსები წაუკითხავსო (Русская книга, 1921, №1, с. 25). თითქმის იმხანადვე ქართულენოვან ჟურნალ „განთიადში“ დაბეჭდილა ცნობა იმის თაობაზე, რომ პარიზში ნიკოლო მინიშვილი ქართული გამომცემლობის დაარსებას აპირებს, რომლის მუშაობაშიც რუსი მწერლების – მანდელშტამის, ერენბურგის, გოროდეცკის – ჩართვას გეგმავს.

თბილისს ჩამოსული მანდელშტამი შეხვედრია ილია ერენბურგს და ცოტა ხნის განმავლობაში პოეტს სადედაქალაქო მხატვრული ცხოვრებით უცხოვრია. 26 სექტემბერს კონსერვატორიის დარბაზში ოსიპ მანდელშტამისა და ილია ერენბურგის საღამო გამართულა, რომელიც გრიგოლ რობაქიძეს გაუხსნია და ახალ რუსულ პოეზიაზე ულაპარაკია (შემდეგ ერენბურგს წაუკითხავს მოხსენება „ხელოვნება და ახალი ერა“, რის შემდეგაც ორივე პოეტი საკუთარი ლექსებით წარმსდგარა მაყურებლის წინაშე).

ოდნავ წინ თუ გავიჭრებით, აღმოვაჩინოთ, რომ მიხაილ პრიშვინის ერთ-ერთი მოთხრობის (Сопка Маира) თანახმად, მანდელშტამს სურსათის მისაღებ უწყისზე ხელი ქართულად მოუწერია (Литературная учеба, 1980, №1, с. 129).

მეორედ მანდელშტამი თბილისს მეუღლესთან ერთად ესტუმრა – იდგა 1921 წელი. ზაფხული და შემოდგომა წყვილს თბილისსა და ბათუმში გაუტარებია (გემით – „Димитрий“ ნოვოროსიისკში გამგზავრებულან და ახალ წელს სოხუმში შეხვედრიან, სადაც გემმა შეისვენა).

კოლაუ ნადირაძის მოგონების თანახმად, თბილისში წყვილი თავდაპირველად დაუბინავებიათ ხელოვნების სასახლის (მწერლის სახლი) ერთ-ერთ ოთახში, შემდეგ კი იაფფასიან ბინაში გადასულან, მაშინდელი ლუნიბისა (ბარნოვის) და აგურის (ბელინსკის) ქუჩების კუთხეში რომ მდებარეობდა.

ნადეჟდა მანდელშტამი განსხვავებულ ვერსიას გვთავაზობს: ხელოვნების სასახლეში იმიტომ დაგვბინავეს, რომ უბანი, რომელშიც ვცხოვრობდით, რომელიც მიზეზის გამო, მოსახლეობას ერთ საათში დააცლევინეს: ლამის მთელი ქალაქი მოგვატარეს ნახევრად საბარგო მანქანით, რომელსაც ზანგი მძღოლი მართავდაო: „მახსოვს, პაოლო იაშვილმა დიდებული ჟესტით უბრძანა შვეიცარს, ჩვენთვის ოთახი გამოეყო... შვეიცარ-

მა შეპასუხება ვერ გაბედა. ქართველი პოეტები არასოდეს დაუშვებდნენ, რომ რუსი თანამოძმე უსახლკაროდ დარჩენილიყო (L'avanguardia a Tiflis, Venezia, 1982, p. 229).

იქ მანდელშტამებმა ერთი თვე დაჰყვეს. სახლის ტერასაზე იკრიბებოდნენ და ცხარედ კამათობდნენ სიმბოლიზმზე, რომელსაც გამუდმებით ესხმოდა თავს მანდელშტამი. შემდეგ ეს განწყობა გაცხადდა მანდელშტამის სტატიამი „ცოტა რამ ქართულ ხელოვნებაზე“.

შემდეგ ეს განწყობა გაცხადდა მანდელშტამის სტატიამი „ზოგი რამ ქართულ ხელოვნებაზე“:

რუსულ პოეზიაში არსებობს ქართული ტრადიცია. გასული საუკუნის რუსი პოეტები როცა საქართველოს ეხებიან, მათი ხმა განსაკუთრებულ ქალურ სირბილეს იძენს და თვით ლექსიც თითქოს რბილ, ტენიან ატმოსფეროში იძირება: «На холмы Грузии легла ночная мгла» (პუშკინს უწერია: «На холмах Грузии лежит ночная мгла...», გ.ჯ.). ალბათ, მთელ ქართულ პოეზიაშიც კი არ დაიძებნება ისე ქართულად მთვრალი და ქართული სურნელით გაჯერებული ორი სტროფი, როგორებიც წარმოთქვა ლერმონტოვმა: «Пену сладких вин пьяный льет Грузин...» უნდა ითქვას, რომ რუსულ პოეზიაში არსებობს ქართული მითი, რომელიც პირველად პუშკინმა გამოამზეურა: «Не пой, красавица, при мне ты песен Грузии печальной» და შემდეგ ლერმონტოვმა სრულქმნა მითოლოგიურად. ამ მითის შუაგულში თამარი დგას.

საინტერესოა, რომ ამ მითად, პოეზიის ამ აღთქმულ ქვეყნად რუსული პოეზიისათვის საქართველო იქცა და არა სომხეთი.

საქართველომ აცდუნა რუსი პოეტები თავისებური ეროტიკით, ეროვნული ხასიათისათვის დამახასიათებელი ტრფობით, მსუბუქი სიმთვრალის უბინო სულით, ერთგვარი მელანქოლიური და

საზეიმო თრობით, რომელშიც დავანებულია ამ ხალხის სულიცა და ისტორიაც. ქართული ეროსი – აი, რა იზიდავდა რუს პოეტებს. სხვისი სიყვარული ჩვენთვის მუდამ საკუთარზე ძვირფასი და ამაღელვებელი იყო.

საქართველოს კი სიყვარული შეეძლო! მისი უძველესი ხელოვნება, ხუროთმოძღვართა, ფერმწერთა, პოეტთა ოსტატობა განმსჭვალულია სიყვარულის უფაქიზესი უნარით და ჰეროიკული სინაზით.

დიახ, კულტურას შეუძლია, დაგაათროს. ქართველები ღვინოს გრძელ, ვიწრო ქვევრებში ინახავენ და მიწაში მარხავენ. ესაა ქართული კულტურის პირველსახე: მიწამ შემოინახა მისი მხატვრული ტრადიციის ვიწრო, მაგრამ კეთილშობილი ფორმები, დატვიფრა დუღილითა და ამო სურნელებით აღსავსე ჭურჭელი. ის, რასაც, შეუძლებელია, შთანვდე გონისმიერ მონაცემებში, დაგროვილი სიმდიდრის აღწერილობაში, სწორედ თრობის სულია, იდუმალი შინაგანი დუღილის პროდუქტი: მიწაში ჩაფლული, ღვინით სავსე, თიხის ვიწრო ამფორა.

რუსულ კულტურას საქართველოსთვის არასოდეს მოუხვევია თავს საკუთარი ფასეულობები. ამ ქვეყნის რუსიფიკაცია არასოდეს გასცდენია ადმინისტრაციული მართვის ფორმებს. გასული საუკუნის რუსი ადმინისტრატორები ვორონცოვ-დაშკოვის მეთაურობით ამახინჯებდნენ ქვეყნის ეკონომიკურ ცხოვრებას, ჩაგრავენ საზოგადოებას, მაგრამ ხელუხლებელს ტოვებდნენ ყოფას და უნებლიე პატივისცემით ეკიდებოდნენ. საქართველოში კულტურულ რუსიფიკაციაზე ლაპარაკიც კი ზედმეტია! ამიტომ საქართველოს ეროვნული და პოლიტიკური თვითგამორკვევა, რომელიც მკვეთრად იმიჯნება ორ პერიოდად – გასაბჭოებამდე და მას მერე – უნდა იქცეს საკუთარი თავის წინაშე ქართველთა ერთგულების გამოცდად. კულტურული რუსეთი, მთელი საუკუნე სიყვარულით

რომ ადევნებდა თვალს საქართველოს, დღეს შეშფოთებით უმზერს ქვეყანას, რომელიც მზადაა, თავის კულტურულ მონოდებას უღალატოს: ქართული კულტურის არსი ის იყო, რომ აღმოსავლეთისკენ პირმიქცეული, იმავდროულად, არასოდეს შერწყმია აღმოსავლეთს, განცალკევებით იდგა მისგან. მე ქართულ კულტურას ორნამენტულ კულტურათა რიგს მივაკუთვნებდი. ქართველები არშინას შემოავლებენ ხოლმე ვეებერთელა, დასრულებულ ნაწილს უცხო კულტურისას, ისრუტავენ, ძირითადად, მის მოხატულობას და, თანაც, შინაგანად ეწინააღმდეგებიან ძლიერ მეზობელ ქვეყანათა მტრულ დედაარსს.

ამჟამად საქართველოში მოთქმით გაიძახიან, „შორს აღმოსავლეთისაგან, წინ – დასავლეთისაკენ! ჩვენ არა ვართ აზიელები, ევროპელები ვართ, პარიზელები!“ რა მიაბიტია ქართველი მხატვრული ინტელიგენცია! აღმოსავლეთისაგან დაშორების ტენდენცია ყოველთვის არსებობდა ქართულ ხელოვნებაში, მაგრამ ეს გამოითქმოდა არა უხეში ლოზუნგით, არამედ – მაღალმხატვრული ფორმის საშუალებით.

შედიო ქართული მხატვრობის ტფილისის ეროვნულ მუზეუმში: თვალწინ წარმოგიდგებათ, ძირითადად, ქალთა მკაცრი პორტრეტების გრძელი მწკრივი, რომელიც თავისი ტექნიკითა და ღრმა სტატიკური სიმშვიდით გერმანულ ფერწერას მოგაგონებთ. იმავდროულად, ფორმის სიბრტყითი აღქმა და კომპოზიციური ხაზი (ხაზის რიტმი) სპარსული მინიატურების ხერხებით სუნთქავს. ხშირია ოქროსფერი ფონი და ოქროსავე მდიდრული ორნამენტი. ამ უცნობ მხატვართა ნამუშევრებით ქართულმა ხელოვნებამ ჭეშმარიტად გაიმარჯვა აღმოსავლეთზე, და რა უსუსურია მათ წინაშე პიკასოს მიერ ოდესღაც გადამტვრეული ვიოლინოს აცეკვებული ნარჩენები, დღეს ასე რომ დაუტყვევებია ქართული ფერწერა. ეს ისტორია ბერების გაიძვერულ რელიკვიათა ამბავს მოჰგავს:

ვიოლინო ერთი ცალი იყო, იგი ერთხელ გატყდა. არადა, ვერსად ნახავთ ქალაქს, სადაც ამ ვიოლინოს ნატეხს არ შემოგაჩეჩებენ, როგორც – პიკასოსეული ვიოლინოს ნაწილს!

ენის ცხოვრება ყველასთვის თვალნათლივ მიმდინარეობს – ყველა მონაწილეობს ამ დინებაში, თითოეული წარმოთქმული სიტყვა ცხელ კვალს ტოვებს ენაზე. მხატვრულ ენაზე დაკვირვების შესანიშნავ საშუალებას იძლევა ტფილისური დარაბები, რომლებიც ჩვენ თვალწინვე ამოიზრდება ფიროსმანის ძლევაძოსილ ხელოვნებად. ნიკო ფიროსმანაშვილი აბრების ერთი უბრალო, უსწავლელი მხატვარი იყო. იგი მუშამბაზე ხატავდა და, ძირითადად, სამ ფერს იყენებდა – ჟანგმინას, მწვანე მინასა და შავს (რუხის ყველა ვარიაციით) (მდრ. გ. ქიქოძე: „მისი პალიტრა ღარიბია ფერებით. მას უყვარს შავი ფერი, ჩალისფერი ყვითელი, მუქი ლურჯი, ღვინისფერი და თეთრი“, ნიკო ფიროსმანაშვილი, ტექსტი ტ. ტაბიძის, გრ. რობაქიძის, გ. ქიქოძის, კ. ზდანევიჩის და კ. ჩერნიავსკის, ტფ. 1926, გვ. 70, გ.ჯ.). მისი დამკვეთები – ტფილისელი მედუქნეები – საინტერესო სიუჟეტს სთხოვდნენ და ისიც უსრულებდა სურვილს. ფიროსმანის ტილოზე თავად ვნახე მისივე ხელით მინერილი: «Шамиль со всего караулом» (ზუსტად წარწერა ასე იკითხება: «Шамирь са всего караулом;», გ.ჯ.). შეუძლებელია, მუხლი არ მოიდრიკო მისი „უნიგნური“ (არაანატომიური) ლომების, საუცხოო აქლემების, ადამიანის ფიგურებისა და კარვების წინაშე, რომელთაც სიბრტყე მხოლოდ ფერით დაამარცხეს. ფრანგებმა რომ იცოდნენ ფიროსმანაშვილის არსებობის შესახებ, საქართველოში ივლიდნენ და ფერწერას შეისწავლიდნენ, თუმც მალევე დაეუფლებოდნენ რადგან, დაუდევრობის წყალობით, მისი ნამუშევრები თითქმის სრულად გაიტანეს საქართველოდან.

ქართული თანამედროვე ხელოვნების მეორე ევროპულად ღირებული მოვლენა

– პოეტი ვაჟა-ფშაველა. „ნარკომპროსი“ ხელმეორედ გამოსცემს მის თხზულებებს და ახალგაზრდა საქართველოში წარმოიქმნება ვაჟა-ფშაველას კულტის მსგავსი რამ. მაგრამ, ღმერთო ჩემო, რა მცირეა ვაჟას გავლენა ახალგაზრდა ქართულ პოეზიაზე! ვაჟა იყო ნამდვილი ურაგანი სიტყვისა, საქართველოში რომ შემოგრიგალდა და ხეები ფესვებიანად ამოყარა: „Твой встречи _ люди мирные Непохожие на война Темнокудрый враг железо И деревья выкорчевывает“ (ო. მანდელშტამმა 1921 წლის ნოემბერში დაამთავრა ვაჟას პოემა „გოგოთურ და აფშინას“ თარგმნა. შდრ. „შენ გიცარცვია ვინაცა, საბრალო არი, ბეჩავი, თვის დღეში ომუნახველი, დიაცთ ნალახის მხვეტავი, არ მაგხვედრია შავფერა მკლავ-მსხვილი, რკინის მკვნეტავი“, გ.ჯ.).

თავიანთი ეპიკური სიდიადით ვაჟას თითქმის შუასაუკუნეობრივი პოემების სახოვანება სტიქიურია. მათში განივთებულია ხელშესახებობა, მყოფობა. ყოველივე მის მიერ თქმული სახედ იქცევა, მაგრამ პოეტს მხოლოდ სიტყვა არ აკმაყოფილებს – იგი თითქოს კბილებით ფლეთს მას, ფართოდ სარგებლობს ქართული ფონეტიკის ისედაც ვნებიანი ტემპერამენტით. ახალგაზრდა ქართულმა პოეზიამ ქარიშხლის ქროლვასავით გადაიტანა ვაჟა-ფშაველა და აღარ იცის, რა მოუხერხოს მის მემკვიდრეობას!

ქართული პოეზია ამჟამად წარმოდგენილია ე. წ. „ცისფერყანწელთა“ ჯგუფით, რომლის რეზიდენცია ტფილისშია და, რომელსაც პაოლო იაშვილი და ტიცვიან ტაბიძე მოთავეობენ. საქართველოში „ცისფერყანწელები“ მხატვრული სფეროს უზენაეს მსაჯულებად ითვლებიან, თვითონ ისინი კი ღმერთმა განსაჯოს! ფრანგული მოდერნიზმის წინაშე მონურად ქედდადრეკილი „ცისფერყანწელები“ საკუთარ თავსაც და მკითხველსაც ბოდლერიანობის, არტურ რემბოს სიმღეგის, გაუბრალოებული დემონიზმის იაფფასიან ნაყენს ასხურებენ. ყოველივე ეს ყოფის

ზედაპირულ ეგზოტიკასთანაა შეზავებული. მათი თვალთახედვის მიღმა აღმოჩნდა ბოლო ოცნლეულის აყვავებული რუსული პოეზია. ჩვენთვის ისინი იგივეა, რაც – პენზა ან ტამბოვი. მათზე მკაფიო გავლენის მომხდენი ერთადერთი რუსი პოეტი ანდრეი ბელია, ეს უცხოელთათვის მისტიკური – რუსი ვერბიცკაია ... (ანასტასია ვერბიცკაია (1861–1928) – რუსი მწერალი ქალი, გ.ჯ.).

ქართული ლიტერატურის მეორე შტო კონსერვატიული, სავსებით უფერულია. ლიტერატურული ცხოვრება უჩვეულოდ ხმაურიანია და მყვირალა: აუარებელი დისპუტი, კამათი, ბანკეტი, განხეთქილება...

ამ ამოებათა ამოებას, ალბათ, შემოქმედის ლომური ბრდღვინვაც კი ვერ გადაფარავს: „თქვენ არც დასავლეთი ხართ, არც – აღმოსავლეთი, არც – პარიზი, არც – ბაღდადი; ისტორიულ მიწაში ძაბრივით ჩაჭედილა თქვენი ხელოვნება, თქვენი მხატვრული ტრადიცია. ღვინო ინახება და ესაა მისი მომავალი, კულტურა დულს და ესაა მისი სიახლე. გაუფრთხილდით თქვენს ხელოვნებას – თიხის ვინრო ქვევრს, მიწაში ჩამარხულს!“

გარდა იმისა, რომ მანდელშტამი უპირისპირდებოდა სიმბოლიზმს, როგორც ლიტერატურულ მოვლენას, პოეტს არც ის ესმოდა, რომ ერს, რომელსაც ჰყავდა ვაჟა-ფშაველა და რომელიც ურაგანივით შემოგრიგალდა ქართულ პოეზიაში, შემოგრიგალდა და ხეები ფესვებიანად ამოყარა, მონურად დაედრიკოს ქედი ფრანგული მოდერნიზმის წინაშე და საკუთარი თავისთვისაც და მკითხველისთვისაც ბოდლერიანობის, არტურ რემბოს სიმღეგის გაუბრალოებული დემონიზმის იაფფასიანი ნაყენი შეეთავაზებინოს! რაც უნდა გასაკვირი იყოს, მანდელშტამს ზოგან იმპერიული სულისკვეთებაც სძალავდა და ისიც აღიზიანებდა, რომ ქართველ თანამოკალმეებს რუსულ პოეზიაში მიმდინარე გარდამტეხი პრო-

ცესები გამორჩენოდან და პირდაპირ ევროპულ სალაროს მისდგომოდნენ; თანაც პოეზიის მეტრად მას საკუთარი თავი წარმოედგინა, ქართველებმა კი ის მოძღვრად არ აღიარეს!

მანდელშტამმა 1921 წლის ნოემბერში დაამთავრა „გოგოთურ და აფშინას“ თარგმნა და სწორედ საქართველოში დაწერა თორმეტსტრიქონიანი გარდამტეხი ლექსი:

*ხელ-პირს ვიბანდი. ეზო იყო
წყალივით ცივი.
ცის კიდეები უხემ ბზინვას ხომლად
ირთავდნენ.
ცულის პირს ეცხო მარილივით
ვარსკვლავთა სხივი.
ვეება კასრი სავსე იყო მართლაც
პირთამდე.*

*დახშულ კარიბჭეს ღამის სუსხი
ეხვევა ბინდად.
დრტვინავს სოფელი – გაეცქევი ან
მარად მტერს სად?
ტილოს სითეთრე – არც რა არის
იმაზე წმინდა,
მისებრ საძირკველს ვერ იპოვი ვე-
რასდროს ვერსად.*

*ვეება კასრში მარილივით
ვარსკვლავი დნება.
უფრო შავია წყალი – ჭავლთა ისმის
სხმარტალი,
უფრო წმინდაა სიკვდილი და
მლაშეა ვნება,
უფრო კუშტია დედამინა, უფრო
მართალი.*

ნადეჟდა მანდელშტამი წერს: „ამ თორმეტ სტროფში უჩვეულოდ შეკუმშულად განფენილა მონიფული პოეტის ახალი მსოფლალქმა და მათში იხსენიება ის, რაც ახალი მსოფლმეგრძნების დედაარსად იქცა: ყველაზე წმინდა და მართალი, რაც კი გვრგებია – სიკვდილი

და ცისკიდურზე – უხეში ვარსკვლავები“ (ყოველივე ამის ფონად იქცა ხელოვნების სასახლეში ცხოვრების ერთი დეტალი: მდიდრულად მონყობილ სახლში წყალ-გაყვანილობა არ იყო: წყალი მოჭქონდათ და ეზოში მდგარ უზარმაზარ კასრს პირთამდე ავსებდნენ).

კოლაუ ნადირაძე იხსენებს: „ქართულ ლექსებს მუსიკასავით უსმენდა, ითხოვდა, ოდნავ ნელა წაეკითხათ, მელოდიას გამოარჩევდა (საინტერესოა, რომ ამასვე ითხოვდა ა. ბელიც და, მოგვიანებით, პასტერნაკიც, გ.ჯ.), მნიშვნელობას კი ხანდახან არც გეკითხებოდა. ზოგი ლექსის ფდერადობა ისე აჯადოებდა, მათ დასწავლას ცდილობდა, რუსული ბგერებისათვის უცხო ქართულ სიტყვებს რუსულ ფონეტიკურ ეკვივალენტებს უძებნიდა. ყველაზე მეტად ბარათაშვილთა და ვაჟა-ფშაველათი აღფრთოვანდა, ზეპირად იცოდა ვალერიან გაფრინდაშვილის მიერ თარგმნილი ბარათაშვილის „საყურე“.

მანდელშტამებმა ნახევარი წელი დაჰყვეს საქართველოში, როგორც ჩანს, Вестник литературы-ს ამ ვითარებამ ათქმევინა, პოეტი მანდელშტამი თბილისს გადასახლდაო (Вестник литературы, 1922, №2, с. 23).

ამ განწყობას თვალსაჩინოდ გამოხატავს ეს ლექსიც:

*მესიზმრება კუზიანი თბილისი,
სევდიანად მოთქვამს საზანდარი...
ხიდს აწყდება ვაჭარი და დალაქი,
ხალიჩას ჰგავს ძველი დედაქალაქი,
ქვემოთ ბორგავს და ხმაურობს
მტკვარი.*

*მტკვარზე ბევრი ტაბლა და დუქანია –
შთანთქავ ფლავს და ღვინოს –
ქარვის სადარს.
მედუქნეს თუ ღვინომ ხელი დარია,
მასპინძლობა ორმაგად უხარია,
ჯამს მოგანვდის და გაგიხსნის მადას.*

კახურის სმა დაუბრუნებს ფხას
უნდილს –
შენც სარდაფში უნდა მოილხინო,
იქ სიგრილეს არც ყულფი აქვს, არც
– ხუნდი,
მამ, დანყნარდი, დანყვილდი და
დარწყულდი,
ოლონდ მარტომ არ დალიო ღვინო!

ციცქენა დუქანს შეადარებ განა
სხვებს?
იქ მაცდური თლის სიცრუის ისრებს...
„თელიანს“ სვამ, დროს არ კარგავ
ჭამაში,
თბილისქალაქს ნისლი შეათამაშებს,
შენც გაჰყვები ბოთლში მცურავ ნის-
ლებს!
სიბერეა კაცის გულის დამრცხვენი,
კრავს, ძუძუთას, თოთო ელის მოლი...
კაფანდარა მთვარე თავზე
დამცქერის,
ვარდისფერი ღვინის მოჩქეფს
ჩანჩქერი,
ცისკენ მიდის მწვადისფერი ბოლი.

შეიძლება ითქვას, რომ 1921 წლის საქართველოში მანდელშტამები თავს კარგად გრძნობდნენ. მათ გარს ეხვეოდნენ ქართველი პოეტები, რუსეთის საელჩოს მუშაკები, ელჩ ბ. ლეგანის მოთავეობით, რომელიც ადრე ყურნალისტობდა და გუმბელიოვის გიმნაზიის დროინდელი მეგობარი გახლდათ.

მიხაილ ბულგაკოვი, რომელიც მანდელშტამებს თბილისში შეხვედრია, ასე ახასიათებდა მათ ცხოვრებას: „ღარიბული, ამაცი და პოეტურად უზრუნველი“ (С. Ермолинский., О михаиле Булгакове, Театр, 1965, №9; М. Чудакова, Булгаков_читатель. Книга. Исследования и материалы. Сб. 40, М., 1980, с. 173_174).

პირველი ცნობა მანდელშტამების მიერ ამ ნახევარი წლის თბილისში გატარების თაობაზე დაიბეჭდა ა. პარნისის სტატიამ „ჩანაწერები 1921 წელს საქართველოში მანდელშტამის ყოფნის შესახებ“ (L'avan-

guardis a Tiflis., Venezia, 1982, p. 211_223).

აქ ლაპარაკია ბათუმის ცენტროკავშირში 1921 წლის აგვისტოში ბლოკის გარდაცვალებასთან დაკავშირებული მანდელშტამის მიერ წაკითხული ლექციის, თბილისის „პოეტთა აქრის“ სხდომებზე ორი პოეტური გამოსვლისა და 1921 წლის 5 ოქტომბერს რუს მწერალთა კავშირის ნამდვილ წევრად არჩევის შესახებ. მანდელშტამს მწერალთა კავშირი ფულითაც დახმარებია.

პოეტი თანამშრომლობდა გაზეთ „ფიგაროსთან“, მონაწილეობდა სხვადასხვა დისპუტსა და საღამოში, ასწავლიდა ცნობილი რუსი მსახიობის, ნ. ხოდოტოვის (1878–1932) მიერ თბილისში დაფუძნებულ თეატრალურ სტუდიაში... (Ходотов Н. Н., Близкое_далекое., Л_М., 1962, с. 267).

მიუხედავად იმისა, რომ, ზოგადად, თარგმნა სძულდა, მანდელშტამმა ქართული პოეზიის ბევრი ნიმუში თარგმნა თბილისში: პირველ რიგში, „გოგოთურ და აფმინა“, როგორც ზემოთაც აღინიშნა: პოემის პნკარედი ტ. ტაბიძესა და პ. იაშვილს მოუწმადებიათ. იგივე ტექსტი უთარგმნია ვინმე ა. კულებაკინს. ხელოვნების სასახლეში ორივე ვერსია წაუკითხავთ, რის შემდეგაც უკამათიათ (О. Мандельштам., Стихотворения, переводы, очерки, статьи, Тбилиси. 1990., С. 383).

მანდელშტამმა „ცისფერყანწელების“ პოეზიაც თარგმნა: ტიცვიან ტაბიძის „ბირნამის ტყე“, ვალერიან გაფრინდაშვილის „მეხუთე დაისი“, ნიკოლო მინიშვილის „დამშვიდობება“ და გიორგი ლეონიძის „ავტობორტრეტი“. მასვე ეკუთვნის იოსებ გრიშაშვილის ორი ლექსის თარგმანიც. მანდელშტამს უთარგმნია სომეხი პოეტი-ფუტურისტის, ყარა-დერევიშის (აკოფ განჯანი) გრიგორ რობაქიძისადმი მიძღვნილი ნაწარმოები „როკვა მთებში“.

1930 წლის გაზაფხულზე მანდელშტამები კვლავ სწვევიან თბილისსა და სოხუმს, სადაც პოეტმა სომხეთში გამგზავრებაამდე ექვსი კვირა გაატარა ე.წ. „ორჯონიკიძის სახლში“. ცნობილია, რომ

მიმდინარეობდამოლაპარაკება ბ. ლომინ-
აძესთან (1897–1935), რომელსაც იმხანად
ამიერკავკასიის კომიტეტის პირველი
მდივნის პოსტი სჭერია: მანდელშტამს,
თითქოს, არქივში უნდა ემუშავა. მანდელ-
შტამი შეხვედრია გამოჩენილ სომეხ პოეტ
ეგიშე ჩარენცსაც (1897–1937). არსებობს
ერთი მოკლე ჩანაწერი ვ. გოლცევისა
სიმონ ჩიქოვანის რუსულად გამოსაცემი
„რჩეულის“ ხელნაწერზე: „სასურველია,
მანდელშტამმა თარგმნოს!“

ეს არ მომხდარა, რადგან 1934 წელს
მანდელშტამი დააპატიმრეს და სამი წლით
შორეულ ურალში, კერძოდ ჩერდინში
გადაასახლეს, ბოლოს კი ვორონეჟში ყოფ-
ნა აკმარეს!

1937 წლის თებერვალში მონატრებულ-
მა თბილისმა კვლავ დაიდო ლექსში ბინა:

*ჯერაც სხეულზე შერჩენია ამ ჩექმის
ცვეთა,*

*ოდესლაც სქელი, გალეული –
ამჟამად ლანჩა...*

*მრავალჰანგიანს მეც ვიგონებ
გალობას ხეთა,*

*მის შავ კულულებს, მთას, სად მამა
დავითი დარჩა.*

*განახლებული – კედლისპირზე –
ცარცი და ცილა,*

*ქუჩები – ვინრო, მინისთხილის
ჩენჩოთაფერი,
რცხილა–ცხაური–ცხენი–ცარცი და
– ისევ რცხილა,
მუხა, ჭადარი, ძენნა, სითბო, ხვატი და
მტვერი,*

*ჯაჭვი ხუჭუჭა ასოების – ქალურად
წყნარი,*

*შუქით რომ გთენთავს, და მშველელი
მხოლოდ ძილია;*

*ქალაქი – მარჯვე, ყურმახვილი,
ქალაქი – მყარი,*

*ზაფხულმრავალი ბერიკაცი და
ყმანვილია.*

მანდელშტამს ანდერძი არასოდეს
დაუწერია: არც სიკვდილს ფიქრობდა,
არც დასატოვებელი გააჩნდა რამე. მხო-
ლოდ ქართულ კულტურაზე ნათქვამი
სიტყვები შეგვიძლია მივიჩნიოთ პოეტის
უკანასკნელ ნება–სურვილად:

„თქვენი ხელოვნება, თქვენი მხატ-
ვრული ტრადიცია ძაბრივით ჩაჭედილა
ისტორიულ მინაში. ღვინო ინახება და ესაა
მისი მომავალი, კულტურა დულს და ესაა
მისი სიახლე. გაუფრთხილდით თქვენს
ხელოვნებას – თიხის ვინრო ქვევრს, მინაში
ჩამარხულს“.

ოსიპ მანდელშტამი

აკმეიზმის დილა



მატიკოსს დაუფიქრებლად აჰყავს კვადრატში რომელიღაც ათნიშნა ციფრი, ეს ერთგვარი გაკვირვებით გვავესებს, მაგრამ ხშირად მხედველობიდან გვრჩება ის, რომ პოეტს მოვლენა ათნიშნა ხარისხში აჰყავს და ხელოვნების ნაწარმოების მოკრძალებული გარეგანი სახის მიღმა საოცარი შემჭიდროებული რეალობა იმალება.

I
ხელოვნების ნაწარმოებებით აღძრული დიდი ემოციური მღელვარებისას, სასურველია, მასზე საუბრისას დიდი თავშეკავებულობა გამოვიჩინოთ. უმეტესი ადამიანებისათვის ხელოვნების ნაწარმოები მომხიბვლელია იმდენად, რამდენადაც მასში ხელოვანის სამყაროს აღქმაა გამოხატული. ამასთანავე, ეს აღქმა მისთვის ისეთივე იარაღი და საშუალებაა, როგორც ჩაქუჩი კალატოზის ხელში. ერთადერთ რეალობას კი თვით ნაწარმოები წარმოადგენს.

იარსებო – ეს ხელოვანის უმაღლესი თავმოყვარეობაა, ყოფიერების გარდა, სხვა სამოთხე მისთვის სასურველი არ არის და, როდესაც ჭეშმარიტებაზე ესაუბრებიან, მხოლოდ მწარედ თუ ჩაეცინება ხოლმე, რადგან იცის, რომ ხელოვნება უსასრულო სინამდვილეს გამოხატავს. როცა ხედავ, რომ მათე-

ეს რეალობა პოეზიაში – სიტყვაა, როგორც ასეთი. ახლა, მაგალითად, აზრის გადმოცემისას, შესაძლებისამებრ ზუსტ, მაგრამ არაპოეტური ფორმით, არსებითად, ნიშნებით ვსაუბრობ და არა სიტყვით. ყრუ-მუნჯნი შესანიშნავად უგებენ ერთმანეთს და სარკინიგზო სემაფორები ერთობ რთულ დანიშნულებას ასრულებენ ისე, რომ სიტყვებს არ მიმართავენ. ამგვარად, თუ აზრს შინაარსად მივიჩნევთ, ყოველივე რაც კი სიტყვაშია, მხოლოდ მექანიკური დანამატია აზრის სწრაფ გადმოცემას რომ აძნელებს. ნელა იბადებოდა „სიტყვა როგორც ასეთი“. თანდათან, ერთმანეთის მიყოლებით, სიტყვის ყველა ელემენტი ფორმის გაგებაში თავს იყრის და მხოლოდ გაცნობიერებული აზრი, ლოგოსი, დღემდე ნებსით თუ

უნებლიედ, შინაარსად ითვლება. ამ არასაჭირო უპირატესობის მინიჭების გამო, ლოგოსი მხოლოდ აგებს. ის ითხოვს მხოლოდ თანასწორობას სიტყვის სხვა ელემენტებთან. ფუტურისტიკა, რომელიც ვერ გაუმკლავდა გაცნობიერებულ აზრს, ზღვარს იქით დატოვა იგი და, არსებითად, წინამორბედთა უხეში შეცდომა გაიმეორა.

აკმეისტისათვის სიტყვის გაცნობიერებული აზრი, ლოგოსი, ისეთივე მშვენიერი ფორმაა, როგორც მუსიკა სიმბოლისტიკისათვის. და, თუ ფუტურისტიკებთან სიტყვა როგორც ასეთი, ჯერ კიდევ ოთხ ფეხზე დაფოფხავს, აკმეიზმში ის პირველად საკმარის ვერტიკალურ მდგომარეობას იღებს და თავისი არსებობის ქვის საუკუნეში შედის.

II

აკმეიზმის მახვილი არც სტილეთა და არც დეკადენტობის ნესტარია. აკმეიზმი მისთვისაა, ვინც შენების სულით მოცული, სულმოკლედ, უარს კი არ ამბობს საკუთარი ტვირთის სიმძიმეზე, არამედ სიხარულით იღებს მას, რათა გააღვიძოს და გამოიყენოს მასში არქიტექტურულად მიძინებული ძალები. ხუროთმოძღვარი ამბობს: ვაშენებ, ესე იგი მართალი ვარ. საკუთარ სიმართლეს ყველაზე მეტად პოეზიაში ვპოვებთ. ზიზლით უარს ვამბობთ ფუტურისტიკის ჩხირკედელაობაზე, რომელთათვისაც ყველაზე დიდი სიამოვნებაა საქსოვი ჩხირი გამოსდონ რთულ სიტყვას, სიტყვებში გოტიკა შემოგვყავს ისე, როგორც ეს სებასტიან ბახმა დაამკვიდრა მუსიკაში.

რომელი უგუნური დათანხმდება შენებას, თუ მას მასალის რეალობისა არ სჯერა, რომლის წინააღმდეგობაც უნდა დაამარცხოს. რიყის ქვა ხუროთმოძღვრის ხელში სუბსტანციად იქცევა და შენებისთვის არ არის დაბადებული ის, რომლისთვისაც ქვის ტეხვისას, სატეხის ბგერა მეტაფიზიკური მტკიცებუ-

ლება არ არის. ვლადიმირ სოლოვიოვი განსაკუთრებულ წინასწარმეტყველურ შიშს გრძნობდა ფინური თეთრი რიყის ქვის მიმართ. უტყვი მჭევრმეტყველება გრანიტის ლოდისა მას ისე აღელვებდა, როგორც ბოროტი ჯადოქრობა. მაგრამ ტიუტჩევის ქვა, რომელიც „მთიდან დაგორდა დაბლა ველზე და თვისით მოწყდა ან განზრახ ჩამოაგდო ვილაცის ხელმა“ – უკვე სიტყვაა. მატერიის ხმა ამ მოულოდნელ დაცემაში დანანვერებულ მტყველებასავით ისმის. ამ გამონვევას მხოლოდ არქიტექტურით თუ ვუპასუხებთ. აკმეისტები მოწინებთ მალა სწევნ ტიუტჩევის იდუმალ ქვას და თავისი შენობის საძირკველში დებენ.

ქვას თითქოსდა სხვა ყოფიერება სწყუროდა. მან თვითონ აღმოაჩინა მასში დამალული დინამიკის პოტენციალური შესაძლებლობა – თითქოს ითხოვა „ჯვაროვან გუმბათში“ შესვლა თავის მსგავსთა სიხარულით სავსე ურთიერთქმედებაში მონაწილეობის მისაღებად.

III

სიმბოლისტიკები ცუდი შინაყუდები იყვნენ. მოგზაურობა უყვარდათ, მაგრამ ცუდად გრძნობდნენ თავს საკუთარი ორგანიზმის გარსში და იმ მსოფლიოს გარსში, რომელიც თავისი კატეგორიების დახმარებით კანტმა ააგო. იმისთვის, რომ წარმატებით აშენო – პირველი პირობა გულწრფელი პიეტეტია სივრცის სამი განზომილებისადმი – უყურო მათ არა როგორც ტვირთს და უბედურ შემთხვევითობას, არამედ როგორც ღვთით ბოძებულ სასახლეს. მართლაც: რას იტყვით უმადურ სტუმარზე, რომელიც მასპინძლის ხარჯზე ცხოვრობს, სარგებლობს მისი სტუმართმოყვარეობით, გულში კი სძულს იგი და მხოლოდ იმაზე ფიქრობს, თუ როგორ მოატყუოს ჭკუაში. შენება შეიძლება მხოლოდ „სამი განზომილების“ სახელით, რაც ხუროთმოძღვრის სამკუთხედიანია. აი, რატომ უნდა იყოს არ-

ქიტექტორი კარგი შინაყუდა, სიმბოლისტიები კი ცუდი ხუროთმოძღვრები იყვნენ. აშენო – ნიშნავს ებრძოლო სიცარიელეს, მონუსხო სივრცე. გოტიკური სამრეკლოს კარგი სამიზნე – ბოროტია, რადგან მთელი მისი აზრი ზეცის ჩხვლეტაა, საყვედურია იმის გამო, რომ ის ცარიელია.

IV

ადამიანის თავისებურებაში, რაც მას პიროვნებად ხდის, ჩვენ ვგულისხმობთ იმას, რომ ის ორგანიზმის უფრო მნიშვნელოვან ცნებასთან არის დაკავშირებული. აკმეისტები იზიარებენ ფიზიოლოგიურად-გენიალურ შუა საუკუნეებთან ერთად ორგანიზმისადმი და ორგანიზაციისადმი სიყვარულს. დახვეწილობის დევნაში XIX საუკუნემ ჭეშმარიტი სირთულის იდუმალება დაკარგა. ის, რაც XIII საუკუნეში ორგანიზმის გაგების ლოგიკური განვითარება გვეგონა, გოთიკური ტაძარი, - დღეს ესთეტიურად მოქმედებს ჩვენზე როგორც საოცარი – Notre Dame, – და ეს არის ფიზიოლოგიის ზეიმი, მისი დიონისური თავაშვებულობა. ჩვენ არ გვსურს ხელუხლებელი, უფრო უღრანი ტყე-ღვთაებრივი ფიზიოლოგია, ჩვენი ბნელი ორგანიზმის უფრო უსასრულო სირთულე.

შუა საუკუნეები, რომლებიც თავისებურად განსაზღვრავდა ადამიანის ხვედრით წონას, ყოველივე ამას თითოეულში გრძნობდა და აღიარებდა მისი დამსახურებისაგან დამოუკიდებლად. მეტრის ტიტულს სიამოვნებით და უყუყმანოდ იღებდნენ. ყველაზე მოკრძალებულ ხელოსანს, თვით უკანასკნელ კლერკსაც კი, იდუმალი, სოლიდური მნიშვნელობა, ღვთისმოსავი ღირსება ჰქონდა, რაც იმ ეპოქისათვის ესოდენ დამახასიათებელი იყო. დიახ, ევროპამ დახვეწილ-აყურული კულტურის ლაბირინთში გაიარა, როდესაც აბსტრაქტული ყოფიერება, არაფრით

შეულამაზაბელი არსებობა საგმირო საქმედ ითვლებოდა. აქედანაა, არისტოკრატიული ინტიმურობა ყველა ადამიანს რომ აერთიანებს, რაც სულით, ასე უცხოა დიდი რევოლუციის „თანასწორობისა და ძმობისათვის“. არ არის თანასწორობა, არ არის მეტოქეობა, არის არსებულთა თანამონაწილეობა შეთქმულებაში სიცარიელისა და არყოფნის წინააღმდეგ.

გიყვარდეთ საგნის არსებობა თვით საგანზე მეტად, საკუთარი არსებობა საკუთარ თავზე მეტად – აი, აკმეიზმის უმაღლესი მცნება.

V

A=A-ს: რა მშვენიერი პოეტური თემაა. სიმბოლიზმი იტანჯებოდა, წვალობდა იდენტობის კანონით, აკმეიზმი მას თავის ლოზუნგად აქცევს და გვთავაზობს მას საეჭვო A realibus ad realiora-ს მაგივრად. გაკვირვების ნიჭი პოეტის მთავარი სიკეთეა. აბა, როგორ არ უნდა გვაკვირვებდეს კანონთა შორის ყველაზე ნაყოფიერი იდენტობის კანონი. ვინც განიმსჭვალა ამ კანონის მიმართ მონიწეული გაკვირვებით, ის ჭეშმარიტი პოეტია. ამგვარად, ვაღიარებთ რა იდენტობის კანონის სუვერენიტეტს, პოეზიაში სამუდამოდ ღენურ მფლობელობაში გადადის ყოველივე არსებული პორობითობისა და შეზღუდვების გარეშე. ლოგიკა ეს მოულოდნელობის სამეფოა. ლოგიკურად აზროვნება განუწყვეტლივ გაკვირვებას ნიშნავს. ჩვენ მტკიცებულების მუსიკა შევიყვარეთ. ლოგიკური კავშირი – ჩვენთვის სიმღერა ჭიჭავზე კი არ არის, არამედ სიმფონიაა ორლანთა და სიმღერით, ისე რთული და შთაგონებული, რომ დირიჟორს მთელი თავისი ძალების მოკრეფა უხდება ხოლმე, რათა მორჩილებაში ამყოფოს თავისი ქვეშევრდომნი. ო, რა დამაჯერებელია ბახის მუსიკა! მტკიცებულების რა ძალაა!

ამტკიცო და ამტკიცო გაუთავებლივ: ხელოვნებაში რომ მხოლოდ სიტყვა ხელოვანს არ შეჭფერის, ეს ადვილი და მოსაწყენია...

ჩვენ არ დავფრინავთ, მხოლოდ იმ კოშკებზე, ავდივართ, თვითონ რომ შეგვიძლია ავაგოთ.

VI

შუა საუკუნეები ჩვენთვის ძვირფასია იმიტომ, რომ ზღვრისა და ზღუდის მაღალი ხარისხის გრძნობას ფლობდა. არასოდეს არ ურევდა სხვადასხვა გეგმებს და საიქაოს მიმართ უზარმაზარ თავშეკავებულობას იჩენდა. გონივრობისა და მისტიკის კეთილმო-

ბილური ნარევი და სამყაროს აღქმა როგორც ცოცხალი წონასწორობისა, გვაახლოვებს ამ ეპოქასთან და გვიბიძგებს ძალები ვიპოვოთ იმ ნაწარმოებში რომანულ ნიადაგზე რომ აღმოცენდა დაახლოებით 1200 წელს. მოდით, ვამტკიცოთ ჩვენი სიმართლე ისე, რომ პასუხად მიზეზთა და შედეგთა მთელი ჯაჭვი ალფადან ომეგამდე ძრწოდეს, ვისწავლოთ ვატაროთ „უფრო მსუბუქად და თავისუფლად ყოფიერების ბორკილები“.

რუსულიდან თარგმნა ქეთევან თუხარელმა



დალილა ბედიანიძე



რადგან სცენაზე იცინის ცეცხლი,
მამ ანარეკლი თვალეხსაც ხვდება,
კვლავ ოცდაათი ჩხრიალებს ვერცხლი,
საკვირველია, რაც ჩვენს თავს ხდება.

სიცოცხლე არის დღესასწაული
და დასასრული სიკვდილი არის
და მაინც დღემდე ცოცხლობს საული,
ფურცლავს ბიბლიას სხივები მთვარის.

და ყველაფერი სცენაზე მოჩანს,
ჩაბნელებულა დარბაზი სავსე
და გრგვინავს ტაში – გათავდა, მორჩა,
ეკლის გვირგვინი დაგედგა თავზე.

შენ კი არ უწყი ეს ყველაფარი,
გაოცებული უყურებ ყველას
და იქარგება მთვარის ძაფებით
ფარდა, ატყვია მას ცისარტყელა.

რადგან სცენაზე იცინის ცეცხლი,
ჩვენც გავიცინოთ ცეცხლს მივცეთ ხანი
და ბნელში ელავს თვალი ნაკვერცხლის,
რომ არ ჩამქრალა ამდენი ხანი.



მოღრუბლული დღეა,
მოღრუბლულა გული.
გულში დარდის ტყეა
მოთამამებული.

და მღელვარე ზღვასთან
ვდგავარ, ვდგავარ მარტო.
ტალღა ნაპირს გასცდა,
რომ მე მომემატოს.

ცას და მინას შორის
შემაერთი ხე ვარ,
მართალი და სწორი,
მონანიე ევა.

ღმერთო, მომიტევე,
რაც აქამდე ვცოდე
და ნუ გამაძევებ,
გევედრები, ვგოდებ.

ღრუბლიანი გულით
ვდგავარ და მზეს ველი,
მოხდეს სასწაული!
მზე აღმოხდეს მცველი!



მოდი, დავწეროთ ლექსი!
ლექსის დანერა უდრის
ზღვიდან ამომავალი მზის დახატვას აკვარელით,
რომელიც ზღვის წყალშია გაზავებული.
ღრუბლების ქერზე ჩანან მზის ნაფეხურები
და მზე ნებივრობს აღსავლის კართან
აღმოსავლეთით ამალღებული.
მოდი, შევხედოთ მზეს!
როცა მზეს მარტო ვუყურებ
ვგრძნობ, რა გადამდებია
მისი თბილი მარტოობა.
როგორც ჩიტის ფრთის ქვეშ,
ისე თბილა მზის ფრთის ქვეშ,
როცა მზეს შენთან ერთად ვუყურებ
ვგრძნობ, როგორ ვწყვილდებით მე და მზე
და როგორ ვიფარავთ ერთმანეთს,
როცა მზეს ვხატავ,
ფუნჯი მზის ნებაზე გამირბის და
ხატვის ძალა ციდან გადმოდის ჩემში
და როგორც ლექსის დანერა,
მთლად ისეთია მზის დახატვა,
მზისა, რომელიც ჩემშია და
რომელშიც მე ვარ.



თავი მოვხსენი ზღაპრების გუდას
 და ზღაპრიდან ზღაპრამდე
 ჯადოსნური ბალი მაქვს გადასავლელი,
 ბალი, რომელშიც რიგი ხე ყვავის,
 რიგი მკვახეა და რიგი – მწიფე.
 თავი მოვხსენი ზღაპრების გუდას
 და მსმენელები მხოლოდ დიდები არიან და
 არა ბავშვები,
 რადგან ჩემს ზღაპრებს მხოლოდ ის გაიგებს,
 ვინც უთვალავი წელი იარა
 ჯადოსნურ ბალში
 და უკვდავების წყლის მოსატანად
 არის ნამყოფი
 და ჩემს ზღაპრებს ზღაპრებით უპასუხებს,
 იმ ზღაპრებით,
 განვლილი ცხოვრება რომ ჰქვია,
 თავი მოვხსენი ზღაპრების გუდას.
 გაქვავებულ კოცონთან ვზივარ
 და ვუყურებ – ზღაპრის სმენისას
 ცეცხლი ცოცხლდება.



ახლა წვიმს, წვიმა წამოსცდა ზეცას
 და მე ამ წვიმას რა კარგად ვიცნობ.
 მზე მიიმალა, ფრთები დაკეცა
 და წვიმის ხმაზე ყური დაიცო.

ახლა წვიმს და მე წვიმაში მოვყევ,
 ვსველდები ნელა და გემრიელად.
 ვით მზით დასიცხულ ძველმოდურ მოყმეს
 წვიმა გამიჩნდა ხსნადა და შევლად.

ახლა წვიმს, დიდი გვალვების შემდეგ,
 კვლავ გამოწვიმდა შვებად ლექსები.
 და გემოს ვატან წვიმას და შევდექ
 წვიმის ქვეშ, მე რომ მეალერსება.

ახლა წვიმს, ზეცა სველი ჭერია,
 ხეები – სახლის სველი სვეტები,
 სისველის გრძნობა მე მომერია,
 მივიმღერი და მივეხეტები.

ახლა წვიმს, წვიმა წამოსცდა ზეცას
 წვიმაა ჩემი თავშესაფარი.

ჰა, კიდევ ერთი წვეთი დამეცა
და დამთავრდება წვიმის ზღაპარიც.



გამარჯვებისკენ მიიწევი ყველა,
ქვა და ფოთოლი, ცეცხლი, ბალახი
და ისე, როგორც ოდესღაც, ძველად
ცხრა მთა, ცხრა ზღვა გვაქვს გადასალახი.

გამარჯვებისკენ მიიწევი ყველა,
ლომი, ირემი, სპილო, თვით ბუზიც,
ჭრელი პეპელა, რომ დაფრენს ნელა,
პოეტიც, წმინდა მსახური მუზის.

გამარჯვებისკენ მიიწევი ყველა –
მდინარე, წვიმა, ქარი და ნისლი,
ფუტკარი, დათვი, კურდღელი, მელა
და ყველგან მათი ფეხისხმა ისმის.

გამარჯვებისკენ მიიწევი ყველა,
თუმცა გამარჯვება ყველას არ ელის.
ეს გზა გაგრძელდა და გაიწეა,
ბოლო ვის ელის გასახარელი?

გამარჯვებისკენ მიიწევი ყველა,
მზე გამარჯვების მხოლოდ ერთია,
ვის უწევს ლოცვა? ვის უწევს წყევლა?
ეს ფიალაში ბოლო წვეთია.



მე ამ წყვდიადში სინათლეს ვეძებ,
აქ ძმა ძმასა მტრობს და ეშუღლება.
ვფიქრობ ბედკრული სამშობლოს ბედზე
და ცრემლი თვალებს შეეუღლება.

მე ამ წყვდიადში სინათლეს ვეძებ,
გამოსავალი მხოლოდ ერთია,
გავერთიანდეთ, დავიდგათ ქედზე
უნაგირები, მოვრჩეთ ხეტიალს.

მე ამ წყვდიადში სინათლეს ვეძებ,
რომელიც სწორ გზას გამაყვანინებს
და ვერიდები ეკლებს და ძეძვებს,
ღმერთია ჩემთან და განმარინებს.

მე ამ წყვედიადში სინათლეს ვეძებ,
შემომჯარვიან ირგვლივ ღრუბლები.
ვარსკვალავებს, როგორც მოჩხუბარ ვერძებს
უელავს ნითლად შავი შუბლები.

მე ამ წყვედიადში სინათლეს ვეძებ,
რომ მომიშუშოს სულში იარა,
ვფიქრობ ბედკრული სამშობლოს ბედზე
და მათზე, ხალხმა ვინც აღიარა.



რაც არ უნდა ქროდეს ქარი,
მაინც არ ჭირს მიგნება –
საქართველო იყო, არის,
საქართველო იქნება.

მრავალი გვაქვს საწუხარი,
მაგრამ არის ღვთის ნება –
საქართველო იყო, არის,
საქართველო იქნება.

ყველა კუთხის, ყველა მხარის
სიმღერა შეიქება –
საქართველო იყო, არის,
საქართველო იქნება.

გაიარა სისხლთა ღვარი,
მტერთა წინ ჩაფიქრება –
საქართველო იყო, არის,
საქართველო იქნება.

ერი ასე მეომარი
მუდამ მოდგებ-მიდგება –
საქართველო იყო, არის,
საქართველო იქნება.

რითაც ვთესეთ მიწა-მყარი
იგივე მოიმკება –
საქართველო იყო, არის,
საქართველო იქნება.

რეკავს, რეკავს, რეკავს ზარი,
გმირნი იქცნენ ჯიქებად –
საქართველო იყო, არის,
საქართველო იქნება.



არ არის, არა გამოსავალი,
თუმცა მიცდია გზები მრავალი.

ყველაფრის ბოლო სიკვდილი არის,
ყველაფერს წაშლის სიკვდილის ქარი.

ბოლოს დარჩება ფერფლი და მტვერი,
მინას შეერთვის მოყვარეც, მტერიც.

ჩვენ კარგად ვუწყით სიცოცხლის ფასი,
მაგრამ ცხოვრება დიდია ფარსი.

მაგრამ ცხოვრება არაფერს გვაცლის,
თუმც ბედისწერას სულ ებრძვის კაცი.

სიკვდილი არის ყველაფრის ბოლო,
ხსნა საქმეშია მხოლოდ და მხოლოდ,

მაგრამ საქმესაც აქვს დასასრული,
მარადიული გვაქვს მხოლოდ სული.

სულს იქით არცრა არ გაგვაჩნია,
ამაოებას გაუმარჯვია.

ყოველი არის ამაოება
და ფუჭი არის ყველა დროება.

არ არის, არა გამოსავალი,
თუმცა გზებია ქვეყნად მრავალი.



ყველა სიტყვიდან ამოდის ლექსი
ამ წუთისოფლის ჭუჭყსა და ლექში.

ამოიზრდება, როგორც ყვავილი
და მე ამაყად ავივლ-ჩავივლი.

მადლობა უფალს, რომ მომცა სიტყვა.
და მე სიტყვაში უფალი მიყვარს

მისი ხელდასხმით და მისი ნებით
ჩვენ, პოეტები ლექსებად ვდნებით,

გადავიქცევით ცხელ-ცხელ ლექსებად
და სიყვარული დაგვეწესება.

სიყვარული და ლექსი ერთია
და ღვთაებრივი მათში მეტია,

ვიდრემდე ყოფა ადამიანთა,
რომელთაც მოსვლა დაგვაგვიანდა.

ნეტავ, სულ მქონდეს წერის ხალისი,
სანამ ჩემს სულში უფლის ხმა ისმის.

ყველა სიტყვიდან ამოდის ლექსი,
არაფერია სხვა უკეთესი.



იღელვე მშვიდად! მშვიდად იღელვე!
გულში წყალქვეშა დინებების მორევია
და ყინულს ებრძვის,
რომელიც არის ირგვლივ და ყველგან,
ხეებს ფესვები აზრებათ და
ბალახი მინას ჩაკვდომია
და მზე ცას ისე შეჰყინვია,
რაც არ უნდა მძლავრად ანათოს,
ყინულს მაინც ვერ ერევა.
იღელვე მშვიდად! მშვიდად იღელვე!
ზღვა გაყინულა – ფეხით გაივლი,
მაგრამ რად გინდა, უგზოობაა,
გზები არსაით აღარ მიდიან
და დანყვეტილი საბელებივით
ყრიან მინაზე ბილიკები და შუკა-შარები.
იღელვე მშვიდად! მშვიდად იღელვე!
ამ ლელვაში არის რალაც სითბოს მომფენი
და ვით სიზმარში, ცუდ სიზმარში
სული ღმერთს შესთხოვს
გამოღვიძებას.



ახლა ყველანი ზეცაში არიან,
ვინც საქართველოს იფარავდა და
საქართველოსთვის მფარველი სულებით სავსე ზეცა
ვისაც იფარავს.
ზეციურო საქართველო, მიწიერი საქართველო
დაიფარე, შეგთხოვ

და წყალობას ნუ მოგვაკლებ,
ნუ გაგვწირავ, ღმერთო!
ჩვენ ყველა, ერთხელაც იქნება,
ქართულ ზეცას შევეხიზნებით
და იქიდან გადმოვხედავთ
ჩვენს პანანინა სამშობლოს,
რუკას რომ ძლივს აჩნია;
ახლა იქ ვილოცებთ საქართველოსთვის,
რადგან გვჯერა, ჩვენს ლოცვას შეისმენს უფალი
და შეგვეწევა.
ზეციურო საქართველო, მინიერი საქართველო
დაიფარე, შეგთხოვ,
მეოხ-გვეყავ, დაგვამშვენე,
სულ გვაშენე, ღმერთო!



გრძელდება ჩემი გზა და ამ გზაზე
მე დამეხედა ცვალებადი მოღრუბლულობა
და ღრუბლიდან ღრუბლამდე წვიმა
და ლექსები ჩიტებივით ფრთხებიან
წვიმის ფეხის ხმაზე
და მე სიტყვების საკენკს ვუყრი,
რომ გამოვკვებო და მივიზიდო.
ცვალებადი მოღრუბლულობა დამტრიალებს
და მინას აჩნია წვიმის ნაფეხურები
და გუბებში პატარ-პატარ ქარები ჭყუმპალაობენ
და შხეფები მზის შუქზე ბრჭყვიალებენ,
როგორც ყალბი ბრილიანტები,
რომლებიც ახლა მოდაშია
და რომლებიც ასე უხდება ქალბატონ დედამინას.
მე არ ვიცვლები, ამინდები იცვლებიან
და ამ ცვალებად მოღრუბლულობაში
ჩემი უცვლელი გზა მიდის აღმა,
უცნობი მთისკენ,
საიდანაც სიზიფეს ლოდი აღარ დამიგორდება.

გიორგი სოსიაშვილი

დასასრული და დასაწყისი



მივდიოდი და ვგრძნობდი, რო ბოლო გზა იყო. დამთავრებას ვგრძნობდი, ვთვლიდი ნაბიჯებს, თითქო ფეხები არ მემორჩილებოდა. ერთი ორჯერ შევჩერდი, გზას ავხედე – იტყოდა, რო ღრუბლებში მიიკლაკნებოდა ეს დალოცვილი აღმართი, ლეგა ღრუბლებში უჩინარდებოდა. სული მანვებოდა – ამოსვლას ლამობდა. ვუძალიანდებოდი, ვეხვეწებოდი, ამ ბებერ სხეულში გამომწყვდეულ ნატანჯ სულს, ყვავილივით რო დაეკენკა ცოდვებს და ეგრე შრამებად დარჩენილიყო; ცოდვის ნაკვალევი სამუდამოდ ჩარჩენოდა. სულ ცოტა ხანი დამაცადე, აემ

გზას ავივლი, როგორმე ავიტან, ავათრევე სხეულს, რომელსაც მატლი შესეოდა უკვე, მინასაც აღარ დაელოდნენ, ფუთფუთი გაუდიოდათ დამშეულ მატლებს. ბატკნის კიკინი მომესმა, ყური ნაუფგდე. კრავის ხმაზე თითქო დავმშვიდდი, ღვთის ხმასავით ჩამედვარა და გასაფრენად გამზადებული სული მცირე ხანს ჩააცხრო. თვალი დაფხუჭე და თითქო რამდენიმე წლის წინ ნანახ სიზმარში აღმოვჩნდი, ახალნაწვიმ ბაღში; შიშველი ფეხებით ვიდექი სველ მიწაზე. ნაწვიმარ ძურნას კიკინიდა წითელნაჭერშებმული ბატკანი. გვერდით გარგარი ყვაოდა. თბილი გაზაფხული შეესწრო მამაჩემის დარგულ გარგარს და იპატარძლა, მიწიდან ამომძვრალი ყვავილებით შეიმოსა.

ვიდექი და მციოდა, ფეხის გულები თითქო გაყინული მქონდა. ხანდახან ბატკანს ვუმზერდი; თავს არ სწევდა მიწიდან, ლამის დაკვდომოდა წვიმიან ძურნას, ხანდახან დაიკიკინებდა. თავაუნწვლად გამოსცემდა უცნაურ ბგერებს, რომელიც საიქიოში, ალბათ, სიტყვებად ჩამესმოდა, მიწიერ ყოფაში კი ჩვეულებრივი კიკინი იყო და მეტი არაფერი.

შორიახლო იდგა ქალარა კაცი და მილიმოდა, სიკეთის მზე იღვრებოდა მისი მწვანე თვალებიდან. მამაჩემი იყო... თითქო... თითქო არა. უცნაური ნათელი ეფინა სახეზე. წინ მიიწევდა ბატკანი და მეც ნელ-ნელა მივდიოდი, ტალახიანი,

შიშველი ფეხებით მივდევი.

მაშინ ასეთი დასკვნა გამოვიტანე სიზმრიდან: ალბათ, ცხვარი უნდა შემეწირა სალოცავისათვის. ვეება თოხლი ვიყიდე და მთავარანგელოზის ტაძართან გავუშვი. იქაურებმა დაიჭირეს. ვიდექი და ვუმზერდი რქაკავშა არსებას, გვერდით ლურჯი საღებავი რო ესვა. ხან მთავარანგელოზის ტაძარს შეხედავდა, ხან ჩემკენ გამოექცეოდა თვალი. ალბათ, მოლოდინი ჰქონდა, რო დაგვკლავდი და ოხშივარს ავადენდი ტაძართან დანთებულ ცეცხლზე შემომდგარ კარდალს. იქაურებმა მკითხეს – ჩვენ რო ნავიყვანოთ ცხვარი, ხო შეიძლებაო.

გამოვბრუნდი. გზადაგზა მომდევა ცხვრის ბლავილი, იქვე, ტაძრის გვერდით, ცხონებული დათიკოს ბალთან, წამოაქციეს, ტაძრის ცქერითაც ვერ მოასწრო რო გაეძლო თვალი იმ საცოდავ ვარსკვლავზე გაჩენილ არსებას. ვერ მოასწრო. წამოაქციეს და გამოუსვეს მასათზე ალესილი დანა, მერე თვალის დახამხამებაში ჩამოატყავეს. მოვდიოდი და ცხვრის ბლავილი ჩამესმოდა. შევნირე... შევნირე... ჩემი ხმა მესმოდა, ჩემი ხმა მესაუბრებოდა...

სიზმარი, სიზმარი... სულაც სიზმარი არ არის ყველაფერი? იქნებ სიზმარია ცხადი და ცხადია სიზმარი. მეც ეხლა ახალი ვთქვი ვითომ რამე. როგორც ჩემი სული აწყდება სხეულს და ცაში აჭრას ლამობს, მეც ეგრე აბდაუბდა ფიქრები მანყდება. ბოლო ფიქრებში ვარ, ჩემთან ერთად დამთავრდება ფიქრიც, არადა ფიქრმაც ხო ინვალა მთელი ცხოვრება, ფიქრსაც ხომ არ მივეცი მოსვენების საშუალება. ასეთი დასასრული უნდა ყოფილიყო.

არგანზე ჩამოყრდნობილ ბერიკაცად ქცეულს უნდა ამევლო ეს საოცარი აღმართი და ნისლში შემალულ სალოცავში ავსულიყავი. თითქო იქ მიცდის ღმერთი, თითქო აღმართის ბოლოს მელოდება, ავალ და ნაყვავილარ სულს ჩავაბარებ. დაფუთფუთებენ სხეულზე მატლები. ეს ჩემი ცოდვით სავსეები, ესენი... ჭამენ ამ

ჩემს სხეულს და ივსებიან ჩემი ცოდვებით. ძლივსძლივობით ავითრიე ჯანდაკი სხეული. სიკვდილმა დამახმარა ხელი, იტყოდი, რო ბოლო წუთებში სიკვდილსაც შევებრალებ და ტაძრამდე მისვლაში წამეშველა. სალოცავის კარამდე მიმაცილებს და მერე წამავლებს კარებში ხელს.

იქვე დაიკიკინა ბატკანმა, მივიხედ-მოვიხედე, მომეჩვენა. მარტოდმარტო ვიდექი. როგორც იქნა, გადავდგი ნაბიჯი.

ტალახზე გამიცურდა პირდაღრენილი, რაიკომისდროინდელი ფეხსაცმელი, ფრატა-ფრუტით რო დამაქეს ეხლა. აბა, ამას ვინ წარმოიდგენდა?! ცხოვრება ამას და ჯანდაბა, როგორ მასხარად გვიგდებს, როგორ გვაპამპულავებს.

მაშინ რო ეთქვა ვინმეს, მოვა დრო და ბოლო გზას ამ ფეხსაცმლით აივლიო... აი, აი, აი. ყველაფერი მთავრდება, რაიკომის მდივანო, ყველაფერი ძველდება, დროს კუჭის ქარად არ ჰყოფნის შენი თანამდებობა და სხვა რალაცები. მხოლოდ მოგონებები ჩარჩენილან და თვლემენ, მიყურებულეები არიან, თითქო არც უნდათ გაღვიძება. არც უნდა გააღვიძო, არც უნდა დააფეთო, ტვინი ზოგჯერ მოგონებების სამარეა და როგორც მიცვალებულების შეწუხება არ შეიძლება და მათი ძვლების შერხევა, ისე ამ მოგონებებს არ უნდა ხელის ხლება. რაც დამთავრდა, ის ხელახლა არ უნდა დაიწყო, გაიგე? დამთავრდა და მორჩა. როგორც დამთავრდა, დამთავრდა, უკვე წარსულს ეკუთვნის. მოგონებების სასაფლაოა ეს ოხერი ტვინი, მიცვალებულებივით გარინდებულეები, გაყურებულეები წვანან, უდროობაში ჩაძირულან, მოგონებებიც ისეთივენი არიან, როგორც სააქაოს გასული არსებები – ზოგი უდროოდ წასული, ზოგიც შედარებით ხანდაზმული. რა ვიცი ერთი...

ისევ დაიკიკინა ბატკანმა, ვიხედები აქეთ-იქით, მეჩვენება... საიდან ჩამყვა ბატკნის ხმა, იქნებ, მე თვითონ ვარ ეს შესანიერი არსება. ბოლო აღმართს რო შევუყევი და, როგორც გაურჩებულ ცხვარს, ფეხები უკან რო რჩება, მეც ისე მივათრევე ამ ჩემს ბებერ სხეულს. ნისლში

დამალული სალოცავი მიცდის. ნელ-ნელა ვაი-ვაგლახით ავალნევ, ტაძრის კარიბჭემდე როგორმე მივიტან სულს, მერე შემოვატარებ ამ ჩემს ძალაგამოცლილ სხეულს და უკანასკნელად ავიხედები ცაში...

●
– დავანგრე! – იცინის ბენო და რაიკომის აგიტაცია-პროპაგანდის განყოფილების გამგეს თვალეში აკვირდება, რას ეტყვის არტემიჩი, როგორ შეაქებს ან რა ჯილდოზე წარადგენს.

– ერთი იქაური გოთვერანი მიწედა წინააღმდეგობასა, ვილაც ქალაქიდან ჩამოთრეული მხატვარი. წინ გადამიდგა კაცო! ლამის მანქანა გადავატარე და მივაჭყლიტე ეგრევე. ჯერ სხვებიც აყაყანდნენ, მთელი ბირჟა იქ მოგროვდა, მაგრამ რო გადავბღვირე, ხმა გაკმიდეს. მერე მარტო ის მხატვარი ძალაობდა. საცოდავი ხარო! ვერც კი წარმოგიდგენია რას სჩადიხარ, რამხელა ცოდვასა ჰკიდებ შენს შთამომავლობასო, ცოდვასაო, – ხითხითებს ბენო. – შენ თვალწინ დაიტანჯებიან შენი შვილები და შვილიშვილები, ხელი არ ახლო, არ გაბედოო.

– მერე? – ჰკითხა არტემიჩმა და თვითონაც ღიმილი შეეპარა წითურ სახეზე.

– რა მერე, არტემიჩ, რა დაგივალეხა და არ შემისრულებია? – ბენომ ყვითელი კბილები გამოაჩინა.

– აბა მითხარი... – ჩააცვივდა ბენო.

არტემიჩი თითქო ჩაფიქრდა და თავი გააქნია, – არაფერი, ყოჩალი კაცი ხარ.

– მერე, მერე იმ მხატვარმა...

– რა ვიცი, რაღაცებს მიედ-მოედებოდა, ისტორია არ გაპატიებთო, ღმერთი სასტიკათ დაგსჯითო, სად არის ღმერთი, აბა, მაჩვენე-მეთქი, – ისევ ჩაიქირქილა ბენომ. – ღმერთი რო არსებობდეს შენისთანა მაიმუნებს კი არ გააჩენდა-მეთქი...

– მაიმუნები ვინ იქნებიან, ამას შთამომავლობა იტყვისო.

– ერთი სიტყვით, – წვერი მოიქექა ბენომ. – კარგა მივტყვიპე ის მხატვარი, წინ გადამიდგა ჯარისკაცის მამასავით, ცოტადა

დამაკლდა და ლამის ეგრევე გადავსრისე.

არტემიჩი მშვიდად აკვირდებოდა ბენოს.

– ნეტა დაგენახა, არტემიჩ, როგორ ბლაოდა, თროკიალით გამოვიყვანე ის...

– გინება ყელში გაუჩერდა, არტემიჩისა მოეხატრა.

– დრო მოვა და მუხლებზე დაჩოქილები მოხვალთო, მაგრამ გვიანი იქნებაო. ბეხლერწმა გერომ მოაყენა მერე ტრაქტორი და დაანგრია.

თქვე შობელძაღვლებო მადლობლები არ ხართ-მეთქი? კაცი კლუბს გიშენებთ, ახალგაზრდობა გაიზრდება, კინობს გაუშვებენ, ისევ თქვენ არ გამოგადგებათ-მეთქი?

– მართალიაო, – ერთი-ორმა დამიქნია თავი. სხვები ისე შესცქეროდნენ ჩამონგრეულ კედლებს, ლამის ტირილი დაეწყოთ...

„სამსახურეობრივი მოვალეობის პირნათლად შესრულებისათვის, პარტ.ორგანიზაციის წევრი ბენო... ს, გამოეცხადოს მადლობა და დანიშნულ იქნას პარტორგანიზაციის კოლმეურნეობა „ლიახვის“ განყოფილების ხელმძღვანელად“.

რაიკომის მდივნის კაბინეტიდან გამოსულ აგიტაცია-პროპაგანდის განყოფილების ხელმძღვანელს ბენო მუხლებში ჩაუვარდა და იქვე, მისაღებში მდგომი რამდენიმე ქალბატონის დანახვა თითქო არც მოერიდა, ფეხები დაუკოცნა.

– ხო დავანგრე არტემიჩ, ხო დავანგრე. კიდე დავანგრე, თქვენ მარტო მითხარით და კიდე დავანგრე. იმ მხატვარსაც აქ ჩამოგიტრევე, მარტო დამავალე...

არტემიჩმა გვერდით მდგომ მღიმარ მანდილოსნებს, რაიკომის მდივანთან რო იყვნენ მიღებაზე ჩანერილი, თვალი ჩაუკრა, მერე დაიხარა და ჭალარაშერეულ თავზე ხელი მოუთათუნა მის ფეხებთან მოკეცილ „პარტორგს“.

– კარგი ბენო, კარგი, საკმარისია.

ოღონდ ბენომ ვერ გაიგო, რა იყო საკმარისი, მადლობის გადახდა, ფეხებზე მთხვევა თუ ტაძრის დანგრევა.

ნისლი უფრო გაძლიერდა. ადგილის

დედამ თითქო მარმაშის ქსოვილი წამო-
ახვია სალოცავის მთას. ხან გამოჩნდება
ტაძარი, ხანაც ნისლში შეიმალება, თით-
ქო ბისტი გადაეკრა თვალებზე, ყველა-
ფერი სითეთრეში ჩაინთქა. მთაც სითეთ-
რეში ჩაიძირა, სალოცავიც...

„ისე არ მომკლა, გევედრები, ეს ერთი
ნატვრა ამისრულე სანამ სულს ჩაგაბარებ,
მერე როგორც გინდა დამსაჯე, როგორც
გინდა მტანჯე. გევედრები... ველარაფერს
ხედავს, ცისკენ კი იმზირება, მაგრამ არა-
ფერი არ ჩანს... ღმერთოო, ღმერთოო...
ჩადენილ ცოდვებთან ნუ დამტოვებ, ტაძ-
რამდე მიმიყვანე, გევედრები. ჩემი აღდგე-
ნილი სალოცავი დამანახე უკანასკნელად...
სიცილის ხმა მოესმა. მიიხედ-მოიხედა,
ვერაფერი დაინახა, ისევ მოისმა სიცილი,
ყური წაუგდო, შვილის ხმას მიაამსგავსა
და ამოიბლავლა:

– შეილოო, სად იმალები, გამოდი შეი-
ლოო, – ის ხმაც სადღაც ჩაინთქა წამიერ-
რად, მერე ისევ ჩაესმა სიცილი... თითქო
თვალის ჩინი დაუბრუნდა.

თვალედაჭყეტილი მისჩერებოდა თეთ-
რი ნისლიდან გამოსულ შვილის ლანდს.
როგორც ჩარჩა მესხიერებაში შვილის ცხე-
დარი, ისეთი იხილა.

– შენა ხარ შეილოო?

ლანდი უხმოდ იდგა.

– რატო გამწირე შეილო, რატო დამ-
ლუპე, ჩემი ცოდვები არ მეყოფოდა? ჩემი
ტანჯვა არ მეყოფოდა? ჩემი წილი ჯო-
ჯოხეთი... ის ჯოჯოხეთი მანატრებინე ამ
ჯოჯოხეთს. განა რა ტანჯვაა, განა რა
წამებაა, განა რა გენაა, ამას რო აღე-
მატებოდეს, – ღაპა-ღუპით წამოუვიდა
ცრემლები. უცბად გაურბინა ცხოვრების
კადრებმა, თითქო საზვერებზე ცეც-
ხლოვანმა ანგელოზებმა თვალწინ გაუ-
ცოცხლეს ცხოვრების თითოეული წამი.

ვეება შენობისკენ მიაბიჯებს და ამა-
ლა მისდევს უკან.

სიტყვით გამოდის და გასუსული დარ-
ბაზი თვალებში შესცივინებს რაიკომის
მდივანს...

აჯილდოებენ და ნეტარებით ანთე-

ბული თვალებით გასცქერის დარბაზში
პირველ რიგში მჯდომ მეუღლეს.

გადაცემა გადის და მთელი ოჯა-
ხი სულგანაბული მიშტერებია ტელევი-
ზორს, გატაცებით ლაპარაკობენ რაიკო-
მის მდივნის წარმატებებზე.

სულ ტაში, ტაში, გრიალებს დარბაზი,
ეს ხმა ჩარჩება სიცოცხლის ბოლო ნუ-
თამდე და ჯოჯოხეთის ხმად ექცევა სუ-
ლის ამოსვლამდე.

წითელი დროშები ფრიალებს ირ-
გვლივ. დროშები, დროშები, მედლები...
ტაში... ის კადრიც გამოჩნდა, რაიკომის
მდივნის ოჯახი გაუჩინარებულ შვილს
დაეძებს ორ კვირაზე მეტი, ცამ ჩაყლაპა
თუ დედამინამ ვერ გაიგეს, გადაატრია-
ლეს მთელი ქვეყანა, არსად ჩანს ეფრე-
მიჩის ერთადერთი ვაჟი. ჭორებმა ააფუს-
ფუსა მთელი რაიონი, საზღვარგარეთ
გაქცეულა თურმე ეფრემიჩის ბიჭი, უც-
ხოეთში ბევრი ფული წაუღია. ეძებენ...
ეძებენ... ვერსად მიაგნეს. ბოლოს მეგობ-
რის პაპის მიტოვებულ სახლში თვითონ
წაადგა შვილის ცხედარს ეფრემიჩი.

ფანჯრის სახელურზე გამოება მავ-
თული და ყელზე წაბმული მინოლილიყო,
ეგრე თვალებლია შეგებებოდა სიკვდილს.

მაშინ გაიგეს პირველად რაიკომის
მდივნის ბლავილის ხმა. შვილის გაყინულ
სახეზე დამხობილი არამინიერ ბგერებს
გამოსცემდა...

ამ უცნაურ ხილვაში იყო. სალოცავის
ფერდობზე გვიანი შემოდგომის თელხი
აფრიალებდა შვილის წერილს:

„იცი, არ მინდოდა, რომ ასე გამემ-
წარებინეთ, ბევრი ვიფიქრე... არ არის
ეს ადვილად გასაკეთებელი, ამას ნურც
ლაჩრობას დაარქმევთ და ნურც გმი-
რობას, ჩემს თავს გავექეცი და მორჩა,
ადამიანს არაფრის უფლება დაუტოვა
ღმერთმა და პარტიამ, ყველაფერი უნ-
და აკეთო, რაც უფალს სურს და რასაც
პარტია გიკარნახებს... მცნებები... მცნე-
ბები... მონოდებები... იმდენი ვიფიქრე
ადამიანის დანიშნულებაზე, რომ საბო-
ლოდ ვერანაირი დასკვნა ვერ გამოვი-

ტანე. არანაირი მისია, არანაირი აზრი... რაიკომის მდივნის შვილობა კი არა ეხლა, ის კიდევ... გავჩნდი და დამნაშავე ვარ. ეს დანაშაული უნდა დამთავრდეს.

მაპატიე, მაპატიე, მაპატიე, შენც, შენც, შენც და რა ვიცი, ყველამ...

ქარი აფრიალებს წერილს, ბოლოს სახეზე აეკრა თვითმკვლელი შვილის წერილი და ისევ აღმოხდა ბლავილი... არ უნდა გაგენიროს ასე, არ უნდა გაგენიროს...



ეს ერთი კეთილი საქმე როგორმე უნდა გააკეთო. სალოცავი ინგრევა, ღვთის სახლი ნადგურდება, ტაძრის ლოდებს სახლში ეზიდებიან. ანაფორიანი კაცი ესაუბრება. უმზერს, თან აქეთ-იქით იყურება, ვინმემ არ დამინახოს, ვინმემ არ შემამჩნიოს. დავილუპები, დავილუპები, ყველაფერი დამთავრდება, ყველაფერი ჩამოიქცევა. ჩააკანკალა, რო წარმოიდგინა დანგრეული ცხოვრება, რაიკომის მიღმა გატარებული წლები. ცეკაში გაიტანენ ჩემს საკითხს. თითქო ცეკას პირველი მდივნის კაბინეტის მისაღებში დგას, ფეხები უბრუნდება, პირი უშრება, ყოველ ჩქამზე გული აშვებული ნაგაზივით აწყდება ლობემკერდს. გაინკრიალებს ცეკას პირველი მდივნის მდივნის (მდივნის... მდივნის – მაგარია!) ტელეფონი და შუბლის საწვიმრებიდან ჩამოუნკანწკარდება ოფლი. მისი კოლეგა რაიკომის მდივნებიც იქ ირევიან, ზვარაკის სახიან „მეგობარს“ უმზერენ. ეს რა ჩაგიდენია კოტეე! რა გიქნია, კაცო, აურიე? რა გეშველება, რისთვის დაინგრიე ცხოვრება. კოტე, შე მართლა კოტე შენა, რა ღმერთისა და ხატისა აგიტყდა, მღვდლები და ანაფორები გიშველის, ღმერთი რომ მოკვდა, ერთად არ ვიყავთ პანაშვიდზე?! ღმერთი... ეჰ, კოტე, კოტე!

იქნებ გადავრჩე, იქნებ საყვედური მითხრან, გაფრთხილება. რაა ერთი გაფრთხილება, არასოდეს მქონია, თითოთ საჩვენებელი რაიკომი გვქონდა, რა მიყოიმ წუნკმა მღვდელმა, საიდან შემომიჩ-

ნდა, როგორ გამაბრიყვა. დამლუპა! გამათავისუფლებენ?

რომელიღაც კოლეგა რაიკომის მდივანი ჩასჩურჩულებს ჰალსტუხმოლრეცილ, სასონარკვეთილ, ყბაჩამოვარდნილ კოტეს. ეს-ეს არის გამოვედი...

– მერე? – კუთხეში დაყენებული შერისხული მოსწავლის თვალებით შეაქქერდა.

– ვერ გეტყვი, განხილვა მიდის... გაცოფებული კია, ისე... რა ეკლესიები და მღვდლები აგიტყდა. ეგ კი არა, მე დღეობებიც კი ავაკრძალინე, დღეობები, – ნაცრისფერი თვალები მოწკურა კოტეზე ერთი თავით დაბალმა მდივანმა და მწვანეზოლიანი ჰალსტუხი შეისწორა, თან მდივანს გახედა, რომელიც ჟურნალ „საქართველოს ქალს“ ჩაჰკირკიტებდა, თუმცა ცალყურდაცქვეტილი უსმენდა რაიკომის მდივნის ჩურჩულს. კოტეზე ერთი თავით დაბალს რა გამოეპარებოდა და სწორედ იმიტომ უწევდა ხმას, რომ მდივანთან უფრო კანთიელად მისულიყო მისი სიტყვები.

– რანაირად შეიძლება ესა, დღედაღამ ხუთწლედის გეგმები ტრიალებს თავში, ხუთწლედი, მღვდელი კი არა, ტოროლა.

– შევდივართ უკვე, ამქვეყნიური სამოთხე აგერ არის, ა, – ხელით რაღაცა ფორმა შემოხაზა. – კომუნიზმში მღვდლების ადგილი არ არის. რაც ამ კაცმა სისხლი და ოფლი ჩაანთხია, – თითი ცეკას მდივნის ბინდისფერ, ტყავგადაკრული კარისკენ გაიშვირა. – მართლა ამაზე უნდა ვლოცულობდეთ, ჭკუა რო გვქონდეს.

ღვარად ჩამოსდის ოფლი კოტეს და თითქო ხელის მტევნები არ ჰქონდეს ან სისველეს ვერ გრძნობდეს.

– ვიცი, რო არც შენ გიყვარს მღვდლები და ეკლესია. რაღაც გაუგებრობა მოხდა ალბათ... – მხრებს იჩეჩავს კოტეს მეგობარი...

ყოველ ჩქამზე გული უხტის. ცოტაც და დაინკრიალებს წითელი ტელეფონი.

– უხმეთ რაიკომის მდივანს! – გაოფლილი ხელით შეაღებს ცეკას პირველი

მდივნის კაბინეტს. – ვაი!..

ინგრევა ყველაფერი. მტვერშია გახვეული. თქვენ ვერ ხედავთ, მაგრამ ასეა! არ გჯერა? ვიცი, რო ვერც წარმოგიდგენიათ. სულ ასე გინდა, რომ იყოთ შარვალკოსტუმში გამოწყობილები, ყელში ჰალსტუხნაჭერილები, სინამდვილეში ეშმაკი გიჭერთ ხელს და სუნთქვის საშუალებას არ გაძლევთ. მტვერია, მტვერი. ნგრევის მტვერი, ცოტა ხანში ამ დანგრეული შენობის კედლები ერთიანად ჩაიქცევა და ჩაიმარხებით. ვერც კი წარმოგიდგენიათ. ნითელი დროშის და ნამგლიანუროიანი გერბის გარდა, ვერაფერს ამჩნევთ ცოდონი ხართ, შვილო! ღმერთს არც თქვენ ეჯავრებით, მაგრამ საკუთარ სულს ასე როგორ ექცევით, ეშმაკზე უარესად სძინებთ. ტკბილია მინიერება, ტკბილია ამქვეყნიური დიდება, მაგრამ იმაზე ადრე დამთავრდება, ვიდრე თქვენ გგონიათ.

– რა გინდა ჩემგან? – საცვლებიანი ნამოსხტა მძინარე კოტე. ცოლი არ გაუღვიძებია. შეშლილივით ახამხამებდა თვალებს. თენდებოდა, დილა იბადებოდა მშობიარე ცის ნიალიდან და იისფერი შუქი ჟონავდა რაიკომის მდივნის საძინებელში.

არავინ ჩანდა. ესიზმრა ის უცნაური ანაფორიანი ლანდი, ვინც ცხოვრება კინალამ დაუნგრია, არც ცეკას მდივნის კაბინეტთან დგას ხელებგაოფლიანებული კოტე. როგორ გაუხარდა, რიჟარჟის შუქივით შეიჭრა სიხარული, მძინარე ცოლს აკოცა.

– მღვდელი, მღვდელი... – ჩაიბუტბუტა. – რამ დამასიზმრა, – ჩაეცინა. რაიკომის მდივნის სიზმარში საიდან გაჩნდა, მღვდელი. – კიდევ კარგი, რო სიზმრებსაც ვერ ხედავენ ჩემი მტრები, თორემ... სიზმრებსაც მთარმევედნენ ცეკას მდივანს: – „ა, ბატონო, ინებეთ თქვენი ნაქები რაიკომის მდივნის სიზმრები. მღვდელი სტუმრობს ყოველდღამ და ეკლესიის აღდგენას სთხოვს.“ – ხმამაღლა გაიციინა და მის როხროხზე სიზმრებში დაკარგულმა მეუღლემ, რომელიც გაუჩინარებულ ქმარს დაეძებდა, გვერდი იცვალა.

ველარ დაიძინა. ახალი დღის დაბადებას უმზერდა ვეება არაბული ტახტიდან.

●

– რა არის, აბა, ბედნიერება, მითხარი.

– ?!

– რა არის-მეთქი.

– გითხრა რას ფიქრობ?

გარინდებული მისჩერებია.

– გითხრა?

– მითხარი, მითხარი.

– მე რომ ვარ, ისეთი მდგომარეობაა ბედნიერებაო.

– საიდან მოიტანე, ცხვირზე დაადო თითი.

– თვალზე დაგაკვირდი. ბედნიერება გენერა, კმაყოფილი იყურებოდი. ცხოვრება ხო ჭამს ადამიანებს. აი, შენ ცხოვრებაგადასანსლული ადამიანის თვალები გაქვს, მაძლარი თვალები.

– ბედნიერება, ბედნიერება, არ მიფიქრია, არც უბედურებაზე მიფიქრია.

– ვაი, დედა!

– რა იყო, – შიშველ მკერდზე გადაუსვა ხელი. კენჭივით მოხვდა ნეკის წვერისხელა კერტი. დაიხარა და ბაგეებით შეეხო. ქალმა თვალები მილულა.

– რაიკომის მდივნის შვილი რო არ იყო...

ამრეზით დახედა და შიშველ მკერდს მოსცილდა, ხელახლა აყელყელავებული ვნება ძალით დაიოკა.

– ასე მგონია, ნამდვილ სიყვარულს ვერასოდეს ვერ იგრძნობ, იქნებ ასეც არ იყოს, მაგრამ მე ასე ვიფიქრე, – შესცინა ქალმა. ბიჭმა მის ძალით მღიმარ თვალებს დამრუხული მზერა დაუბრუნა.

– ცოდონი ხართ მდიდრები, ღმერთს არ უყვარხართ. რამდენჯერ დავწოლილვარ შენთან და ასეთი აზრები არასოდეს ამკვიატებია.

ბიჭი ისევ გამჭოლი მზერით დასცქეროდა. მისი მჭრელი მზერა ქალში ძვრებოდა.

– აღარასოდეს დავწვები შენთან! – ჩაილაპარაკა ქალმა და შიშველ მკერდზე

საბანი ნაიფარა. – მერე რა, რომ რაიკომის მდივნის შვილი ხარ, რაიკომის მდივნების შვილებზე აღარ გავქირავდები.

– მოგზავნილი ხარ! – დაასკვნა ბიჭმა. წამოდგა, შარვალი ამოიცვა, პერანგის სახელოებში გაჰყო მკლავები.

– ხო, მოგზავნილი ვარ, აგენტი ვარ, – ღიმილით ჩაილაპარაკა ქალმა. – როცა დიდი კაცის შვილი აღარ იქნები, მოდი და მერე ვილაპარაკოთ.

ქალის ცემა მოუნდა. სისხლი მოაწვავდა, უნდოდა ლოგინიდან იატაკზე ჩამოეთრია და მისი შიშველი სხეული დაეღურებინა, მაგრამ თითქო მამის ხმა ჩაესმა: „შარში გაეხვევი, თავი დაანებე, თავი დაანებე-მეთქი“. ადგა და უხმოდ დატოვა სასტუმროს ოთახი, კარიც ისე გაიხურა, ვერ შეატყობდი, რო ნერვები ერთმანეთში ჰქონდა გადახლართული.

„ბედნიერება და უბედურება“... „ბედნიერება და უბედურება“. – ჩადიოდა კიბეზე და სიზმარში ეგონა თავი...



– ამაზეც დამსჯიან, ამაზეც... არავინ არ უნდა გაიგოს. ცხოვრება დამენგრევა. არ მინდა საკუთარი ცხოვრების ნანგრევებში მოვყვე გესმის? კრინტი არსად დაძრა. ხო გესმის?!

– მესმის, – თავს უქნევს ტუჩობრეცილი ქალი.

– მთელი ცხოვრება მეზრდიან, მთელი ცხოვრება ტალახისა და ფურთხის მეტი არაფერი მინახავს. ასე მარტივად და იოლად არ მოსულა ყველაფერი, ჯოჯოხეთური წვალეა და ტანჯვა სდევდა ყველაფერ ამას. ღმერთი კი არ მწამს, მაგრამ სახარებაში მეც ჩამიხედავს. ის საშინელი აღმართი მეც ავიარე, წვალეებით ავიარე... სისხლი ჩავანთხიე, კირის ქარხნის მუშა ვიყავი და რაიკომის მდივანი გახდი. რაც უფრო მალლა ადინარ, უფრო გეშინია ჩამოვარდნის. მეც მეშინოდა, ახლაც მეშინია. ბევრი ვინვალე, ბევრი ვიტანჯე. რალაც შევექმენი, მაგრამ ამ შექმნილით ტკობის საშუალება

არ მაქვს, ამ შექმნილის დაკარგვის შიში მტანჯავს. რალა დაგიმალო და... – მარია კოვზით ნაზად ურევდა თეთრ ფინჯანში დასხმულ ყავას. – ჰო, რალა დაგიმალო, ცოლზეც ვეჭვიანობ. არა, ისე არა, როგორც ქმრები ეჭვიანობენ ხოლმე, კაცებზე რო ეჭვიანობენ. მე სხვა ეჭვი მიღრნის გონებას. არ მინდა, ამ ეჭვმა მომკლას. დღითიღლე მიმძაფრდება, მემატება ეჭვი. ხანდახან თავს დავიმშვიდებ ხოლმე... იქნებ, ჩემს ავადმყოფ გონებაში დაიბადა ეს ეჭვი და მე ვარ ამ მავნე აზრების შემოქმედი, მაგრამ ველარ ვიგერიებ ამ ეჭვის მატლებს... თითქო ცხედარი ვარ... მოდიან და მოდიან.

ცოლიც, მგონია, რო გადაიბირეს, მოჩენილი ჰყავთ, ჩემი ცხოვრება ხელის გულზე უდევთ, ცოლი...

ბევრჯერ წამოვჯდები ლოგინზე და ვაცქერდები ჩემს მძინარე მეუღლეს.

ვინ იცის, რა დავალეა აქვს მიღებულ, ვინ იცის, როგორ გადაიბირეს, რას დაჰპირდნენ, იქნებ თავიდანვე გადაბირებული ჰყავდათ, რას გაუგებ...

მარიამ ყავას თავი მიანება და კოტეს დაბნეულ, დამფრთხალ თვლებში მიაჩერდა. გადავწყვიტე კიდევ, დავისვა და დაველაპარაკო, საბოლოოდ ვუთხარი ჩემი სათქმელი. იმისაც მეშინია, რო ატეხოს ერთი ამბავი და გახმაურდეს. რაიკომის მდივანი, ოჯახის დანგრევა, აგენტობის დაბრალება ცოლისადმი – გადამიყოლებს ეს ამბავი. არ ვიცი, მირჩიე, შენ ხომ ყოველთვის მაძლევდი რჩევებს. დადუმდა კოტე. სოხუმური „მარლბოროს“ წითელი კოლოფი გახსნა. – ის კი არა, თითქო სიტყვა ყელში გაეჩხირა... – შვილზეც ვეჭვიანობ.

მოღრეცილ ტუჩზე მანიკურირანი თითი ნერვიულად გადაისვა მარიამ.

– საეჭვო ბიჭებს დასდევს. არაფერი გასაკვირი არ არის, რო ესეც გადაებირებინოთ. მაგის მეტი კი არაფერი იციან. საკუთარ ოჯახს აგიმხედრებენ თუ მოინდომეს. ოჯახის წევრებს შეაჭმევინებენ შენს თავს. ვერავის ვერ ენდობი. შვილი...

შვილია, გასაგებია, მაგრამ შვილსაც გამოიყენებენ.

– შენ რას იტყვი? – თითქო უკანასკნელ იმედად მკითხავი მარიალა ჰყავდეს სასონარკვეთილ რაიოკომის მდივანს. მარია მდუმარე მისჩერებოდა. წამოხტა კოტე, ველარ მოითმინა, ნერვები უარესად გადაენასკვა.

– რისთვის მოგიყვანე, რას დამუნჯდი, შენი თავის გამოდებალა მაკლია. ლამის თვალეში შეაქცია ყავა. თუ ამბობ რამეს, თქვი, თუ არა და შენი ფეხი აღარ ვნახო. მარია ადგა. სიბერეშერეულ სხეულზე გატყეცილი კაბა შეისწორა და წასვლა დააპირა.

– ამას უყურე ერთი! – უარესად აენტო კოტე.

– აქეთ მომხედე.

მარიას თავი არ აუწევია.

– შენ გეუბნები, აქეთ მოიხედე-მეთქი... – ნიკაპზე ორი თითი ამოსდო და თავი აანევირა, ფულები აღარ გინდა?

მარიამ თავი გააქნია უარის ნიშნად.

– ნათელმხილველობის უნარი რახანია დავკარგე, ვერაფერს გეტყვი. ძალიან კი

მეცოდები, მეცოდები... – თავი დახარა ქალმა. – შენც ხო ადამიანი ხარ, – თქვა და კარისკენ წავიდა. გასვლამდე მოუტრიალდა კოტეს.

– ის კაცი, ფულს რო გთხოვს, მიეცი.

– ვინ კაცი? – თითქო ვილაც სხვა ადამიანმა იკითხა კოტეს ნაცვლად.

– ანაფორიანი კაცი რო გეცხადება და ტაძრის აღსადგენ ფულს გთხოვს, მიეცი, თუმცა... კიდევ რალაცის თქმას აპირებდა, მაგრამ დუმილი არჩია, კარი გაიხურა და წავიდა.

●

– დიდება მამასა და ძესა და წმიდასა სულსა... პირჯვარს იწერს კოტე და თან აქეთ-იქით გაურბის თვალი, ტაძარში მასთან ერთად რამდენიმე ადამიანია, მაგრამ სახეზე ვერც ერთ მათგანს ვერ არჩევს.

ამბიონზე დგას მოძღვარი და ხელებაპყრობილი ასცქერის გუმბათს.

...დასთრგუნო შენ ლომი და ვეშაპი... ნეტა თუ მიცნობენ, ნეტა თუ იციან, ვინც ვარ, ხელები უცახცახებს რაიკომის მდი-



ვანს. საიდან მოხვდა აქ, საიდან გაჩნდა. ალბათ, ისევ სიზმარია, იმ ანაფორიან-მა კაცმა ქნა ყველაფერი. თუ სიზმარია, ჯანდაბას, როგორმე გათენდება ეს ლამე და გადაივლის ყველაფერი. ხვალ ისევ რაიკომის მდივანი იქნება.

მოძღვარმა ლოცვა შეწყვიტა და გადაიხარხარა.

– ღვთის სიტყვას მდივნობა გიჯობს, კოტე? ნუ გეშინია, არავინ დაგაბეზლებს, არავინ ჩაიტანს ამბავს. ხო არ ჩაიტანთ? კოტეს სიახლოვეს მყოფ მწირველებს მიმართა მოძღვარმა, ახლა ყველას სახე დაინახა კოტემ, კელაპტრების შუქზე სათითაოდ დააკვირდა... ყველა ილიმებოდა.

– ხომ არავინ დააბეზლებს კოტეს. – ისევ გადაიხარხარა მოძღვარმა და რაიკომის მდივანს მიუახლოვდა.

– აჰა, ეს კელაპტარი გამომართვი.

კოტეს თითქო მუხლებში ძალა წაერთვა, მონყვეტილი დაეცა და აფართხალდა.

– მიშველე, მამაო, მიშველე, – დუჟი წამოუვიდა. – პირჯვარსაც გადავინერ, ეკლესიასაც აღვადგენ. ყველაფერს გავაკეთებ. არა გჯერა, მამაო? – მოძღვარმა ხელი შეახო და ძალა დაუბრუნდა კოტეს.

თვალი გაახილა, ოთახს მოავლო მზერა. საშინელი ტკივილი იგრძნო, თითქო დაღწეული ჰქონდა სხეული. თავის აწევა სცადა, მაგრამ ვერ შეძლო. მკერდზე თავმომწვარი კელაპტარი ედო.

– მამაო! – დაიჩურჩულა კოტემ.

– მამაო! – უფრო ხმამაღლა წარმოსთქვა. კვლავ არავინ დაპასუხებია.

– მამაო! – ძალ-ღონე მოიკრიბა, ისევ სცადა თავის აწევა, მაგრამ თითქო კისერი ჰქონდა გადამსხვრეული.

– მამაოო! – დაიღრიალა და დაღწეული სხეულში ენით უთქმელმა ტკივილმა დაუშარა.

– მიშველეთ, მიშველეთ! – განწირული ხმით ღრიალებდა.

– კოტე, კოტე, კოტე! – თავზე დაადგა ცოლი. – შემომხედე კოტე, შემომხედე კოტე, – კოტემ წამიერად გაახილა თვალი და თავზე წარმომდგარ ცოლს, რომ-

ლის სახეს ბუნდოვნად ხედავდა, მომაკვდავის მზერით მიაშტერდა.

– კოტე, კოტე... მე ვარ, შემომხედე.

შემომხედე, – ლოყები მოუსრისა ცოლმა.

– მამაომ გამოგგზავნა?

– ვინ მამაომ, მე ვარ, შემომხედე, შემომხედე!

– სად არის ის კაცი?

– ვინ კაცი, – ხმა აუკანკალდა ქალს.

– დამთავრდა, ყველაფერი დამთავრდა, – ნიკაპი უთრთოდა.

– თუმცა, კი არ დამთავრდა, ალბათ, დაინყო. დაინყო თუ დამთავრდა.

– ნუ გეშინია, კოტე...

– არ მეშინია... არ მეშინია... ტაძარი უნდა აღვადგინოთ.

– კელაპტარს ხედავ?

ცოლი თვალებს არ უჯერებდა.

– ტაძრიდან წამოვიღე, მამაომ მომცა, ტაძარი უნდა აღვადგინოთ, გესმის?

ცოლი ქვითინებდა. კოტეს მეუღლის ცრემლები სახეზე დასდიოდა.

– მე თვითონვე ვეტყვი ყველას. აღარ მინდა თანამდებობა. უფრო შემეყვარდებით ყველა. უფრო დაგინახავთ, ეხლა ვერ გხედავ კარგად, შემეყვარდებით, შემეყვარდებით...



– ტაძართან კახაბერი დაგხვდება, – მამაოს ხმა ჩაესმის კოტეს, თითქო თვალები დაენება, ვერ ახელს.

– კოტე!

ხელებს აფათურებს სიბნელეში. წყვილია ირგვლივ, ვერაფერს ხედავს რაიკომის მდივანი.

– აქ ვარ, კოტე.

– ვერ გხედავ მამაო, ვერ გხედავ... – ლამის ატირდეს კაცი, უაზროდ იქნევეს ხელებს, ვითომ წინ მიიწევეს, მაგრამ მთვრალი კაცივით ბარბაცებს წყვილიაღში.

– მოვა დრო და დამინახავ.

– ეხლა ვერა? – სასონარკვეთილი ხმა აქვს კოტეს.

– კახაბერი გელოდება. მორჩილია კახაბერი. თვითონაც გიცნობს, რო მიხვალ.

– მას გადაეცი... როდის ნახვალ?

კოტე არც დაფიქრებულა.

– ეხლავე ნავალ, – ანაფორიანმა ჯვარი გადასახა. – დიდ საქმეს აკეთებ და ღმერთი შეგენევა. ეს ტაძარი თქვენ დაანგრეთ და მადლობა ღმერთს, შენი ხელით აშენდება.

– კახაბერი... – ჩაიბუტბუტა კოტემ.

– ჰო, კახაბერი. გიცნობს კახაბერი, არ უნახიხარ, მაგრამ გიცნობს.

– მიცნობს, მიცნობს, – ბუტბუტებს კოტე. – კახაბერი, კახაბერი...

გზას გაუდგა კოტე, მიდის ბარბაცით, ფულით სავსე პარკი ამოუდია ილიაში. ჩულუნ წყვილია მიდის და ისეთი შეგრძნება აქვს, რაღაც საშინელი ტვირთი ადევს მხრებზე, ველარ ერევა, თავს ძალას ატანს. როგორი მძიმე ყოფილა ცხოვრება, როგორი მძიმე ყოფილა ფული, დედამინაზე მძიმე, ჭახაჭუხი გააქვს ძვლებს, რამხელა ტვირთის ალება შეგძლებია, კოტე, – ჩაქირქილებს უჩინარი. – ეგეც შენი რაიკომის მდივანობა, ეგეც შენი მილიონები... აქამდე შენთან მოჰქონდათ, ეხლა შენ მიგაქვს, თან სად მიგაქვს, ეს რომ შენთვის ვინმეს გაებედა, ციმბირს აქეთ დაატოვებინებდი, მაგრამ ხომ ხედავ, რა მამაძალღია ცხოვრება. რაიკომის მდივანი სიბნელეში ტყელრეში მიდიხარ, მიბანცალებ და რაც კი ოდესმე ფული გიშოვია, ერთ ახალგაზრდა მორჩილს უნდა ჩააბარო. მერე ამ ფულით ტაძარს აღადგენენ, მერე იტყვიან, რომ ეს ტაძარი რაიკომის ყოფილმა მდივანმა კოტემ აღადგინაო.

შეჩერდა კოტე, სული მოითქვა. უფრო და უფრო გამუქდა, ჩაშავდა ყველაფერი, გაკუნაპეტდა ისედაც ყურჭთვალა ღამე. წვიმის ვეება წვეთი დაეცა კოტეს სახეზე, მაგრამ თითქო ვერც იგრძნო. აქეთ-იქით უაზროდ გააცეცა თვალები.

– აქეთ ვარ, კოტე, აქეთ.

ვერაფერს ხედავდა.

– ვინა ხარ, ეშმაკი ხარ?

ისეთი ხმით გადაიხარხარა უჩინარმა, მის ხარხარზე თითქო ყველაფერი შეზანზარდა.

– ეშმაკიო... ვინ არის ეშმაკი, ეშმაკები თქვენ ხართ და სხვაგან სად ეძებთ. თქვენვე მოუწყვეთ ერთმანეთს ჯოჯოხეთი. შენ თვითონ ხარ შენი თავის ეშმაკი.

ღრმად ჩაისუნთქა კოტემ, ფუთა ისევ ილიაში ამოიღო და გზა გააგრძელა.

– ჰე, ჰე, ჰეე, კოტეე... გგონია რომ ამით გადარჩები? ქრთამი მიგაქვს ღმერთთან კოტე? ქრთამი... – ნაბიჯებს აუჩქარა კოტემ და ვეება წვეთები წამოუვიდა, თითქო ყინულის ნატყეხები დაეყარა სახეზე, ქარი ამოქროლდა, ფულით სავსე ფუთა უფრო გულმოდგინედ ამოიღო, წვიმის შოლტი გადაუჭირა სახეზე ქარმა. ცოტა ხანში კოკისპირულად დაასხა, ერთიორჯერ ისეთი ელვა გაკრთა ცაზე, მთა და ბარი განათდა, გორაკი სადაც ტაძარი იდგა, კანთიელად გამოჩნდა.

ძალ-ლონე მოიკრიბა კოტემ და გზა გააგრძელა. გალორთხილი მიაბიჯებდა თავს სხმაში, ერთი-ორჯერ ფეხი დაუტყურდა და წაემხო, ტალახში ამოიგანგლა, მაგრამ ვერაფერს გრძნობდა. თითქო სხვისი სხეულით მიაბიჯებდა. ისეთი გრგვინვა გაისმა, თითქო ჩამოვარდნილმა მეხმა შუაზე გახეთქა დედამინა, წურწურით გასდიოდა წყალი, სველ ილიაში მდივანობის დროს ნაშოვნ ფულს საგულდაგულოდ მალავდა. თითქო ვეება ლოდს მიათრევდა და, სადაც იყო, მიიტანდა დანიშნულ ალაგზე, მიიტანდა და გათავისუფლდებოდა, ლოდისგან გათავისუფლდებოდა. მთელი ცხოვრება ამ ლოდს მიათრევდა, მთელი ცხოვრება იმ ლოდის თრევაში დაეხარჯა და მთავრდებოდა ეხლა ეს ტანჯვა.



– კახაბერი ხარ? – აკანკალებული ხელით შეეხო.

– კახაბერი ვარ, – ასანთი გაჰკრა და ჭრაქი აანთო ტანმაღალმა მორჩილმა. ჭრაქის შუქზე მისი გრძელი, შავ წვერში შემალული, ყვრიმალეზამოყრილი, გამხდარი, ნამარხულევი სახე შეეფეთა კოტეს. არამინიერი თვალებით უყურებდა ტალახში ამოგანგლულ, წვიმაში გალუმპულ რაიკო-

მის მდივანს და გასაცოდავებული კაცის ხილვაზე სიბრაღული გაუკრთა.

– მამაო...

– ვიცი...

იქვე მაგიდაზე დადო წვიმით გაჟღერებული ფუთა.

– შეგინიროს უფალმა, ბატონო კოტე!



ბებერი ძალიან სიკვდილის მოახლოვება ვიგრძენი. როგორც ყველა ადამიანს, გაფიქრებაც კი მზარავდა, როგორ მოვედებოდი. რაც უფრო შორს ვიყავი სიკვდილთან, უფრო მეძნელებოდა, უფრო მეტი ტკივილი ახლდა ამ საშინელ ფიქრს. ეხლა უფრო მეადვილება. ცხვარი გადავიღებ სიკვდილს, ფეხზე რო გაბია.

– „გახსოვს ის ღამე კოტე? წვიმასა და ქარში რო ამოხვედი“.

მახსოვს, რა დამავინყებს. დიდება უფალს და მადლობა უფალს ყველაფრისათვის. კოტემ პირფარი გადაიწერა.

ბატკანმა დაიბლავლა, მაგრამ ამჯერად აღარ მოსჩვენებია, კოტეს გვერდით, სალოცავის გზაზე, ორი ახალგაზრდა კაცი მიუყვებოდა აღმართს. ერთს ბატკანი მოეგდო მხრებზე, რომელიც გაურკვეველი მზერით იყურებოდა დაბლობში და ბლაოდა. ჯოხზე ჩამოყრდნობილი კოტე მღიმარი თვალებით მიშტერებოდა ბატკანს.

ცოტა ხანში მლოცველებით გაივსო გზა. მობლაოდა შესანიერი. ნისლი შემოენმინდა მთას და ციდან ღვთის ხომალდით გამოცურდა ტაძარი.

პირფარს იწერდნენ მლოცველები.

„აი იმ კაცმა, დიდი საქმე გააკეთა, მინისძვრამ ეს ტაძარი მიწასთან გაასწორა. ამბობენ, სასულიერო პირებიც დაიღუპნენო. მე ასე გამიგია ყოველ შემთხვევაში. კომუნისტების დროს ეკლესიის აღდგენა ხუმრობა საქმე არ იყო. კარგა ხანია, რაც ის კაცი გარდაიცვალა, ღმერთმა აცხონოს, ბუნებაში არაფერი იკარგება, შვილო, არაფერი. ღმერთი ყველაფერს ხედავს“.

შუახნის ქალარა კაცი შვილიშვილთან

ერთად მიუყვება სალოცავის გზას და „გარდაცვლილ“ კოტეზე ესაუბრება. კოტეც მიუყვება აღმართს, ცოტალა დარჩა და...

დიდი ხუთშაბათი,
18 აპრილი, იგრიკა
2016, დიცი

აღამი(ა)ნგელოზი

მე ხო სულ უხეირო როლში ვარ. თან არა მთავრდება ეს როლი – სცენა ჭუჭყიანია. მტვერი, მტვერი, ოხ, ოხ, ოხ, თფუ... ყელი რო ჩაგენვება, ხო გრძნობ მტვერის გემოს პირი ხო ამოგვესო, კნანაკუნნი გააქვს მინის თუ ქვიშის ნამცეცებს...

მერე დაბლა მიიწევს, ფილტვებისკენ გარბის მტვერი. სული გეხუთება, ხო გრძნობ მტვერის გემოს, გამოტყდი, გამოტყდი-მეთქი. როლში ხარ, უხეირო როლში. ოხ, ამ სცენისა რა ვთქვა, ფეხები ვარდება დაბლა, დამპალ ფიცრებზე ვდგავარ, დამპალ ფიცრებზე... მატლებს თავები ამოუყვიათ, იტყვი, რო ფიცრების გამოხვრას მორჩნენ და ახლა მე დამესევთან, დამესევთან და რამდენიმე წამში საკუთარ გვამს მაღლიდან დაფუნყებ მზერას, როგორ დაფუთფუთებენ მატლები, ჭამენ, პირს იტკბარუნებენ ჩემი ხორციით, ამ დასანველი ხორციით, არადა, როგორ მიყვარდა, როგორა... ხორცი მეგონა ყველაფერი, ხორცი. მეგონა, სულ ასეთი უჭკნობი და ქორფა იქნებოდა. ამ დროს ბნელში ისხდნენ ჩემი მატლები და ელოდნენ როლის დასრულებას...

მთავრდება ეს უხეირო როლი, მთავრდება, თითქო არც დანწყებულა, ისე მთავრდება... რო არ დაინყება და ისე დამთავრდება. ნავა ყველაფერი, აბა, რა გეგონა ან სცენაზე უნდა გამიმართლოს, ან რეჟისორში, ან მაყურებელში, ბოლო-ბოლო დარბაზი ხო მაინც უნდა იყოს განათებული... რა დარბაზი, რა სცენა, ვინ მომცა მაგის ილბალი... ჰო ილბალი,

აკი, არ არსებობსო. რა ვიცი, აბა, არ არსებობს? ან ის ვინ გაიგო, არსებობს ან ის ვინ დაასკვნა, რო არ არსებობს. დავუშვათ, რო არსებობს, ყოველ შემთხვევაში, რალაცა ხოა ბედის წიგნივით, აი, წინასწარ რო ჩაგინერა უხილავმა არსთა გამრიგემ შენი აღმართ-დაღმართის წერტილ-მძიმეები, ძახილის ნიშნები, კითხვის ნიშნები და მრავალწერტილები... როგორ

გავუტიე, როგორ მიწყრება ღმერთი. რა ქნას, იმანაც რამდენ ჩემნაირს უნდა გაუძლოს, ჩვენი როლები კი მთავრდება, სრულდება ჩვენი ტანჯვა, მაგრამ მისი ტანჯვა რო არ სრულდება, ვჩნდებით და ვჩნდებით... მივიღვართ და მივიღვართ. ეე, თიხა ბევრია, ღმერთიც არის და გვიბერავს და გვიბერავს სულს. ქარი მისი სულია, აბა, რა არის. ასე ვუნდივართ, ეს ტანჯვა, ჩვენი ყოფნით, ამქვეყნად მოსვლით გამოწვეული წამება არ ბეზრდება და ამიტომაც არის კაცობრიობა და, აბა, ვინ უნდა იმარჩილოს ახლა ამ რალაცების დასასრული, ვინ რა იცის, როდის დაიღლება ამ ყველაფრისაგან ის დალოცვილი, როდის დაამთქნარებს (მაპატიე, უფალო!) და ფაფუ დედამინა ჩადებს შურდულში რიყის კენჭით და უყარე კაკალი.

ირყევა სცენა და მეც ვყანყალებ. ეეე, ვყვირივარ... ცარიელ, ბნელ დარბაზს ასკდება უხეირო მსახიობის ყვირილი. სად არი რეჟისორი... რეჟისორი კი არა, ბეზიაშენისამ, სამეფო თეატრიდან ჩამოვიდოდნენ ახლა შენი გულისთვის. ამას უყურე, რამხელა წარმოდგენა ჰქონია თავის თავზე.

ეგ რო ეგრეა, არ იცი?

- რა ვიცი, - მეკითხება დამტვერილ ფარდებს უკან დამალული ორეული თუ ვილაც ჩემი ფეხები.

- რა და ყველას განსაკუთრებული ჰგონია თავი.

- ვაი შენს პატრონს!

- და მერე ამაში რა არის ცუდი.

- რაში, ბიჭო, ხიბლში რო ხართ, საკუთარ თავს რო ვერ ხედავთ, უფაღს

ლამის რო შეეჯიბროთ და ბრძოლა გამოუცხადოთ?

- არა, არა, უფალი რა შუაშია. მე იმას ვგულისხმობ, რო რალაცნაირად თავისი ეშხი აქვს ცხოვრებას და საინტერესოა, რო ისეთები ვართ, როგორებიც ვართ. თუნდაც ის, რო გვაქვს ჩვენი ჭეშმარიტება და გადამეტებული წარმოდგენა საკუთარ თავზე, საკუთარ „მეზე“. ასეთი წარმოდგენაც ხომ მან მოგვცა, ვინც შეგვქმნა და ყველას ჩვენ ჩვენი ჭეშმარიტება ჩამოგვირიგა. შიშვლები რა სანახავები ვიქნებოდით...

- რა შიშვლები? - მოგუდული ხმა თითქო ფარდებში ჩაინთქა.

- რა შიშვლები და ყველას რო ერთი ჭეშმარიტება გვექონოდა და სინამდვილეში დაგვენახა ჩვენი თავები ისეთები, როგორებიც ვართ, დედამინაზე დასრულდებოდა ყველაფერი.

- რაებს ბოდილო, - ისევ შეირხა ფარდა.

- ვერ აგისხენი კარგად... - ვიქექავ კეფას - ფილოსოფოსი მაინც ვყოფილყავი, ამის დედა ვატირე, იღბალი არ გინდა? ჩამოვარაკრაკებდი ფილოსოფოსთა ენაზე იმას, რასაც ახლა ვფიქრობ და განვიცდი, მაგრამ...

- აი, რა ვიგულისხმე იცი? ყველას ჩვენ ჩვენი ჭეშმარიტება რო გვაქვს, ხო ვართ სიყალბეში.

- მერე.

- ამით იქმნება დედამინა და ზეცაც იმიტომ არსებობს, რო მერე ამ ჩვენი ჭეშმარიტებიდან ერთ დიდ ჭეშმარიტებაში გადავინაცვლოთ. თუ ეს სიყალბე არ იქნება, თუ ეს ჩვენ ჩვენი ჭეშმარიტებები არ გვექნება, მაშინ ზეცის არსებობას რალა აზრი აქვს. აქვე ჩამოვიდოდა უფალი და იცხოვრებდა ამ გათახსირებულ პლანეტაზე კახპა ქალივით ფერუმარილებით რო მალავს თავის სიჩათლახეებს.

- გარეკე...

- შენ რო არ მითხრა, ეგ მე არ ვიცი. აბა, რა მინდა აქ, შუა სცენაზე, დამპალ სცენაზე, მიტოვებულ თეატრში მარ-

ტოდმარტოს, რეჟისორის მოლოდინში ცარიელი დარბაზი გახსნილ სამარესავით რო მომჩერებია და ერთი-ორი ტაშის დამკვრელიც არ ზის, ანუ სამარის პირზე დევს ჩემი ცხედარი და მიწის მიმყრელი არავინ ჩანს. ერთი-ორი მაინც გამოჩენილიყო ვინმე. დავიჯერო, ჩემნაირ უხეირო მსახიობს, ერთი-ორი უგემოვნო, გზადაკარგული მაყურებელი მაინც არ ჰყავს?! აკი ალხანას ჩალხანა არ დაეღევაო. აგერა ვარ ალხანა და სად ჯანდაბაში არიან ჩემი ჩალხანები.

●
შუალამისას გამომეცხადა. მიძინარე ნამოვარდი. ჯერ თითქო ადუღებული წყალი დამასხეს სახეზე, მიშველეთ!.. მიშველეთ!.. მეგონა, ერთიანად დამეფუფქა სახე, ერთიანად გადამეცალა ჩახარშული ხორცი და ცარიელი თავის ქალა დარჩა. უთვალლო, უცხვირპირო... მიშველეთ!.. ვინ არის ჩემი მშველელი, კუნაპეტ ღამეს შემოუჭვდია მიწისთვის ხელები, მიღებული მთვარე ყურში უძვრება ღამეს, თითქო აღიზანებს, აბრაზებს, მაგრამ ძალაგამოცდილი ღამის მნათობის შეხებას ვერცა გრძნობს ყურჭთვალა სიბნელე – ეს ჩემი ცოდვით სავსე. სხვისთვის უფრო ადვილად თენდება, ალბათ, სხვისთვის უცბათ თავდება ღამის აჩრდილთა როკვა, ჩემთვის... ჩემთვის ჯოჯოხეთია ეს ოხერი. თან ყოველი ღამე უმთვარო. ალბათ, სხვებისთვის არის მთვარე, რა ვიცი. მთვარეშიც არ გამიმართლა. ცოტაც და გათენდება, ცოტაც და წავა, ეს შავტუხა გოლიათი.

ამასობაში „დამასხეს“ ადუღებული წყალი და ნამოვარდი, ვაიმე!.. ანკავნკავდა ჩემს განწირულ ყვირილზე ეს საცოდავი მეძებარი, რომელსაც მაინცდამაინც ჩემი პატრონობა არგუნა განგებამ. დაფეთებული მიანყდა ბუნაგს.

წვამ თითქო გამიარა. ხელი მივისემოვისვი სახეზე. ხორცი რო ვიგრძენი, ბავშვივით დავინყე ცქმუტვა. ალბათ, სიზმარში ვილაცამ გადამასხა ადუღებული წყალი. თანდათან დავწყნარდი, გუ-

ლიც ჩამიმშვიდდა, ფეხები აღარ მითრთოდა, მაძებარიც თითქო მე მელოდა, ისიც ხანდახან თუ წამოინკმუტუნებდა და ძალღური ცნობისნადილით სავსე ძილგამფრთხალი თვალები გამოურბოდა ჩემი სარკმლისკენ.

თვალები გავახილე და უცნაური ნათელი შემოიჭრა ჩემს მზერაში, თითქო ჩამფერფლა. მეგონა, რო დავკარგე მხედველობა, უსინათლო დავრჩი, თუმცა ისედაც უსინათლო არ ვიყავი? ნათლის ნამცეცები, თუ ნამსხვრევები დამრჩა...

ვილაც შემეხო და მერე ფრთების ფართქუნის ბგერები ჩამესმა, თითქო სიო მომელამუნა. თვალის ჩინიც დამიბრუნდა და სხეულიც ისევ ვიგრძენი.

– ცოცხალი ხარ, ცოცხალი... – ვერავის ხმას ვერ მივამსგავსე და, ალბათ, ვერც ვერასოდეს გავიგონებდი ასეთ ხმას. ისევ ვიგრძენი შეხება.

– გაახილე თვალები...

დავემორჩილე. მთელი სხეული ამ საოცარი არსების ხმით აივსო.

– ღმერთო! ღმერთო! შემეშინდა. რაც კი ცხოვრებაში ბავშვობიდან დღემდე შიში მქონდა განცდილი, ყველას ერთად აღემატებოდა.

– კანკალებს სხეული... ღმერთო!

ნათლის თითი დამადო ბაგეზე და თითქო შეხორცდა ბგერების გამოქვაბული. მაგრძნობინა, რო ღმერთი აღარ უნდა მეხსენებინა.

ნელ-ნელა, მიძიმე-მიძიმედ, როგორც მომაკვდავმა, ისე შევხედე. მზის სახე ჰქონდა, ვეება ფრთებიდან ნათლის სვეტები ეშვებოდა. უნებურად ისეთი განცდა გამიჩნდა, იტყოდი, რაც კი ცხოვრებაში სირცხვილის შეგრძნება მქონია, ყველა გაერთიანდა და ამ დიდმა სირცხვილმა ერთად დაბზარა. ასე მეგონა, თიხის სხეული მქონდა და როგორც უხეირო მეთუნის ნახელავი ისე სკდებოდა და იშლებოდა ჩემი თიხის ტანი.

– შენი მფარველი ანგელოზი, შენი მფარველი, – ჩამჩურჩულა ვილაცამ.

ეს ხმა მეცნო. მეცნო... კი ის იყო, მი-

ტოვებულ თეატრში, დამპალ სცენაზე რო ვიდექი, იქ მესმოდა ეს ხმა, დამტვერილი ფარდის უკან იდგა ვიღაც უჩინარი და იქიდან მესაუბრებოდა. „ჭეშმარიტებებზე“ რო ვიკამათეთ, ჩემს ხმას ჰგავდა. ჩემი ორეულიც თან მოჰყვა მფარველ ანგელოზს.

მოვიდა ჟამი. ხომ მიგრძნობდა გული, დამთავრდა როლი. მიტოვებული თეატრი, ძველი სცენა წინ უძლოდა ამ ამბავს. შემთხვევით არაფერი ხდება. ძველი სამოსივით გამხდის სხეულს ეს სპეტაკი არსება, რომლის არსებობაშიც სულ მეპარებოდა ეჭვი და... თურმე არსებულა. თითქო უკვე ვხედავ. სულს უჭირს სამოსის გახდა, უჭირს გაშიშვლება, ქვრივი ქალივით ეთაკილება, შიშველი ჯერ არავის დაუნახავს, პატრონის გარდა, ახლა კი სულ შიშველი დარჩება და ყველა დაინახავს ისეთს, როგორიც არის. მარტო სიმორცხვე არ ახლავს... ტკივილი, ტკივილი გაუსაძლისი. თითქო სხეულის ყველა კაპილარს ერთად წყვეტენ... სად წავალ მერე... ეს მარტო ამან იცის. ამ ნათებას გვერდით რო მიზის. მფარველი ანგელოზი, სიკვდილი... არ მჯეროდა რალაცების და სულ იმის ფიქრში ვიყავი რო ერთ მშვენიერ დღეს დავმთავრდებოდი, სამუდამოდ. რა სული, რის სული... ყოფილა... აი, ახლა რა ვქნა, რამდენი რამ მომეკითხება და სულ ტანჯვა მერე... არაუშავს, არაუშავს, დამთავრებას ტანჯვა ჯობია, ტანჯვაც სიცოცხლეა. სიცოცხლე იმიტომაც ფასობს, რო ტანჯვაც უნდა ახლდეს. დამთავრება სიკვდილია. ყოფილა...

– ჯერ არ დამდგარა ჟამი... ჯერ აქ იქნები. როცა წასაყვანად მოვალ, სხვანაირს მნახავ. ბგერები შემოდის ჩემში.

„აბა, ახლა“... – გავიფიქრე.

– ახლა იმისთვის მოვედი, რომ... ვერ ამოიკითხავდი ჩემს ფიქრებს თუ რა.

– ძველ თეატრში რომ იდექი სცენაზე და საუბრობდი როლზე, მე მგონი, სწორად მახსოვს. მარტოდმარტო იდექი.

„კი“, – გავიფიქრე.

მეთანხმები, – ვიცი. იქ საუბრობდი

როლზე. რალაც ჭეშმარიტებებზე. არ უნდა მესაუბრა. უმნეოდ ვფიქრობ.

– არა, მაგას არ ვგულისმობ, კარგია ადამიანი როცა ძიებაშია, ძიებამ შეიძლება ის დანებებული თვალის აუხილოს. თვალი ხომ დაგნებებია ძილით. დილით რომ ვერ ახელ. ისე გაქვთ ადამიანებს გონების თვალი დანებებული და ვერ გრძნობთ იმ თვალის არსებობას. ძიებამ შეიძლება ის დანებებული თვალის ახელამდე მიიყვანოს ადამიანი და ჩვენც ეს გვინდა...

ვიფიქრე, ვიფიქრე და რამდენი ადამიანი არ ჩაუბარებია ჩემთვის უფალს, რამდენი არსებისთვის მიდევნია მთელი ცხოვრება და ასეთი რამ არასოდეს გამიფიქრებია. რალაცნაირად მომინდა, რომ ხილულად დაგნახებოდი, იმიტომ კი არა, რომ ჩემი არსებობა დამემტკიცებინა შენთვის, ახლოს მენახე ისეთი, როგორიც ხარ. ბოლოს და ბოლოს ჩვენც ხომ თქვენთვის ვარსებობთ. შენ იქ, სცენაზე თქვი, რომ ეს ჭეშმარიტებები რომ არ იყოს, იმ ზეციურ ჭეშმარიტებასაც აზრი დაეკარგებოდაო. მინდა, რომ დაგეთანხმო. რალაც ან ვიღაც, რალაცისთვის ან ვიღაცისთვის არსებობს. მე შენზე მეტი გონება მაქვს, იმიტომ რომ შენ ადამიანი ხარ, მაგრამ ვერც შენი და ვერც ჩემი გონება ამ ყველაფერს ვერ ახსნის. რატომ შეიქმნა ასე, რა მიზეზით. ეს მარტო შემოქმედმა იცის, კანონზომიერებები მან დაადგინა და რალაც ადამიანური ან თუნდაც ანგელოზური ლოგიკა ამას ვერ ახსნის და არც უნდა ვენვალოთ ამისთვის.

მე სხვა სამყაროდან ვარ, დრო ჩემთვის არ არსებობს, მე უფლის შექმნილ ადამიანებს ვმფარველობ. აღარ მოვყვები, რას ნიშნავს ეს მფარველობა და რა ტანჯვის მომტანია. ჩვენ, თქვენსავით ტანჯვისთვის გავჩნდით, მაგრამ ამ ტანჯვით ვნეტარებდით. ადამიანები ცხოვრებისთვის ეტანჯებიან. უფრო სწორად ადამიანებს ცხოვრება გტანჯავთ, ჩვენ კი თქვენ გტანჯავთ და არის ასე დაუსრულებლად. თქვენც ნეტარებთ ტანჯვის დროს, იმიტომ რომ ზეცა გელოდებათ.

ჩვენც ვნეტარებთ, იმიტომ რომ უფალს ვემსახურებით და ფრენა შეგვიძლია.

თუ გინდა, მცირე ხნით გავცვალოთ როლები.

ველარაფერს ვიგებ, ტვინში თითქო ქარბუქია. კორიანტელია, ყვირილი მინდა, მაგრამ ვის მივმართო, მშველელი აქვე მიზის. აბა, რა ვქნა. გაფიქრებაც არ მინდა, ყველაფერს ხვდება.

– მე გავხდები მცირე ხნით „შენ“.

ისე დავპატარავდი, ასე მეგონა, როგორც ვაქვრებოდი თოვლის ფიფქივით (თოვლის ფიფქსაც რო შევადარე ჩემი თავი). არ გინდა, რომ მცირე ხნით ადამიანთ მფარველ ანგელოზად გადაიქცე? ფრთები გამოგესხმება. უსხეულო იქნები... ცა გახდება შენი სამყოფელი. იფრენ, იფრენ, შენ არ იცი ფრენა რა არის, ოღონდ მცირე ხნით, სულ მცირე ხნით და ვერც იმას შეგპირდები, რომ უზენაესს ნახავ. გამიწყობიან ამ საქციელზე, მაგრამ ავიტან საყვედურს. ამდენი რამ ამიტანია შენ გამო და ერთ საყვედურსაც ავიტან, თუმცა, არ ვიცი... როგორ სასჯელს დამადებენ. რაც ანგელოზი და ადამიანი არსებობს, პირველად ხდება ასეთი რამ. მინდა, დაგანახო შენი თავი. მაღლიდან დაგანახო. ვინ ხარ, რა ხარ. მერე იწუნუნე ძველ თეატრში, როგორი როლი გერგო. უცნაური რამ იქნება.

მეც აქ ვიქნები, არსად წავალ... მცირე ხანს გავჩერდები. შენი არსება ორად გაიყოფა – ანგელოზად და ადამიანად... შენში მყოფი კეთილი ძალა ფრთოსან ანგელოზად იქცევა და დროებით შენს მფარველობას მას დაუთმობ. აი, მას მინდა დაგანახო დედამინაზე მყოფი „შენ“.

თვალეები დავხუჭე. თითქო შუაზე გაირღვა ჩემი დაჩივებული სხეული. რაღაც სიმსუბუქე ვიგრძენი. თვალი გავახილე, აღარ ჩანს ჩემი მფარველი ანგელოზი. ხელით მინდა შევეხო ჩემს სხეულს, მაგრამ, ფაფუ... სადღა მაქვს ხელი, ვეება ფრთებით ვკიდევარ ცაში. იქვე, ჩემ გვერდით, ღრუბელში, დედიშობილა კოტრილოვს ეს უსირცხვილო მთვარე.

ვარსკვლავებს ბებერი კაცებივით ეხუჭებათ თვალეები.

ჰე, ჰე, ჰეე, სულ ცაა, აქეთაც, იქითაც, დაბლაც და მაღლაც. დავიქნიე ფრთები და თვალის დახამხამებაში გავიჭერი წინ. მივექრივარ, მივაპობ სივრცეს, რამხელა ფრთები მაქვს, მაგრამ ისეთი თეთრი და კამკაშა არ არის, როგორც ჩემს მფარველ ანგელოზს ჰქონდა, ეს ხომ ადამიანგელოზის ფრთებია.

ადამიანგელოზი რაღაა – რას არ მოიგონებს ეს უბედურ დღეზე გაჩენილი კაცი.

– დედამინაა! – დავიყვირე, ვეშვები მეტეორივით, თავიდან ხო ერთი ბენო ჩანდა, თანდათან ვუახლოვდები და დიდდება ცოდვის ბურთი. ოკეანეები, ხმელეთი, ტრიალებს ცოდვის ბურთი, მივექრივარ. გადავუქროლე თვალუნვდენელ წყლის სივრცეს. მთები... რა ლამაზია ეს ოხერი. მე მგონი, ცაზე ლამაზია. ჩემმა (მფარველმა ანგელოზმა არ გამიგოს) აგერ! რამხელა დავიყვირე – გუგუნის დაიწყეს მთებმა. თითქო ქარიშხალმა გადაუარა, ალბათ, რამდენიმე ალაგზე ერთი-ორი ხე ფესვებიანად მოგლიჯა ჩემმა ხმამ.

აგერ ჩემი თავი. ადამიანგელოზის მეორე ნაწილი. სად ჯანდაბაში მიდის ნეტა. ეე, ვუყვირი, არ ესმის ჩემი, ვერც მხედავს. ეეეე, დაინგრა ჩემს ხმაზე ყველაფერი. ამას მაინც არაფერი ესმის. მთვრალი მიტოპაობს სოფლის ორლობის გუბებში. ნეტაი შენც... ანგელოზი კი არა...



– დავილაღე რაა! დავილაღე!

მაინც არ ესმის. ნელზემთ გახდილი აივანზე გადაყუდებულა, სიგარეტს მიხრჩოლებს და ფიქრობს ერთ კახპაზე, გუშინ რო ეძალავა, მერე კინალამ შემოაკვდა ცემაში.

– მოიხედე რა! კაცი არა ხარ?

არ ესმის და ვერც ამჩნევს.

ახლა გუშინინდელ ჩხუბზე ფიქრობს, მეზობლის ბიჭს რო დანა ჩაარტყეს და

იქიდან ისე „გამოძვრა“, ვითომც არაფერი.

ეს ვინა ყოფილხარ, კაცო!

მამიდაშენს მაინც როგორ მოპარე ბეჭედი... ვილაც მეზობლის ბიჭს უჩივლა. დაატარებენ დაკითხვებზე იმ უბედურ დღეზე გაჩენილს.

ფეხები თითქო მემტვრევა, ცოტაც და მკვდარი ფრინველივით დავენარცხები მინაზე. სიგარეტის ნამწვი გადაისროლა. გაფოთქილ იასამანს დაეცა.

მერე გადააფურთხა და ოთახში შემობრუნდა. ნამიერად შედგა. თითქო თავის ნაწილის არსებობას გრძნობდა, რალაც იგუმანა? იბორიალა ოთახში, იბორიალა, მერე პერანგი გადაიცვა, დედის მიერ გაკეთებულ ხატების კუთხეს ისე ჩაუარა, ზედაც არ შეუხედავს და კიბეზე დაეშვა.



– აღარ მინდა მფარველი ანგელოზობა...

– აღარ მინდა მფარველი...

– აღარ მინდა...

– აღარ...

ვეყვირი, ვგმინავ...

ფეხი ნამარტყა ვილაცამ.

აღარ მინდა მფარველი ანგელოზობ რატო დამლაღე, შენი...

– ვინა ხარ, კაცო? – ფეხი ნამარტყა ისევ ვილაცამ, უფრო ღონივრად, უფრო დაუნდობლად.

– ვინა ხარ-მეთქი? – დამიცაცხანა.

თვალეები გამოვახილე. მბჟუტავი სინათლე მომხვდა. თანდათან გადავიდა ბურუსი. გაკანთიელდა იქაურობა. წელს ზემოთ გახდილი ვეგდე ძველი თეატრის დამპალ სცენაზე. თავზე ვილაც მუშა მადგა. იქნებოდა ასე ორმოცამდე, ბრეზენტის სპეცსამოსი ეცვა. გაშტერებული დამცქეროდა. მივხვდი, რო ვილაც უსახლკარო, მანანწალა ლოთი ვეგონე.

– ადე, ადე!

ისევ მივჩერებოდი. დამთავრდა როლი. ვბუტბუტებდი...

– რა როლი, ადე-მეთქი!

– ხო, თეატრია? – მიკნავლებული ხმით ვკითხე.

– ადე-მეთქი, არ გეყურება?

– ხო, თეატრია?

– თეატრი ადრე იყო, ახლა სავაჭრო ცენტრი აშენდება.

როგორი სასტიკი მუშაა, თვითონაც უმწეოა, მაგრამ თავისზე უმწეოს რო მხედავს, იმიტომაც ნამარტყა ჭვინტი ასე გამეტებით.

დადგება ეხლა და დაშლის ამ დამპალ სცენას, თუმცა მაინც ტყუილა არ ვიდექი?

9 აპნისი, 2016

დიცი

თორნიკე ქელიძე



●
მხოლოდ მტვერია
მარადიული,
ხოლო საგნები,
რომლებსაც ის
სულ ეფინება,
თვლემენ წყვდიადში,
როგორც სიტყვები
წაუკითხავი,
ამოუთქმელი.

შევბრუნდი ჩემში,
ვნახე როგორ ბრწყინავს სიბნელე,
როგორ ანათებს,
მდინარე ვნახე,
ჩემი წარსულის წმინდა მდინარე, რომელიც მუდამ
სათავისაკენ მიედინება.

ვიკვებებოდი დღეთა თევზებით
და მივცურავდი დასაბამისკენ
გულაღმა მწოლი
და მაინც ვერ ვკარგავდი წარსულს,
ანმყოს, მომავალს,
რომ გამეხილა ვარსკვლავები თვალების ნაცვლად,
მესაუბრა ტყეების ქარით.

●
ვიღაც ყარს ჩემში,
ვიღაც ძვირფასი,
არ ვიშორებ ხსოვნის მიწიდან,
სიყვარული კი,
რაც მისთვის მქონდა,
თანდათან მხოლოდ მუხლამდე ბალახს
და ერთ-ორ მინდვრის ყვავილს ჰყოფნით რომ ამოვიდნენ,

რომ დაფარონ მისი სახელი,
ხოლო მეორე
თავის დაღლილ სხეულში მოკვდა,
ჩემში კი ისევ ცოცხალია
და მიმიღერის.



ბოლოს ჩიტებიც მიწისკენ ფრენენ.
მშვენიერია ცა, თუ მარტოა
და ქაფივით არ ახვევია თეთრი ღრუბლები.
ისინი მშლიან მიწის ფურცლიდან,
მიცურავენ, მიდიან, მშლიან,
მიაქვთ ზღვების და ნავსადგურების
უცხო სურნელი,
ჭრელი დროშების ფრიალის ექო
და დროის სევდა,
რომ სულ ვეძებდი ცხოვრებას მკვდრებში
და არა ხალხში.



საქმე შეიცვალა,
ჩანაწერები დაემსგავსნენ ადამიანებს
და მიიღეს სახე, რომელშიც
ირეკლებიან.

ლექები უფრო მეტს მოითხოვენ,
ვიდრე ისინი,
რაც ვერ დავწერე,
როგორც მკვდრები და ჯერაც ცოცხლები.

უნდა შეჩერდე ამათ ხსოვნასთან,
ყველა მომსვლელს დააჯერო მათი სიკეთე,
რაც დანერამდე ჰქონდათ უშენოდ.

გიკვირდეს,
თუკი ჩვენი გულები
გარდაცვლილისკენ ბოლო ფრაზას მოიღერებდნენ,
ადვილი გახდა:
– „ლექსი იყავ და ლექსად იქეც“! –
ითქვას და მიწა მიეყაროს,
არა სამშობლოსი, –
დავინწყების.

რომ მოუვლელ ნაწერში
მუხლებამდე გწვდება სიტყვები,
როგორც ბალახი – სასაფლაოზე.

ნიკოლას მაჩაბელი

სახვები და ნიორები

I

ახალი ოფისი, ახალი იმედები, ახალი თანამშრომლები, ახალი დაბრკოლებები, მაგრამ უცვლელი დაუკმაყოფილებლობა, უცვლელი დაჩაგრულობის შეგრძნება, უცვლელი გამოყენებულობის შეგრძნება, თუმცა ყველაფერი ახალი მაინც საინტერესოა. ეს სიახლის ყინი და ვნება, შეცნობის პირველი ეტაპი გავიწყებს და თვალს გახუჭინებს მორიგ უსამართლობებზე. რაღაც პერიოდი ჩუმად ხარ, მერე ისევ ინტრიგნად შეგრაცხავენ და მერე ისევ უნდა დაიწყო ამბოხი.

ახალ ოფისში დიდი სამუშაო დარბაზი დამხვდა, თეთრი ქერით და კედლებით. ჩვენი სამუშაო მაგიდები ერთმანეთისგან შავი, კარდონისმაგვარი ჯებირითაა გამოყოფილი, ისე, რომ მეზობელს ვერ ხედავ ვერც წინ, ვერც გვერდით, მაგრამ იცი, რომ იქ ვილაც არის, იქ ვილაც მუშაობს ან შენნაირად მუშაობს, ან შეიძლება შენ გითვალთვალეს. აქაც, ისევე როგორც ყველა სხვა ოფისში, ზოგი მუშაობს, ზოგი კი რაღაც მისიას ასრულებს – ან გითვალთვალეს, ან გაფასებს, ან დაგასმენს უფროსთან.

მაგიდა-ბუდრუფანების გარემოში პირველად მიწვედა მუშაობა. დერეფანში შემომავალი ყველა ადამიანი ჩაუვლიდა ამ ორ რიგად დაწყობილ მაგიდებს და ადვილად შეეძლო გადაეხედა, ვინ რას აკეთებდა.

შუშებიან ფანჯრებში წვიმიანი შემოდგომის დღეები იდგა და ნაცრისფერი დღე ოფისის უჩვეული შუქით ნათდებოდა. ოფისში ჩემი სუპერმანქანით, ჩემი Toyota Prius-ით მივიჩქაროდი, რომელიც მორჩილად მელოდებოდა პარკინგზე და ყველაზე ერთგულ არსებად მიმაჩნდა, რადგან მასავით მშვიდ, გამგებ, დამჯერ და უპრეტენზიოდ არც ერთი სულიერი არ მიმაჩნდა. ნელ-ნელა იმ გზას ვადგებოდი, რომ მანქანა მიყვარდებოდა, რადგან, ადამიანურ ურთიერთობებში ხელმოცარულს, ტიპური ანომალიური, თანამედროვე ზმანება დამენწყებოდა ამ ვერცხლისფრად მბზინავ მექანიკაზე.

ახალ ოფისში, ტრადიციულად, ადვილად ავუღე ალლო ყველაფერს, ძალიან სწრაფად ვასრულებდი დაკისრებულ მოვალეობას, მერე, ცოტა გაბრუებული, დერეფანში გავივლიდი და ჩემსავით მობორიალე თანამშრომლებს ვხვდებოდი. მაშინ ვაანალიზებდი, თუ რატომ იღებენ ამერიკელები ამდენ ფილმს ზომბებზე. დიას, რუტინისგან დადებილებულ თანამშრომლებს თუ შეხედავთ დერეფანში, როგორი მკვლელი სახეებით დადიან, როგორი უსიცოცხლო და უშინაარსო თვალებით მიმოდიან, როგორ ერთი მიზანი უტრიალებს ყველას თავში: „თვის ბოლოს ხელფასამდე გამაძლებინა“, ადვილი იქნება ამერიკული ჰორორ ზომბების გახსენება, მითუმეტეს, რომ ეს საოფისე

გარემო და სისტემა ამერიკაში უფრო მასიურია, ნიუსტაილ ოჯახის ფორმაა.

აი, აგერ ჩემი თანამშრომელი გილა¹; სახეზე სისხლივით ჩამოსდის ოფლი, მილიმის და კბილებს ისე აჩენს, თითქოს შესაჭმელად გაალო; აგერ ზარაბი – თავს ისე ნერვიულად იქეჟავს, თითქოს, ტვინი გაეხლიჩა და კისერს ისე ატრიალებს, სადაცააა გადატყდება; შეხედეთ – ნენო თავს ძირს ხრის და გაიგნორებს; ვერ გამჩნევს, მერე ასწევს და „ტყდება“; ეს ყველა კადრი ფილმში კი არ ხდება, ჩემს ახალ ოფისში. ეს აქ ჩვეულებრივი ყოველდღიურობაა.

როგორც ახალი გადმოსულისთვის, ერთგვარი „შესამონმებელი ქათმისთვის“, ინტერნეტი ჩემთვის მიუწვდომელი იყო. თუ სტაჟიანი თანამშრომლები საქმეს მორჩებოდნენ, ახალი საქმის გამომჩნამდე, ინტერნეტში შედიოდნენ და სოციალურ ქსელებისადმი ჩვეულ ავადმყოფურ დამოკიდებულებას ავლენდნენ, მე კი უსაქმოდ უნდა ვყოფილიყავი ან რამენაირად გამეწელა ეს დრო... დრო კი იყო მთელი დღე (გაითვალისწინეთ, რომ ძალიან ახალგაზრდა და სხარტი ვარ და დაკისრებულ მოვალეობას თუ სხვები ხუთ საათს ანდომებენ, მე ნახევარ საათში ვასრულებ). ამიტომაც მოვიფიქრე უჩვეულო რამ, ისეთი რამ, რაც ჩემს ცხოვრებისეულ იდეას, ჩემს პიროვნულ არსს გამოხატავდა, რაც ინტრიგნულიც იყო და გამომწვევიც, რაც ადრენალინს გამომაყოფინებდა, რაც ბენვის ხიდზე გამატარებდა, ბოლოს კი სასიამოვნო ორგაზმით დამამშვიდებდა და გამახალისებდა, გამაცოცხლებდა და განმაახლებდა; ის, რაც რაიმე გზით აქაურობას დამავინწყებდა, ამ ზომბებს და ზომბომანებს დამაშორებდა... და, რა უნდა ყოფილიყო ასეთი რამ?

ნიგნები!

დიახ. ყოველ დღე სახლიდან გამოსვლისას ჩემს დიდ ბიბლიოთეკას ავხედავდი – აბა, ახალი ნიგნები თუ ძველი? ქართული ლიტერატურა თუ უცხოური? საით ნავიდე დღეს? სად ვიმოგზაურო? საფრანგეთში ნავიდე? ფრანგ ავტორებს შევეხო? თუ გერმანიაში? ძია დოსტოვესკისთან ხომ არ ავიდე „მალა“ (და არა დედარუსეთში), ოჰ, არა, დღეს უჩვეულოდ ცივა, ძია დოსტოვესკის თავი არ მექნება; მაშ, ამერიკაში ხომ არ გავცურო? კოლუმბის გზას ხომ არ გავყვე? სელენჯერი? თუ ფოლნკერი? იქნებ სტაინბეკი? მოიცა, დავრუნდი ევროპაში – რომენ გარზე რას იტყვი? თუ პენაკებს შევუდგე? მოიცა, ძია პრუსტი? თუ კამიუ? გერმანულ ტყეს ხომ არ მივხედო? ჰესე თუ თომას მანი? იქნებ ძია ჰაქსლი ან ორუელი?! იყო რამდენიმე დღე ქართული, მშობლიური ლიტერატურა რომ მწყუროდა... ხან ნიკოლო მინიშვილს მივადექი, ხან პაოლოს, ხანაც კლდიაშვილი გავიხსენე და ხანაც აკაკის ზმანებები; საიდან სად დავმოგზაურობდი, ვერ წარმოიდგენთ; ქვეყნები, ეპოქები... იმენა დედას ვუტყ... მოკლედ, ყოველი დილა ბიბლიოთეკასთან იწყებოდა, პატარა ნაბაასებით საკუთარ თავთან, შემდეგ ერთ-ერთ ნიგნს მოვხვევდი ხელს, ილღის ქვეშ ამოვიჩრიდი და, როგორც საყვარელ გოგონას, ისე მივაცუცხუხებდი ოფისში. ჩემს მაგიდა-ბუდრუგანაში შევიყუყუებოდი; იმ დღისთვის სპეციალურად შერჩეული ნიგნი კომპიუტერთან ნაზად და მეგობრულად მელოდა, სანამ მე საქმეებს არ მოვრჩებოდი, ის იქ იყო – გადაუშლელი, ხელუხლებელი. დასრულდებოდა ჩემი კომპიუტერთან კაკუნი და აი, ისიც; აი, ჩემი ნანატრი ლუკმა; აი, ჩემი პოეზია და ლიტერატურა...

¹ „გილა“ – ნაგულისხმევია ქართული სახელი „გელა“, ამ ნოველაში ქართული სახელების კომიკურ ვარიაციებს წარმოვადგენ.

აი, ჩემი სხვა სამყარო! შორს!.. შორს!.. დასავლეთით!.. შემდეგ სამხრეთით, მერე ჩრდილოეთით და ბოლოს აღმოსავლეთი (ამ მარშრუტით ვცდილობ, მაგელანის მოგზაურობა გავიხსენო)?

მაგრამ...

და ეს მაგრამ... ისევ ეს მაგრამ... ოხ, ეს მაგრამ... „მაგრამისტების სპეციალური სახელმწიფო პროგრამა“. მოკლედ, ამ ჩემს წიგნსა და წიგნომანიას მთელი დაბრკოლებები ელოდა...

მაშ ასე, მოვრჩი საქმეებს, შევეშვი კომპს და გადავშალე ჩემი იმ დღის სატრფო – მოდი, ვთქვათ და ფონკინოსი; ფონკინოსის „დელიკატურობას“ ვკითხულობ, ქმარს ეს-ესაა დაარტყა მანქანამ და დებრესიაშია ჩავარდნილი ჩვენი აკურატული გოგონა (ფილმში ოდრე ტოტუ). გადაშლილი წიგნით ვზივარ კომპიუტერის წინ; წარმოიდგინეთ, მთელი ცივილიზაციათა ჯახია, კომპიუტერიდან პირდაფრენილი, გაკვირვებული სიცისფრე შემომცქერის, მე კი, მის წინ ახალი გამოცემის წიგნით ხელში, მივემგზავრები საფრანგეთში. კომპიუტერი დაიჭყლუპუნებს. ხან რა ამოვარდება, ხან რა, მე კი წიგნში ვარ ჩაფლული, ომი მაქვს გამართული ტექნოლოგიასთან, ჩემი პირადი ბრძოლაა დაქლიავებასთან, დაზომებასა და კომპიუტერდამოკიდებულებასთან; მე ახლა ფონკინოსთან ერთად პარიზში დავეხეტები, ჩემ წინ კი ჩემი გაოცებული კომპიუტერი ნერვულ ხმებს გამოსცემს. ეს მხოლოდ დასაწყისი იყო, აი, მთავარი ახლა იწყებოდა.

გადავშალე წიგნი და თანამშრომელმა ჩაიარა. ოო, შემამჩნია; ჰგონია, უსაქმოდ ვარ; ოო, დაეჭვდა; არ ესია მოვინა, თავი დახარა, საეჭვოდ დაჯდა თავის მაგიდა-ბუდრუგანასთან; ოო, ჩემო წიგნო, დაგვერხა, შეგვამჩნიეს; ასე თავისუფლად და ლივლივით ველარ შევძლებთ ურთიერთობას; ხანდახან უნდა დავიმალოთ, ხანდახან უნდა შევიყუჟოთ, რომ ძალიან თვალმისაცემი არ გავხდეთ.

თავისით მოდის გამამართლებელი ფიქრები: „მე ხომ სიგარეტს არ ვენწევი, თქვენ ყველა ეწევი და ყოველ ნახევარ საათში გადიხართ სიგარეტის მოსაწევადად, მე არ ვენწევი; მაშ, არა მაქვს უფლება, რომ მოწევის მაგივრად, ის ვაკეთო, რაც მსიამოვნებს? ჩემთვის წიგნის კითხვაა სიგარეტის ქაჩვა“ (ძალიან ბავშვურია).

მოდის უკეთესი ვერსიები: „რომ არ გამოვდებილდე და არ გამოვშტერდე, ასეთი რამ მოვიფიქრე – წიგნს ვკითხულობ ხოლმე დღეში ერთ-ორ ფურცელს“, მაგრამ ამის თქმა არ გამოვა, იმიტომ რომ დღეში ერთ წიგნს ვამთავრებ და მეორე დღეს უკვე ახალი წიგნი მომაქვს. სხვა რამ უნდა მოვიფიქრო:

„აი, ჩემო თანამშრომლებო, ხომ არსებობს სტერეოტიპი, რომ საჯარო სამსახურებში, რუტინულად, მხოლოდ საქმეს ვაკეთებთ, ჩემი ეს წიგნის კითხვა კი პირიქით დიდი მიღწევაა; საზოგადოებას და სამყაროს ვუმტკიცებთ, რომ საჯარო სამსახურში შესაძლებელია წიგნის კითხვა, მაშასადამე აზროვნება, მაშასადამე ფიქრი“...

„მერედა, ვინ გითხრა, რომ საჯარო სამსახურებში ისეთი კადრები გვჭირდება, ვინც ფიქრობს ან აზროვნებს?“ – იყო ჩემს თავთან გამართული დიალოგის პასუხი; მთავარია, რობოტებივით – „კოპი-პეისტი“, „კოპი-პეისტი“...

მე და ჩემი წიგნები სახიფათო ამბად ვიქეცი, როცა დედაჩემისგან გავიგე, რომ მის უფროსს საკუთარი თანამშრომელი იმისთვის გაუთავისუფლებია, რომ ჟურნალის კითხვისას წაასწრო. აი, სად დაგვერხა... თურმე ასეთი პროცენდენტი ყოფილა, მე კი არ მინდა უსამსახუროდ დარჩენა; საკუთარი ფულის გარეშე ყოფნა წარმოუდგენელია, მითუმეტეს, რომ კარგა ხანია ჩავები ამ კარიერისტულ, ვირტუალურ თამაშში. მე დანინაურება მინდა, სათანადო ხელფასი და დაფასება, მაგრამ წიგნებზე უარს ვერ ვიტყვი, წიგნები ჩემი პირადი

ომია ოფისთან, აქაურობასთან, კომპიუტერთან...

ერთ დღესაც ყურებში მაქვს გარჭობილი ყურსასმენები, ვუსმენ მუსიკას და თან წიგნში ვარ ჩარგული – ამელი ნოტომისტთან ერთად იაპონიიდან მოვფრინავ; რინრის დავშორდით და ბელგიაში გაგვიწვევია – რომ ჩემი სამსახურის უფროსი თავზე წამომადგა. თითქოს ერთი თვალი გავაპარე და ვუყურებ მის რეაქციას, რას იზამს? ახლა ის წამია, როცა ჩემი წინასწარმოფიქრებული ფრაზები უნდა მოვავროვო და მზად ვიყო ყველანაირი დარტყმისათვის; მზად ვარ. უფროსი ჩემკენ მოდის; მე ნაგლად არ ვწყვეტ კითხვას; ის მიახლოვდება (ამელი ბელგიაში ჩადის და დასთან ერთად იწყებს ცხოვრებას), ხელს მადებს და მე ყურსასმენებს ვიხსნი.

უხერხული წამი.

– რას შერები?

– რა ვი, ვკითხულობ.

– რას კითხულობ? ხელს ადებს ჩემს წიგნს, გადაატრიალებს და კითხულობს სათაურს; ხმამალლა წაიკითხავს – „არც ევა, არც ადამი“ და მეუბნება: „რამდენი ხანია, წიგნი აღარ წამიკითხავს“.

ვიცოდი!.. ასეც ვიცოდი!.. ეს ახალი უფროსი საოცარი კაცია! აბა, რომელი სამსახურის უფროსისგან გაიგებდით ასეთ შენიშვნას? მაგრამ თანდათან სერიოზულდება; აბა, ვნახოთ ახლა რას იზამს (ჩემი ექსპერიმენტების პიკში ვარ, მთელი სოციალურ-ფსიქოლოგიური დაკვირვებები მაქვს); ტუჩებს შმუშნის, სახეს ფაკლავს და მორიდებით, გაუბედავად მეკითხება:

– რამდენი გაქვს დანეროლი? უკვე საქმეებს გულისხმობს. ეშმაკურად ჩაკეცილი პროგრამა ერთი კლიკით გავხსენი და ვეუბნები:

– ყველა დავასრულე.

– ჰო, კარგია... და მცილდება.

ჩემი პირველი ბრძოლა წარმატებით დასრულდა. ჩვენ გავიმარჯვეთ; მე და ჩემმა წიგნმა სანადელს მივალწიეთ,

დავჯაბნეთ და მთელ უხერხულობებში ვამყოფეთ ეს ჩვენი უფროსი, რომელიც საკმაოდ კაი ტიპი ყოფილა. ცხოვრებაში პირველად არ გამიმართლა? ასეთი უფროსი რომ გეყოლება! მაგრამ ისიც ვიგრძენი, რომ ჩემ გამო თავს არ გაიფუჭებს და ისიც, რომ რაღაც პონტში უხარია ასეთი ახალგაზრდა, წიგნისმკითხველი თანამშრომელი რომ ჰყავს.

იმ დღეს ისეთი ბედნიერი ვიყავი, წვიმაში რომ გავილუმპე, ისიც მიხაროდა; შეყვარებულმა ახალ „პრიოზკაზე“ რომ მომაჯვავა, მაგასაც არაფრად დაგიდევდით; საცობში რომ ვიდექი, ვილიმოდი! ჩემი სამსახურის უფროსი ყველაზე მაგარი უფროსი იყო.

მომდევნო დღეს გილბერტ ადერის „მოცნებენი“ წავიდე. მთელ ახალგაზრდობას ხომ ევა გრინსა და ბერტოლუჩის იმ სამეულზე გვენძრევიანება, სამნი რომ გარბიან ლუვრში რეკორდის დასამყარებლად. მოკლედ, წიგნადაც საინტერესო აღმოჩნდა ფრანგი და-ძმის ინტესტური ეპიზოდები. განსაკუთრებით ამაზრზენად და კარგად არის აღწერილი მათი ზეობისა და უსაქმურობის შედეგი, როცა საქმელი გამოელევათ, ჭუჭყიანები დადიან, სცივათ და ცხოველებივით სანაგვე ურნაში იქექებიან იქნებ რამე ჭამონ. აი, სწორედ ამ მომენტში ვარ, როცა მათი ამერიკელი მეგობარი აბაზანაში კუჭაშლილი გარბის, რომ კარში პუპუნა შემოდის. პუპუნა... ოოო!

სულ დამავინყდა, თქვენთვის მთელი იერარქიული სისტემა მომეხსენებინა, მოკლედ, ჩემი უფროსი ჩვეულებრივი უფროსთაგანია, მისი და მისნაირების უფროსი უკვე პუპუნაა. აი, პუპუნას და ასეთი დიდი საჯარო სამსახურების უფროსი კი უკვე დიდი თუა გახლავთ, თუას ზევით ვინაა, ნუ, არ გვჭირდება ამ წამს, ვაფშე არაა მნიშვნელოვანი.

ჩემი სამსახურის უფროსი კი კაი ტიპი აღმოჩნდა, მაგრამ ეს პუპუნა კი, გამიგია, არც ისე განათლებამონყურე-

ბული კაცი უნდა იყოს, უფრო აგდებულად და რადიკალიზაციით აკაჩავებს ხოლმე თანამშრომლებს.

ჰოდა, ევა გრინი ტუალეტის კარზე უკაკუნებს ამერიკელს – გამოდიო, მეც მეჯვიაო და ამ დროს პუპუნა შემოდის კარში. ნიგნი ნელ-ნელა ჩავაცურე მკერდის ჰორიზონტიდან და კლავიატურასთან მივმალე, ყურსასმენები მოვისხენი და შევხედე. საბედნიეროდ, გარეშემოს ათვალეირებდა და მეც მხოლოდ თვალი მკიდა, ციბრუტივით დაბზრიალდა და უკანვე გავიდა. აი, ეს იყო ყველაზე დიდი ადრენალინი ჩემი და ჩემი ნიგნების ისტორიაში. ეს ის მომენტი იყო, როცა მზად არ ვიყავი და ბედს მივენდე, რა მოხდებოდა. თქვენ ვერ წარმოიდგენთ, როგორი სიგიჟით მელოდნენ ნიგნის ფურცლები, რა მოხდებოდა, რა ექსტაზით დასრულდებოდა ეს ეპიზოდი.

II

იზაბელ ებერარდის „მოგზაურობა მალრიბში“ მქონდა წამოღებული. დავალებებს თავი დავალწიე და ამ დაბნეულ და დაკარგულ ქალთან ერთად ვმოგზაურობდი მაროკოსა და ალჟირის საზღვრებთან. უაზროდ მეამბოხე ბედუინების შეხლა-შემოხლასა და ევროპელი კოლონისტების ბოლო, სულისმღაფავ დღეებს შევცქეროდი უდაბნოში, რომ ამ დროს სტაჟიორები მოიყვანეს...

სტაჟიორების დანახვაზე ჯერ ხომ ჩემი სტაჟირება გამახსენდა; მთელი კუჭმუცელი ამენვა და მერე თითოეულზე დავინყე ძებნა-ძიება, რამდენად გამძლე იქნებოდნენ სისტემისთვის, რამდენად ამტანები, რამდენად კარგი ოჯახური და სოციალური ბექგრაუნდი ჰქონდათ. რა თქმა უნდა, სტაჟიორებს ადვილად გავუგე და მათაც თავისიანად აღმიქვეს. უფროსმა რომ დაანანილა და გავიდა, უკვე გასაუბრებით, შიდა გადაძახილებით გავერკვიეთ, ვინ ვინ იყო და ვინ რას წარმოადგენდა. ყველა სტაჟიორი პოზიტიური როჟა, ოდნავ დაჩაგრული და

ცხოვრებაზე გულაცრუებული მეჩვენა.

ჩვენი მეგობრობა ამ საერთო ნიშით დაიწყო...

დანიელ პენაკის „რომანივით საკითხავს“ ვკითხულობდი, რომ სტაჟიორმა სუფომ შემომთავაზა, სასადილოში მათთან ერთად წავსულიყავი; ნიგნმა თითქოს ღიმილით შემომხედა – მიდი, კაცო, მე აქ გელოდებიო. კომპიუტერი ისევ ზერელედ, ცისფრად მანათებდა, სადაცაა ბრაზი მოერეოდა, რომ არ ვეკარებოდი.

სტაჟიორებთან ერთად ვსადილობ, რომ ნაღმი თემა წამოიჭრა:

– მგონი, ესენი არ აპირებენ ჩვენ აყვანას.

– მგონი, კი არა, არ აპირებენ. ჩემმა მეგობარმა თქვა, ასე, იცი, რამდენჯერ მიუღიათ? ხუთი-ექვსი თვე აპახავეს და მერე ნახუი.

– შანსი არაა. ახლა ასე უხელფასოდ უნდა გვიხმარონ და მერე გაგვიშვან?

– მონები ვართ იმენა, ხახვი მაინც მოგვცენ (ერთ-ერთი ხუმრობას ცდილობს).

– თუ ასე მოხდა, რამე უნდა გავაკეთოთ.

– დიდ თუასთან რომ მივიდეთ?

– კაი რა, რა უნდა ქნა, კაი რაა...

– ხო, მაგრამ, მაინც შეიძლება სისტემის შიგნიდან შეფუცხუნება, – წამომცდა მე.

როცა დასაქმებული ამოიღებს ხმას და ასეთ რამეს იტყვის, ახალბედა, სამსახურს მონყურებული ადამიანების ყურები მაშინვე მისკენ მიტრიალდება.

– როგორ? – კითხულობს ერთ-ერთი პირობითად; რომელიღაცისგან მოდის ეს კითხვა, შეიძლება არც მოდის და მათი მოცქირალი თვალებიდან, საერთო მზერიდან მომესმა – „როგორ?!“ თავის დროზე მე ხომ მარტო ვიყავი და ეს „როგორ“ ვერ ვიპოვე, ახლა კი ამ ახალგაზრდებს უფრო მეტი შეუძლიათ, ისინი ბევრნი არიან, ისინი ჩემსავით დაჩაგრულები და უსუსურები არ არიან;

აგერ ეს გოგო მომხიბვლელია, აგერ ეს ბიჭი ძლიერი ჩანს, აგერ ეს მაღალია, აგერ ეს მსუქანია, აგერ ეს დაბალი და მოხერხებულია; მოკლედ, ამდენი და ასეთი ჭკვიანი და ფიზიკურად გამოსადეგი სტაჟიორი უფრო მეტს იზამს, ვიდრე თავის ნაჭუჭში გამოკეტილი ერთი ნიკოლასი. მაშ, ჩემი მისია იდეების დარიგებაა, მე, როგორც ინოვაციურულმა გენერატორმა, ჩემი აუსრულებელი იდეები უნდა გავცე, ისინი მითხოვენ.

– სისტემა უნდა დაინგრეს, ბაზარი არ არის! ხედავთ, რა მივიღეთ მაგით, – მეუბნება ერთ-ერთი. – მაგრამ სისტემას რომ უნდა უჯიკო, ეგ მართალია, სხვა გზა უკვე არაა.

– კაი რა, მართლა ტეხავს ახლა ასე თუ გაგვიშვებს, – წუნუნებს გოგო

– თქვენ შეგიძლიათ, მათ რეპუტაციას დაარტყათ, – ვაგრძელებ, არ ვჩერდები; ახლა უნდა გადმოვალაგო მთელი ფანტაზია. არა, ნიკოლას, შეჩერდი, ნუ მოწამლავ ამ ბავშვებს. – ჰო, თქვენ ერთობლივად შეგიძლიათ ისეთი იდეები გააჟღეროთ, რომ სახეები გახდეთ; ყველა დაგიმახსოვრებთ, ყველგან მიგიღებენ.

– ასეთი რა უნდა გავაკეთოთ?

– თქვენ ისეთ იდეებს გააჟღერებთ, რომლებიც სახელმწიფო პოლიტიკაა, რომლებზეც დიდი თუა ხშირად საუბრობს, ისეთ თემებს გააჟღერებთ, რაზეც ტელევიზიები დაირაზმებიან და, პირველ რიგში, თქვენ მოგხედავენ.

– და ეს ყველაფერი როგორ უნდა ვქნათ? – მეკითხება ოდნავ შეშინებული სუფო (მას აშკარად ურჩევნია, უსისხლოდ და ძალადობის გარეშე მიიღონ სამსახურში).

– ამან რალაც იცის და არ გვეუბნება, – ისევ ხუმრობას ცდილობს ნადორი. ვატყობ, რომ ის ფარულ საქმეებს კარგად გააკეთებს.

– მართლა, მართლა, რას გვეუბნები? – სერიოზულად მეკითხება გაორგი. აი, ეს კი თავი უნდა იყოს ამ ამბოხის, ამ ანშლაგის, ასეთი კონკრეტული და

პირდაპირი ტიპები მევასება.

– იმედია, ტერორიზმისკენ არ გვიბიძგებ, – (ეს თან ხუმრობით ნათქვამია, თან მართლა გულისხმობს) ამ ბიჭს, მგონი, რუტი ჰქვია. ამ ბიჭს დავაჯილდოვებ, ისეთებს ჩაიდენს.

– არა, გვითხარი, გვითხარი, რას ამბობ ერთი, – თიონამაც გამოყო ფეხი, კი არა და, კუმ ფეხი გამოყო, ასეთი ამბავი დაემართა ამ გოგოს, თუმცა ის ყველაზე მეტადაა წამსვლელი ამ მისიაზე, რადგან უსამართლობის საშინელი განცდა ყოველ ნაბიჯზე აქვს გამჯდარი.

– რა უნდა ქნათ და... ქვევით, დიდ სივრცეში, დიდ საკონსულტაციო სივრცეში... ხომ იცით, რამდენი ხალხი მოაწყდება ხოლმე ყოველ დღე?

– კი, მერე?

– მოკლედ, სანამ თქვენ სტაჟირებიდან გაგიშვებენ და პანლურს ამოგკრავენ, ეს უნდა გააკეთოთ – ორი დიდი დინამიკი უნდა იშოვოთ და საკონსულტაციო სახლში შემოიტანოთ. დაცვის ბიჭებს შეგიძლიათ უთხრათ, რომ საქმეს სჭირდება და რომ აქ მუშაობთ. დებილები არიან, ადვილად შემოგატანინებენ. ისეთ დროს უნდა ქნათ, როცა დიდი თუა იქნება, დიდი თუა რომ გვეწვევა. ეს ორი დიდი დინამიკი დადგით ცენტრში, შემალლებულ ადგილას ავიდეს ერთ-ერთი თქვენგანი და მიკროფონში თქვას თქვენი მოთხოვნები; თქვით, რომ თქვენ ტერორისტები არ ხართ; გულწრფელად უთხარით ხალხს, საკონსულტაციო სივრცეში მოსულ მოქალაქეებს, უთხარით, როგორ აგიყვანეს სტაჟიორად, როგორ გამოუშავებენ და როგორ გაგიშვებენ ერთ-ორ დღეში. მონვეული უნდა გყავდეთ ტელევიზიები, სახალხო დამცველის აპარატი, არასამთარვობო ორგანიზაციები, პროფკავშირები, ყველა, ყველა უნდა დარაზმობ, ყველას უნდა შეატყობინოთ, რომ ჩვენი სამსახურის მოქალაქეთა საკონსულტაციო მისაღებში იგეგმება დიდი ბრიფინგი, აჯანყებული და ამბოხებული სტაჟიორების ექსპრომიტი

და რომ ერთ-ორ საათში ისინი იქ უნდა გაჩნდნენ.

– და რას ვიტყვით ამ მირკოფონში? კარგი, დავუშვათ, ეს დინამიკები მოვიტანეთ, პუბლიკაც მოვყარეთ, მერე რა უნდა ვთქვათ?

– რა უნდა თქვათ და აი, შენ! – მივმართავ გაორგის, შენ, მგონი, შეძლებ. დავწეროთ ტექსტი, რასაც წაიკითხავ! აი, ახლავ შეგვიძლია ეს დავწეროთ.

– დავწეროთ! – მელრიჭება ნადო. რუტი კალამს ამოაძრობს, თიონა ფურცელს შემოაცურებს. მე ვინყებ ტექსტის კარნახს:

„ნიკოლასის სახელით!

ყურადღება მოქალაქეებო, ყურადღება, ქალბატონებო და ბატონებო!

მოგმართავთ სტაჟიორები! მოგმართავთ, პირველ რიგში, თქვენ დიდო თუა, შემდეგ კი მივმართავთ პრეზიდენტს, მივმართავთ სრულიად სამყაროს, ტელევიზიებს!

ნიკოლასის სახელით!

ჩვენ აგვიყვანეს სტაჟიორებად ექვსთვიანი პროგრამის უფასო სტაჟირებაზე და დაგვპირდნენ, სტაჟირების მერე აგვიყვანდნენ სამსახურში! ექვსი თვე იწურება; თითოეული ჩვენგანი პირნათლად ასრულებდა დავალებას! თითოეული ჩვენგანი მუშაობდა დაულალავად და იმსახურებს სამსახურში აყვანას, შტატის გამოყოფას და შესაბამის ხელფასს! ჩვენ უარს ვამბობთ დასაქმებულებზე უფრო დაბალ ხელფასზე! ჩვენი ექვსთვიანი უფასო სტაჟირება არის საბაზი იმისა, რომ დაგვინიშნონ ანალოგიური ხელფასი! ჩვენ მოვითხოვთ პასუხს, თქვენ წინაშე მოქალაქეებო, თქვენ წინაშე, ტელევიზიებო!

გავრცელდა ხმა, რომ ყველას გაშვებას გვიპირებენ. წარმოგიდგენიათ? ჩვენ აქ ექვსი თვე ვიმუშავეთ ხახვისა და ნიორის გარეშე! ჩვენ აქ ვიყავით და ვუძლებდით უჟმურ და თვითმარქვია უფროსებს, ხახვისა და ნიორის გარეშე!

დაგვეხმარეთ, მოქალაქეებო! დაგვეხ-

მარეთ, ტელევიზიებო! ჩვენ მოვითხოვთ საკანონმდებლო ცვლილებას – ყველა უფასო სტაჟირება უპირობო დასაქმების გარანტიად!

ხახვისა და ნიორის გარეშე ეგვიპტელი მონებიც არ მუშაობდნენ!

ნიკოლასის სახელით!

ხახვითა და ნიორით ნიკოლასის სახელით!“

არზა დაინერა; ბავშვები გაოცებულები შემომცქერიან. მე გავჩერდი; ჩემივე ნათქვამის არ მჯერა, არადა ყველაფერი წყალივით ნავიდა, კარგად აენყო; ამდენი იდეა საიდან, რომელ ფილმში ვნახე? თან საკმაოდ შინაარსიანი იდეაც კი გავაძვრე, საკანონმდებლო ცვლილება!

– ახლა ამ ყველაფერს სჭირდება დეკორაცია! დეკორაცია იმისთვის, რომ თქვენ სამუდამოდ დარჩეთ ისტორიაში, მეტიც, ისეთი რამ უნდა მოვიფიქროთ, რაც განაპირობებს თქვენს აყვანას სამსახურში. დიპლომები! ხახვები და ნიორები!

– რაა? უკვე, როგორც გიჟს, ისე შემომცქერიან სტაჟიორები.

– ჰო, ნიორები და ხახვები უნდა გეკიდოთ კისერზე, ხელში კი თქვენი დიპლომები დაიჭირეთ, თქვენი უსარგებლო საუნივერსიტეტო დიპლომები. ოდესმე ხომ უნდა გამოგადგეთ რამეში!

– ჰმ, სტაჟიორები იღიმიან, მაგრამ მათ ღიმილს მხარს არ ვუბამ, ამიტომაც ყველაფერი ნათქვამი და დაგეგმილი მათში ვნებიანი ლეიკოციტით ჯდება. ჩემი სიტყვები ის ნებოა, რომელიც ტვინს აცხიმიანებს, ნერვულ დაბოლოებებს ალაგზნებს; მე აღმგზნები ვარ.

ის დღე ისე გავიდა, სტაჟიორები აღარ შემხმინებინ, ჩემი ნალაპარაკევი ზედმეტად დამცინავად აღიქვეს, ალბათ, გიჟად შემრაცხეს. ასეც ვიცოდი. ისევ მარტო დარჩი, ნიკოლას! ისევ შევიყუყუე ჩემს მაგიდა-ბუდრუგანაში და ბებერი ფრანგი ბაბუის, პენაკის წიგნი გემრიელად მივასრულე...

წიგნები წიგნებს მისდევდნენ. მიმიხ-

ვდით, ალბათ, „ლუჟინის დაცვას“, „თერთრი ძალი“ მოჰყვა, „ლანსაროტეს“ – „მარადი ქმარი“ და ასე მოვადექი ამ დღეს, დღევანდელ დღეს ნაცრისფერს, ოქტომბრის წვიმით მოთენთილს, მდინარის პირას ამერიკული ოცნებასავით, ნიუ-იორკითა და და-ძმით.

სელინჯერის „ფრენი და ზუიში“ ვარ; უკვე ვასრულებ; დღის ბოლო მოდის. ფრენიმ და ზუიმ მაგრა დააყარეს ერთმანეთს. ზუი ღმერთზე ელაპარაკება ფრენის და შეახსენებს, რომ ღმერთი იქ არის, სადაც დედის გემრიელად მომზადებული სადილია. ამ დროს ჟრუანტელმა დამიარა; საკუთარი თავი რომ არ გამხსენებოდა, ასე არ იქნებოდა. მოკლედ, ფრენისთან ერთად მეც ვკანკალებ და ზუის ვეთანხმები, ვეთანხმები, რომ ღმერთი აქაა, დედის მომზადებულ კერძში. აი, იქ, აი, იმ წვნიანში ტივტივებს და უნდა გავყვე ზუის, რომ, რას ვხედავ! ჩემს კომპიუტერ-ბუდრუგანასთან პუპუნა აყუდებულა და ილრიჭება.

გამოვერკვიე.

პუპუნას უკან დიდი თუა დგას! სელინჯერი ხელიდან გამივარდა; გამეშებული წამოვდექი; პუპუნას ბრაზით ეცვლება სახე და მომახლის: „რას აკეთებ?“ ხმას ვერ ვიღებ, ის კი ტრიალდება და დიდ თუას ეუბნება: „ამას მერე მივხედავ!“ ის პატარა ნუნკი ქალი კი უხმოდ დგას და სახე არ ეცვლება – არც ილიმის, არც ბრაზობს, არც სევდიანობს, არც უხარია. დამანახეთ, დიდო თუა, ქალღმერთო თუა, მაჩვენეთ თქვენი რეაქცია, მითხარით რამე...

გადიან და, სრულიად უსიცოცხლო, ადგილზე ვეცემი. ჩემი საქმე წასულია, წიგნების გამო სამსახურს დაგვარგავ! ზუი იქიდან მილიმის – ფურცლებიდან – თანამშრომლები კი უკვე მოსასამძიმრებლად შემოქუჩებულან ჩემ გარშემო, ხმას ვერავინ ვერ იღებს, ისევ მე ვამბობ:

– ახლა გამაგდებენ.

მართლაც, რამდენიმე წუთში უფროსის კაბინეტისკენ მიხმობენ. არ მახსოვს, რო-

გორ დავტაცე ხელი სელინჯერს, ხელში მიჭირავს და ვფიქრობ, რომ პუპუნას ავუხსნა – თუ რა მაგარი წიგნია „ფრენი და ზუი“. მოვიფიქრე ისიც, რომ ციტატები წავუკითხო და ვუთხრა, რომ ღმერთი ცოცხლდება, ქრისტეს აფდეთია, იესო ბრუნდება აქ, ოფისში, ბრუნდება ამ წიგნის საშუალებით, სახარებაა! იქნებ რელიგიაზე აპელირებამ გაჭრას, უფროსებს ხო ასეთი უცნაური თვისება აქვთ – ღმერთის ბრმად სწამთ, საკრალურად, ისე, როგორც პირველყოფილებში! შეიძლება იმისიც სწამთ, რომ ღმერთის ხელი ურევი ახალ ბიუჯეტში.

არ მახსოვს, როგორ შევედი პუპუნას კაბინეტში, სადაც პუპუნა და თავად ის, ის, ჰო დიდი თუა დამიხვდნენ. დიდი თუა ზის, პუპუნა კი დგას, დიდი თუა იწყებს:

– თქვენი CV ვნახე. გიმუშავიათ მასწავლებლად, ჩვენთან სტაჟიორიც ყოფილხართ, აგერ უკვე შვიდი წელია, პირნათლად ემსახურებით სახელმწიფოს, თქვენით ძალიან კმაყოფილი ვარ, ამიტომ წიგნის კითხვის გამო კი არ გათავისუფლებთ, არამედ განიანაურებთ! თქვენ იქნებით სტაჟიორების მთავარი ზედმახედველი, მთელი სტაჟიორების უფროსი!

მე ვდგავარ... არა, ამას დგომა არ ჰქვია. მიწიდან ოდნავ მაღლა ავიწიე, სელინჯერი ისევ ხელში მიჭირავს, ჩემი დროც დადგა – მანინაურებენ, უფროსი გავხდები! შვიდწლიანი მუშაობა დამიფასდა, თვით დიდმა თუამ შემამჩნია! ახლა ყველაფერი შეიცვლება! კარგი ხელფასი, კარგი მანქანა; სახლსაც ვიყიდი! ჩემს ცხოვრებას ავიწყობ! მე უფროსი ვხდები!

– გილოცავთ, ბატონო ნიკოლას, – დიდი თუა წამოდგა და ხელს მიწვდის. სელინჯერი მარჯვენა ხელიდან მარცხენაში გადამაქვს და მარჯვენას დიდ თუას გავუწოდებ. ის ისაა, უნდა გავუშვა ხელი, რომ:

ბბრრრუუუუ!

გარედან ისმის გამჭოლი ხმა. საკონსულტაციო სივრციდან ხმაური ამოდის,

მიკროფონი ქყრიალებს, ვილაც ხმას ამონმებს. სამივე: მე, პუპუნა და დიდი თუა უფროსის ოთახიდან გავდივართ და მესამე სართულის ჯებირიდან ვიყურებით, ქვევით კი ის ხდება! ქვევით კი უკვე დინამიკები მოუტანიათ, საკონსულტაციო სივრცეში, მოქალაქეთა მისაღებ უზარმაზარ დარბაზში სახვეები და ნიორები ყრია, სტაჟიორებს დიპლომები აუწვდენიათ მაღლა. ჩემი გეგმა! ეს ხომ ჩემი ამბოხი იყო! ჩემ გარეშე გადაწყვიტეს ასრულება? ხომ ვუთარი, დიდი თუა რომ მოვა მაშინ-მეთქი და აი, ისინი ამას ახლა აკეთებენ. ტელევიზიები შემოცვივდნენ კარში; კამერები აჩახჩახდა, მოქალაქეები სტაჟიორების გარშემო იკრიბებიან; გაორგი ავანსცენაზე ადის და ჩემს ტექსტს კითხულობს!

„ნიკოლასის სახელით! ყურადღება მოქალაქეებო, ყურადღება, ქალბატონებო და ბატონებო! მოგმართავთ სტაჟიორები!“ მე გაცხებული ვტრიალდები პუპუნასკენ, ის გაბრაზებული შემომცქერის:

– ეს რა ხდება!?

– სტაჟიორებს არ მოსწონთ თავიანთი პირობები, – ბრძნულად ასკვნის დიდი თუა.

ქვევით გაორგი განაგრძობს არზის კითხვას:

„ექვსი თვე იწურება; თითოეული ჩვენგანი პირნათლად ასრულებდა დავალებას! თითოეული ჩვენგანი დაუღალავად მუშაობდა და იმსახურებს სამსახურში აყვანას“.

დიდი თუა ჩემკენ ტრიალდება:

– მაშ ასე, ბატონო ნიკოლას, თქვენი პირველი დავალება ც უფროსის რანგში! მოაგვარეთ ეს ამბოხი! – და მშორდება. პუპუნა უკან გაეკიდება დიდ თუას, მე ვტრიალდები ჯებირისკენ და ვუყურებ სცენას.

„სახვისა და ნიორის გარეშე ეგვიპტელი მონებიც არ მუშაობდნენ!“ ერთხმად ყვირიან სტაჟიორები და დიპლომებს ხელში აფრიალებენ; მოქალაქეები ტაშს უკრავენ, კამერები სხვადასხვა რაკურსით იღებენ ყველაფერს, გაჯგიმული უფლებადამცველები სერიით ხარობენ, გულანთებული სტაჟიორები ყვირიან:

„ნიკოლასის სახელით! ნიკოლასის სახელით!

სახვითა და ნიორით ნიკოლასის სახელით!“

კისერზე ჩამოკიდებულ ნიორისა და სახვის აცმებს მოიხსნიან და ჰაერში ისვრიან, დიპლომებსაც ჰაერში ააფრიალებენ; დომხალია... „ვილაცამ უნდა დაალაგოს ეს არეულობა!“ – ვეუბნები ჩემს თავს, თან მსიამოვნებს, რა ლამაზი ამბოხი მოვანყვე! ხელში ისევ სელენჯერი მიჭირავს. ჩემო წიგნებო, სადამდე მიმიყვანეთ; ეს ყველაფერი საიდან დაგროვდა, საიდან გაიბედა? მოქმედების დროა!

ახლა?

ახლა რა უნდა ვქნა? ხომ არ აჯობებს, შევეუერთდე და ჩემივე გეგმას ჩავუდგე სათავეში? როგორ, მე ხომ ახლა მათი უფროსი ვარ, სიტუაცია უნდა დავანყნარო, ყველაფერი უნდა მოვაგვარო! კი, მაგრამ მათ ვუღალატო? თუ თავს ვუღალატო, ამდენწლიანი მუშაობით უფროსობა მოვიპოვე, ახლა რა ჯანდაბა უნდა ვქნა? ვინ ვარ? როგორი ვარ? მეამბოხე თუ სისტემის შვილი?

„ილ კონფორმიზმო“ თუ „მეოცნებენი“ ?

ოი, ბერტოლუჩი!

ოი, შე იტალიელო გარენარო!

ოი, გვახარია!

ოი, გვახარია!

ბადრი სულაძე



შეუცნობელი გზის ქვაკუთხედი, ვგრძნობ
მოურჩენელ დარდშიც გასამდეს,
რადგანაც ლამის მისაკუთრებით აღარ ვეკუთვნი არც
იასამნებს...
შემორკალულა ზეცის თაღედი მდუმარე კიბის ცივ
სახელურზე
და ამ სიცივით შეშლილ თვალებში ცრემლად ვაგუბებ
დიდ საყვედურებს...
როგორ გავუხდე წარსულს მაქებრად თუ ყოველ ჯერზე
მომბაძავს მოთქმით...
მინდა, რომ ვიგრძნო, დახშულ სარქველსაც თუ რა
სიმძაფრით მოაწვა ორთქლი...
თუმცა გამრიყეს ტყის ფერდობებმაც და ჩამომკიდეს
მთვარის კაუჭზე,
ლამურისფერი ცის შემოტევას გავუძელი და კვლავაც
გავუძლებ...

სინათლე

გადაუღებლად როდესაც წვიმდა, ნეტავ რაზე
ვლაპარაკობდით,
როცა ატმისფრად გაკვირტულ დილას, ჩამოვატეხეთ
პატარა ტოტი...
მერე რომ ცრემლშიც ვაფესვიანეთ და შევურჩიეთ
დარდის ქოთანიც...
ჩვენ ერთმანეთში ვნახეთ სინათლე, სავსე დილის და
ლამის ლოცვანით...

ზეცას, ამღვრეულს ნიაღვარივით, ველარ აკავებს
მინის ჯებირი...
ნლები კი, გულში ტყვიაგავლილი, სულში ყვავიან
გვირილებივით...



მე ვგავარ ღეროს,
ბაბუანვერას
უსახურ და წერწეტა ღეროს...
ჩემს გარშემო კი
ბობოქარი ოკეანის ტალღები ძრწიან
და ირევიან ფიქრები, როგორც
თეთრი, უმწეო ბუსუსები ქარიშხლის შემდეგ, –
რაც ნიშნავს ქაოსს...
როცა მძაფრდება მონატრება
ვრცელი სამყაროს, ვრცელი მინდვრის
ყვითელი ყვავილის,
რომელშიც ისევ პირველყოფილი
სული კიაფობს...
და ვეჭიდები ამ უსასრულო ოკეანის
ოქროსფერ ტალღას,
ისევ და ისევ ჩემი სულის გადასარჩენად...



როგორ მომწონდა მინდვრის სიმწვანე, –
ფერი ბაყაყის... პეპლის... კალიის...
ახლა კი შიშის დიდი სიციხადე
ჩემს მარტოობას ეკვრის რკალივით...

გამოვერიდე გზას ჭაობიანს,
თუმცა მდინარის პირზეც ისლია...
სიცარიელემ ცა ჩამობინდა
და გზას ვადგავარ ისევ ნისლიანს...

ნისლი სულაც რომ მცმოდა ორწყებად,
კვლავ მოლოდინი მქონდა იების...
ახლა კი ლანდად ცოდვა მომყვება, –
ვერშეუმდგარი მონანიების...



თუმცა წვიმასაც ავუნყვე ფეხი,
სულ არ უცდია, ჩემთვის აეხსნა, –
რატომ ნაღვლობდა წარსულზე ვერხვი,
მუხას რომ ჭვრეტდა ტყეში ნამეხარს...
ვერ გავარკვიე ბედის რაობა,
თუმცა კი ვსდიე ნისლშიც ქოშინით...

ვერც მწუხრის მთვარემ ვერ მიმატოვა,
წარამარა რომ მიცვლის ქოშივით...

ადრე ფიქრითაც ვგავდი ნიშა ხარს,
რქებით რომ ვჩხვერე მიწის ბელტები...
ახლა კი ვდგავარ დარდის ჭიშკართან
და უსაშველო წვიმით ვსველდები...

შემოღობა

ჩამოიფერთხა გაყვითლებული ბოლო ფოთოლი
ბებერმა ვაშლმა...
მთელი გული რომ ერთ ამოსუნთქვას ამოაყოლა...
და გამახსენა ბებიაჩემი, –
კაბაზე მიკრულ ლობიოს ფოთლებს ეჭვნარევად
რომ იშორებდა –
ღმერთი მომავალ ლობიობას თუ მომასწრებსო...

ბეთანიაზე

დამიმარტოვა მონატრების სევდამ კედელზე
და ლამის ფიქრიც ფრესკად მექცა ბეთანიაში...
ჩემი სხეული, როგორც ნავი სველმა მეთევზემ,
კვლავ შევაცურე შემოდგომის ფერთა რიალში...

მოვცილდი ნაპირს, რადგან ბედმა უნდა მატაროს,
როგორც ფოთოლი, მონყვეტილი ვერხვის ტოტიდან...
ლამის ჭიდილში განწირული სუნთქვაც ამტანობს,
როცა ხის ძირში თვითონ ღმერთიც ვერ მიპოვიდა...

სველი ლაბადით დამძიმებულ სხეულს მივათრევე,
შუბლით შევიგრძნობ მიწას, როგორც მეტანიაზე...
გამოიმეტებს ვერცხლის მთვარე ჩვეულ სინათლეს
და გზას გამიკვლევს... გზას გამიკვლევს... ბეთანიაში...

ნუ შემაჩვენებ...

როდესაც მთვარის მცირედი ვერცხლიც წააგავს ლამფის
შუშის ნამსხვრევებს,
შენ ელოდები სხივების მეჯლისს, ფშანებს რომ ცისკრის
შუქში გახვევენ...
შენ გინდა, ვნება მოგაწვეს კვირტის, ატმის ხესაც რომ
მარჯნით დაფიფქავს,

მაგრამ არ გინდა, რომ ჩასწვდე ტკივილს... ბალახის
ტკივილს და მის საფიქრალს...
ტბასშეჩვეული უკვე იხვებიც ფრთას სულ თავიდან გუბებს
აჩვევენ...
და ჩემს ტკივილსაც თუ ვერ მიხვდები... თუ ვერ
მიხვდები... ნუ შემაჩვენებ...
მე მქვია სიტყვა, რომელსაც ეძებ... ჩიტმა რომ ფრთების
ფორმით გაშალა,
მაგრამ მპოულობ ეკლიან ძეძვზეც, ანდა ხავსიან ყორის
ნაშალთან...



ახლა შენ იარე ფეხაკრეფით,
შენი პატარა ანგელოზის სანოლთან ახლოს,
მთვარეულის მოზომილი ნაბიჯებით...
ისე, როგორც მე დავდიოდი...
ახლა შენ უცვალე საფენები დილა-სალამოს,
ნახევრად გამოოქმინებელმა და ფერდაკარგულმა...
ახლა შენ უზომე ლუკმების დოზა
ბელურასავით, უხერხულად რომ არ გადასცდეს...
მერე კი, ტიკჭორასავით გატიკნილი შემოსვი
მაგ დაღლილ მხრებზე და ათასმეერთედ გაუმეორე, –
„აჩუ, აჩუ, ცხენო, საით გაგაჭენო...“
ახლა შენ ჩამოჯექი ნიკელისთავებიან,
ზამბარიან სანოლზე და იხტუნავე მასთან ერთად,
ნანააა... ნანააა-ს ძახილით,
სანამ შენ თვითონ არ ჩაგეძინება
და მისი უეცარი შეკვივლება
არ გამოგაფხიზლებს...
ახლა შენ... ისე, როგორც მე, თავის დროზე...
მანამდე, სანამ...
შენი პატარა არ დაინწყებს ფეხაკრეფით სიარულს,
თავისი პატარა ანგელოზის სანოლთან ახლოს,
მთვარეულის მოზომილი ნაბიჯებით...
ისე, როგორც შენ დადიოდი...
და მერე იგრძნობ, ეს ნიშნისმოგებით საუბარი
თუ როგორ უდრის დამლელ სიცოცხლეს...
დამლელს, მაგრამ დიდი ბედნიერებით სავსეს...

ფერისცვალებით...

ნეტავი ახლაც, ძველ ფიცრულ სახლთან
იდგეს ბოჩოლა,
ნაბლისფერ შუბლზე მთვარესავით დიდი ნიკორით...
და მოფუსფუსე ბებიაჩემი

თუჯის კარდალით
შრატს უდგამდეს დაცვარულ დრუნჩთან,
მარილებსგან დახუთული ხელის ცახცახით...
და ამ საქმით დიდ საფიქრალს შეერეოდეს,
როგორც ახალ რძეს მორჩენილი ძველი ნაწველი, –
ფერისცვალებით...
თანაც ჩურჩულით ადიდებდეს ამ დროს მაცხოვარს...
და მარილიან ხელისგულებში აფაფუკებდეს
ყაჭივით გუნდას,
განატეხების გამოსაცხობად...
მოხარშულ სიმინდს
და ერბოსფერში მოხარშულ გოგრას ეფინებოდეს
თაფლისფერი დილის ნათელი...
და ევსებოდეს, ირმის ცურივით ებერებოდეს
გამომშრალ ვაზსაც მტევნები და
სიმინდებს კი ხმელი მარცვლები, –
ფერისცვალებით...
ნეტავი ახლაც, ძველ ფიცრულ სახლთან
იდგეს ბოჩოლა,
ნაბლისფერ შუბლზე მთვარესავით დიდი ნიკორით...



ვერ დავიჯერე
ნუთისოფლის ამაოება
და ჩასაქრობად
განწირული ლადარივით
სულს გიბერავდი...
არ მიმატოვეს
ჩუმი ლოცვის საღამოებმა
და ისევ გიცდი,
სააღდგომოდ შეკერილი
ლურჯი პერანგით...



ოჯახს თავისი წესები აქვს... ვიცი – ხრამია...
დიდი ხანია, ვერც წვალებით ვითვლი ბიუჯეტს,
მაგრამ მავანთა გასაკვირად, ის მიხარია,
სულში რომ წვეთავს კესანების დიდი სილურჯე...

ვერც ის სიმუნჯე ველარ მირღვევს წონასწორობას,
სახლის ტელეფონს რომ შეჰყრია ხაზზე ბაცილად...
ვერ დავარღვიე იასამნის რტოსთან სწორფრობა
და მზის სამოსიც გაუხდელად ტანზე მაცვია...

როგორც მთის წყარო, ყელზე მომდგარ ყინულის ნადნობს,
დენის და გაზის გადაუხდელ ქვითრებს ვიკედლებ,
მაგრამ საფიქრალს მოურჩენელ სენივით ვანდობ
გულში ქურდივით შემოპარულ ყვითელ იელებს...

...მიცარიელებს და ფიქრებში ნაყავს უჯრედებს,
თვლის, რომ არ დამრჩა არაფერი ხელშესახები, –
მაგრამ ცხოვრებას, ამგვარ ხრიკებს აღარ ვუჯერებ
და ზამთრის პირზეც, გადალლილ მზეს ვეძებ ძახველში...

რომ ამოვენთო და ცეცხლივით მოვედო ზეცას,
თუმცა, ქარებმა ფოთოლივით თავსაც მომწყვიტეს...
მინდა, ძახველის მტევნისფერი პერანგი მეცვას
და იასამნის სწორფრად ყოფნაც აღარ მომწყინდეს...

მზით გახუნებულ ფიჭვის კედლებზეც დრო ამოაძრობს
ჟანგიან ლურსმნებს...
თუმცა, დილაც კი ცრემლნარევ ბგერებს, თვალეზე
მომდგარ სიჩუმედ უსმენს...

თუმცა, ღრუბლების ჭაობშიც ჩავრჩი, ფიქრით კვლავ
დავსდევე მნიფე კუნელებს...
მე ვეფერები ბების აჩრდილს, დარდით შეჭმულს და
მანც უვნებელს...

ხორხე ლუის ბორხესი

უანგარო მკვლელი ბილ ჰარიგანი

არიზონის მინების ხედი – ეს პირველია, რაც წარმოსახვაში გიჩნდება; არიზონის მინების ხედი და ნიუ-მექსიკოსი, ამ მინების ოქროსა და ვერცხლის ღირსშესანიშნავი ნიადაგებით, აჩრდილისებრი და გამაოგნებელი მინების, სასტიკი ზეგანის მინები-



სა და ნაზი ფერების, ფრინველთა მიერ თეთრ ბზინვარებამდე განმედილ ჩონჩხთა მინების. ამ მინებში მეორე, რაც წარმოსახვაში ჩნდება, ბილი მკვლელის სახეა – ცხენს შეზრდილი მხედრის; ბოროტი დამბაჩიანი ჭაბუკის, უდაბნოს გამაყრუებლის – უხილავ ტყვიებს რომ აგზავნის, ისინი კი შორ მანძილზე კლავენ, თითქოსდა ჯადოსნურად.

უდაბნო, ლითონებით გაფერებული, უნაყოფო და მოელვარე. თითქმის

ბიჭუნა, ოცდაერთი წლისა, საიქიოს გასტუმრებული, გადაუხდელი ვალით ადამიანთა სამართლიანობის ანგარიშში ოცდაერთი მოკლულის სულისთვის (მექსიკელებზე რომ არაფერი ვთქვათ).

ჭუპრის სტადია

1859 წელს, სადღაც ნიუ-იორკის მინსქევემა ჯურღმულეებში ქვეყნიერებას მოევილინა ადამიანი, რომელსაც დიდებამ და შიშმა უბოძა მეტსახელი –

მკვლელი ბილი. ამბობენ, სიცოცხლე მას მისცა ირლანდიელი ქალის დაქანცულმა მუცელმა, მაგრამ ზანგებთან გაიზარდა. სიმყრალესა და შავი ძენძის ქაოსში ბილს ამაყ სიხარულს ანიჭებდა ჭორფლები და ნითური ქოჩორი. იმით ყოყოჩობდა, რომ თეთრი დაიბადა. იყო შურისმაძიებელი, ღვარძლიანი და ცბიერი. თორმეტი წლისამ დაიწყო მოქმედება „ჭაობის ანგელოსთა“ ხროვაში – კლოაკებში მოთარეშე ციურ ქმნილებებთან.

ღამლამობით, გავარვარებული ჯანლის სუნით გაჟღენთილნი, ისინი მყრალი ლაბირინთიდან გაჩნდებოდნენ ხოლმე, კვალდაკვალ დაედევნებოდნენ გერმანელ მატროსს, კეფაში ჩარტყმით წააქცევდნენ, ყველაფერს ართმევდნენ ქვედა საცვლებამდე და დროის გასატარებელ სხვა ადგილისკენ მიეშურებოდნენ. მათ მეთაურობდა ჭალარათმიანი ზანგი გეზ ჰაუზენი ფონსი, რომელზეც ამბობდნენ, რომ ცხენის გათვალვა შეეძლო.

ზოგჯერ ჩამდინარე წყლის ღარის გვერდით მდგარი გადაღრეცილი ქოხის სხვენიდან ქალი ფერფლიან ვედროს დაცლის გამვლელის თავზე. ადამიანი ხელებს ასავსავებს და იხრჩობა. მაშინვე თავს ესხმიან ჭაობის ანგელოსები, სარდაფში მიათრევენ და კუდის რიკამდე ძარცვავენ.

ასეთი იყო ბილ ჰარიგანის განსწავლის წლები, მომავალი მკვლელი ბილის. მისი ყურადღების მიღმა არც თეატრალური სანახაობები რჩებოდა. მოსწონდა ცქერა (ალბათ, არანაირი წინათგრძნობით, რომ თავისი ბედის ნიშან-სიმბოლოს ხედავდა) კოვბოური მელოდრამების.

Go West!

გადაჭედილ თეატრებში ბოვერიზე (სადაც მაყურებლები ღრიალებდნენ: „ასწიე ძონძი“, როცა ფარდა ოდნავ აგვიანებდა) მელოდრამები ჭარბობდა – ტყვიებითა და კოვბოებით, ეს კი ძალიან მარტივად აიხსნება: ამერიკას ანდამატივით იზიდავდა დასავლეთი. ჩამავალი მზის მხარეში იმალებოდა ნევადასა და კალიფორნიის ოქრო. ჩამავალი მზის მხარეში იყო სეკვოია, ნაჯახი რომ არ გაჰკარებია, და ბაბილონურად უზარმაზარი ბიზონის ფიზიონომია, მაღალციანი ქუდი და ბრაიამ იანგის² განიერი სარეცელი, წითელკანიანთა ადათ-ჩვეულებები და რისხვა, უდაბნოს უღრუბლო ცა, ვეება პრერიები, მადლიანი ყამირი, რომლის სიახლოვე გულს აიძულებდა, უფრო მძლავრად ეძგერა, ისე, როგორც ზღვების სიახლოვეს. შორეული დასავლეთი იხმობდა. უთვალავ ცხენთა უწყვეტი თქარათქური ავსებს იმ წლებს: თქარათქური ათასობით ამერიკელის, დასავლეთს რომ იპყრობენ. ამ პროცესიას შეემატა ყველა საქმიდან მუდამ მშრალად გამომსვლელი ბილ ჰარიგანიც, 1872 წელს გამოქცეული ციხის საკნიდან.

მექსიკელის მკვლელიობა

ისტორიას (რომელიც ზოგიერთი რეჟისორის მსგავსად, არ იცავს სცენათა თანმიმდევრობას) ახლა გადავყავართ უბრალო ტავერნისკენ, უკიდევანო უდაბნოში რომ ჩაკარგულიყო, ვით ღია ზღვაში. მოქმედების დროა 1873 წლის ავდრიანი ღამე; მოქმედების ადგილი – ლიანო ესტაკადო (ნიუ-მეხიკო). მიწა თითქმის არაბუნებრივად გლუვზედაპირიანი, მაგრამ ცა აჩეხილი ვეებერთელა ღრუბლებში,

1 დასავლეთისკენ (ინგლ.).

2 1801-1877წწ.თავაკაცი მორმონების სექტისა, რომელიც მრავალცოლიანობას უშვებს.

3 მექსიკური ფული, პესო.

ქართ და ნახევარმთვართ რომ ქუცმაც-
დება – თითქოს მთები და უფსკრულები
მოძრაობენ. პრერიასი გამოთეთრებული
ძროხის თავის ქალა, ღმუილი და კოიო-
ტის თვალეები სიბნელეში, ტანადი რაშები,
შუქის ზოლი ტავერნის კარიდან. შიგნით
– ბარის დახლზე იდაყვებდაბჯენილი,
დაქანცული და ძლიერი ჭაბუკები ამაფო-
რიაქებელ სპირტიან სასმელებს შეექცე-
ვიან და ხმამალა აჟღარუნებენ არნივისა
და გველის³ გამოსახულებიან ვერცხლის
დიდ მონეტებს. რომელიღაც მთვრალმა
ნაღვლიანი სიმღერა გააბა. ვილაც გაუ-
თავებელ „ეს“-ებიან ენაზე ლაპარაკობს,
აღბათ, ესპანურზე, მაგრამ ისინი, ვინც
ასე საუბრობენ, საზიზღარი ხალხია. ბილ
ჰარიგანი – ჯურღმულების ნითური ვირ-
თხაც დახლოთანა ამ მსმელებში. მან უკვე
რამდენიმე სირჩა გადაკრა და ერთიც უნ-
და, აღბათ, იმიტომ, რომ ერთი სენტავოც
ალარ აქვს. მას თრგუნავენ ამ ვაკეების
მკვიდრნი. ისინი ეჩვენება მძვინვარებად,
ბრწყინვალეებად, ილბლიანებად, საშინ-
ლად მოხერხებულებად, ველურ ცხენებსა
და ოჩან ულაყებს რომ იმორჩილებენ.

უცებ სრული სიჩუმე დგება. ამაზე
არაფერი იცის მხოლოდ იმ მთვრალმა
მომღერალმა. შემოდის რკინისმკვნეტელ
ჭაბუკებზე მძლავრი მექსიკელი, ხნიე-
რი ინდიელი ქალის სიფათიანი. ცუდი
ინგლისურით იგი მშვიდობიან ღამეს
უსურვებს ყველა გრინგოს, მამაძალ-
ლებს, ტავერნაში მოქეიფებს. გამონ-
ვევაზე არავინ უპასუხებს. ბილი კითხუ-
ლობს, ვინააო. მას ფრთხილად ნასჩურ-
ჩულებენ, ეს დიეგოაო, ანუ ის დიეგო
თუ ბელიასარიო ვილიაგრანი ჩიუაუადაან.
აქვე გასროლამ იქუხა. მძლავრ ზურგთა
პარაპეტს ამოფარებული ბილი ტყვიას
ახლის კადნიერად მოსულს. სირჩა ვარ-
დება ვილიაგრანის ხელიდან, მერე სხე-
ულიც ეცემა. მეორე ტყვია ზედმეცია.
ბილმა პენენიკის ცხედარს მზერა არ
აღირსა, საუბარს განაგრძობს. „ნუთუ?
– ამბობს იგი. – მე კი ბილ ჰარიგანი
ვარ ნიუ-იორკიდან“. მთვრალი მღერის,

ყურადღებას არავის აქცევს.

შეიძლება წარმოვიდგინოთ აპოთეო-
ზი. ბილს ხელს ართმევენ და მისთვის ქე-
ბა-დიდებას არ იშურებენ. ვისკით უმას-
პინძლდებიან, თან გაჰყვირიან – „ვაშა!“
ვილაცამ მოიფიქრა ეთქვა, რომ ბილის
რევოლვერს არა აქვს ნაჭდევი და დროა
პირველის აღნიშვნა ვილიაგრანის მოკ-
ვლის პატივსაცემად. მკვლელი ბილი ამ
ადამიანის დანას იტოვებს სამახსოვროდ
ასეთი შენიშვნით: „მექსიკელებისთვის
მეტისმეტი პატივი ხომ არაა“. მაგრამ
საქმე, როგორც ჩანს, არ მთავრდება.
დაღლილი ბილი მოსასხამს გაშლის მიც-
ვალეებულის გვერდით და ყველას თვალ-
წინ იძინებს მზის ამოსვლამდე.

მკვლელობა მკვლელობისთვის

ამ ბედნიერი გასროლით (თოთხმეტი
წლის ასაკში) დაიბადა მკვლელი ბილი,
გმირი, და მოკვდა გაქცეული ტუსალი
ბილ ჰარიგანი. ნაძირალა, რომელიც
მიყრუებულში ძარცვაგდა, ამაღლდა
კოვბოიმდე, უნესოდ იქცეოდა საზ-
ღვრებზე. ცხენზე დაჯდა და უნაგირზე
სწორი ჯდომა ისნავლა, ისე, როგორც
ვაიომინგში და ტეხასში დადიან, და არა
უკან გადახრით, როგორც ჯირითობენ
ორეგონსა და კალიფორნიაში. მან ვერ
მოახერხა, ცხოვრებაში მასზე შექმნილი
ლეგენდისთვის ხორცი შეესხა, თუმცა
ამასთან ახლოს იყო. ამ კოვბოიში ყო-
ველთვის რალაცა რჩებოდა ნიუ-იორკელი
ქურდისა. მექსიკელები ისევე სძულდა,
როგორც ზანგები, მაგრამ უკანასკნელი
სიტყვები (უნმანური) ესპანურად წარ-
მოთქვა. ხეტიალის ხელოვნება კვალმა-
ძიებლებისგან შეიძინა. მეორე ხელოვნება
აითვისა, უფრო ძნელი – ადამიანებზე
მბრძანებლობა. ერთიც და მეორეც და-
ეხმარა, რომ მარჯვე ცხენიპარია გამ-
ხდარიყო. ზოგჯერ მეხიკოს გიტარები
და ბორდელები იზიდავდა.

ძილზე უარს ამბობს, ოთხი-ხუთი
დღე-ღამე გადაბმულად ატარებს დროს

ყაჩაღთა კომპანიაში. და როცა ორგია ყელში ამოსდის, ანგარიშს ტყვიებით ასწორებს. ვიდრე თითი სასხლეტზე ედო, ყველაზე ავბედითი (და იქნებ, ყველაზე არარაობა და მარტოხელა) კოვბოი იყო იმ არემარეში. ბილის მეგობარმა გარეტმა, შერიფმა, მერე მას ტყვია რომ უთავაზა, ერთხელ თქვა: „მე გულმოდგინედ ვვარჯიშობდი ზუსტ სროლაში, კამეჩებს ვკლავდი“. „მე ვვარჯიშობდი კიდე უფრო გულმოდგინედ, ვკლავდი ადამიანებს“, – თავაზიანად შენიშნა ბილმა. დეტალები ძნელად აღსადგენია, მაგრამ იცის, რომ მის სინდისზე ოცდაერთი მოკლულია, „მექსიკელებზე რომ არაფერი ვთქვათ“. შვიდი ყველაზე ფათერაკიანი წლის მანძილზე იგი სარგებლობდა ისეთი ფუფუნებით, როგორც უგუნურობაა.

1880 წლის 25 ივლისის ღამით მკვლელები ბილი თავის ჩალისფერ ცხენს მიაჭენებდა ფორტა სამერის მთავარ ან, იქნებ, ერთადერთ ქუჩაზე. იდგა დამთრგუნველი ბული, არავინ ანთებდა ფარნებს. ვერანდაზე, სარწვევლა სკამზე მჯდომმა კომისარმა გარეტმა იძრო რევოლვერი და ტყვია მუცელში დაახალა. ცხენი რბოლას განაგრძობდა, მხედარი მოუკირწყლავ ქუჩაზე იკრუნჩხებოდა. გარეტმა კიდე ერთი ტყვია გაგზავნა. ხალხმა (რომ გაიგო, მკვლელები ბილი დაჭრილია) ფანჯრები მაგრად ჩარაზა. აგონია ხანგრძლივი იყო და ცის შემბილწავი. როცა მზე შუბის წვერზე იდგა, მასთან მივიდნენ და იარაღი ააცალეს. ის მკვდარი იყო. და უმაქნის ბარგს ჰგავდა, როგორც ყველა მიცვალებული.

ბილი გაპარსეს, შემოსეს მზა ტანსაცმლით და საფრთხობელად და სალიზლოდ გამოფინეს საუკეთესო მაღაზიის ვიტრინაში. მესამე დღეს კვ-

ლავ გაპარსეს და შეალამაზეს. მეოთხე დღეს კი სიხარულით დაკრძალეს.

დაღლილი კაცის უტოპია

*უნოდებდნენ მას „უტოპიას“,
ბერძნული სიტყვით, რაც ნიშნავს,
რომ ასეთი ადგილი არ
არსებობს.*

კეველო

არ არსებობს ორი ერთნაირი მთა, მაგრამ ვაკე ყველგან ერთნაირია. მივდიოდი ტრამალის გზაზე. საკუთარ თავს სხვათა შორის ვეკითხებოდი, ნეტა, ოკლაჰომაში ვარ, ტეხასში თუ იმ ადგილას, რასაც ლიტერატორები პამპას უწოდებენ. არც მარჯვნივ, არც მარცხნივ ცეცხლი არ ჩანდა. უწინდებურად ვჩურჩულებდი ემილიო ორიბეს სტრიქონებს:

**უკიდევანო პანის მინდვრებში
ბრაზილიასთან ახლოდ, –**

რაც სულ უფრო ხმამაღლა და მკაფიოდ ჟღერდა.

გზას ძლივს ვარჩევდი. წამოწინწკლა. ორასი-სამასი მეტრის მანძილზე უცებ შუქი და ფანჯარა დაეინახე. სახლი დაბალი იყო, მართკუთხა და ხეებს ამოფარებული. კარი ისე მაღალმა კაცმა გააღო, რომ თითქმის შემეშინდა. შავები ეცვა. ვიფიქრე, ვილაცას ელოდებიან-მეთქი. კარი ჩაურაზავი დაეტოვებინათ.

ხის კედლებიან გრძელ ოთახში შევედი. ჭერში ლამპა ეკიდა, იგი მოყვითალო შუქს აფრქვევდა. მაგიდამ,

1 ძველი ფრანგული პროვინციის – ლიმოჟის მცხოვრებთა კილო.

2 კუნძულ კიურასაოს მცხოვრებთა კილო (მცირე ანტილიის კუნძულები).

ცოტა არ იყოს, გამაკვირვა. მასზე იდ-გა წყლის საათი, ახლა პირველად რომ ვხედავდი, თუ ძველებურ გრავიურებს არ მივიღებთ სათვალავში. კაცმა სკამზე მიმითითა.

მე მას სხვადასხვა ენაზე მივმართავდი, მაგრამ ვერაფერი გავაგებინე. როცა მისი ჯერი დადგა, ლათინურად დაიწყო. მეხსიერება დავძაბე, სკოლაში შეძენილ ცოდნას მოვუხმე და საუბრისთვის მოვემზადე.

– შენი ტანსაცმლის მიხედვით ვხვდები, რომ სხვა საუკუნიდან მოხვედი, – მითხრა მან. – ენათა განსხვავებულობა გამონვეულია თემთა განსხვავებულობით, ასევე ომებით. მაგრამ მსოფლიო ლათინურს დაუბრუნდა. ვილაცა შიშობს, რომ იგი ისევ ნახდება და კვლავ გადავლენ ფრანგულზე, ლემოზინსა და პაპიამენტოზე, მაგრამ ეს უბედურება არცთუ მალე დატრიალდება. თუმცა არც ის, რაც იყო, და რაც მომავალში გველოდება, არ მალეღვება.

მე გაეჩუმდი, მან კი დაამატა:

– თუ სხვისი ქამის ცქერა ზიზღს არ გგვრით, იქნებ, დამეწვიოთ.

მივხვდი, დაბნეულობა შემნიშნა და დავეთანხმე.

გადავჭყრით გვერდითაკარიანი დერეფანი და შევედით სამზარეულოში, სადაც ყველაფერი ლითონისა იყო. უკან დავბრუნდით სავახშმო ლანგრებით. ზედ ენყო თასები მოხარშული სიმინდით, ყურძნის მტევანი, უცხო ხილი, გემოთი ლელვს რომ მოჰგავდა, და უზარმაზარი წყლიანი დოქი. პური არ იყო. ჩემს მასპინძელს მკვეთრი სახის ნაკვთები ჰქონდა, თვალთა გამომეტყველება აღუნერლად უცნაური. რა დამავიწყებს ამ კუმბ და ფერმკრთალ სახეს, რომელსაც აღარასდროს ვნახავ. კაცი შესტების გარეშე საუბრობდა. მბოჭავდა ლათინურის ეთიკა, მაგრამ მაინც გადავწყვიტე, მეკითხა:

– არ გაგაოცა ჩემმა მოულოდნელმა გამოჩენამ?

– არა, – მიპასუხა მან. – ასეთი ვიზიტები ხდება ხოლმე საუკუნიდან საუკუნემდე. დიდხანს არ გრძელდება, ჰა, ჰა, ხვალ უკვე შინ იქნები.

მისმა დამაჯერებელმა ხმამ დამამშვიდა. აუცილებლად ჩავთვალე, თავი წარმედგინა:

– ეუდორო ასევედო. დავიბადე 1897-ში, ქალაქ ბუენოს-აირესში. შემისრულდა სამოცდაათი წელი. ვასწავლი ინგლისურ და ამერიკულ ლიტერატურას, ვწერ ფანტასტიკური ჟანრის მოთხრობებს.

– მახსოვს, არცთუ უინტერესოდ ნავიკითხე ორი ფანტასტიკური თხზულება, – მიპასუხა მან, – კაპიტან ლემიუელ გულივერის მოგზაურობანი, რომელსაც ბევრი სინამდვილედ მიიჩნევს, ასევე “Summa Teologica”. მაგრამ ფაქტებზე ნუ ვისაუბრებთ, ფაქტები აღარავის აღელვებს, ეს ამოსავალი წერტილებია შეთხზვისთვის და მსჯელობისთვის. სკოლაში ყველაფერში ეჭვის შეტანასა და დავინყების უნარს გვაჩვენებ. უპირველეს ყოვლისა, პირადულისა და კერძოს დავინყებას. ჩვენ დროში ვარსებობთ, რომელიც ხელში გვადნება, მაგრამ ვცდილობთ, ისე ვიცხოვროთ, Sub Specie aeternitatis¹. წარსულიდან ერთეული სახელები გვრჩება, მაგრამ ისინი ქრებიან ჩვენი მეტყველებიდან. ჩვენ თავს ვარიდებთ არასაჭირო დაზუსტებებს. არც ქრონოლოგიაა, არც ისტორია, სტატისტიკაც არა. შენ მითხარი ეუდორო მქვიაო. მე არ შემიძლია ჩემი სახელი გითხრა, რადგან „ვინმეს“ მეძახიან.

– მამაშენის სახელი რაა?

– მას არ ჰქონია სახელი.

კედელზე თარო შევნიშნე. რალაც ერთი წიგნი გადავშალე. ასოები მკაფიო, უცნობი იყო, ხელით ნაწერი. მათმა კუთხოვანმა ფორმებმა რუნიული დამწერლობა გამახსენა, რომელსაც მხოლოდ საკულტო წარწერებისთვის იყენებდნენ. გავიფიქრე, რომ მომავლის ადამიანები

არა მხოლოდ მაღალნი იყვნენ, არამედ გერგილიანებიც. უნებლიეთ მის თხელ, მოგრძო თითებს დავხედე.

და გავიგონე:

– ახლა იმას დაინახავ, რაც არასდროს გიხილავს.

მან მოწინებით მომანოდა მორის „უტოპიის“ ეგზემპლარი, ბაზელში გამოცემული 1518 წელს. წიგნს მრავალი ფურცელი და გრაფიურა აკლდა.

თავმომწონედ ვთქვი:

– ეს ბექდვითი გამოცემაა. შინ ესენი ორი ათასზე მეტი მაქვს, თუმცა არა ასეთი ძველი და ძვირფასი, – და ხმამაღლა წავიკითხე სათაური.

მან გაიცინა.

– არავის შეუძლია ორი ათასი წიგნის წაკითხვა. ოთხი ასეული წლის მანძილზე, მე რომ ვიცხოვრე, ნახევარ დუჟინზე მეტი ვერ ავითვისე. გარდა ამისა, წაკითხვა ისე მნიშვნელოვანი არაა, როგორც ხელთავიდან გადაკითხვა. ბექდვა, რომელიც ახლა გაუქმებულია, კაცობრიობის უსაშინლესი ბოროტება იყო, რაც არავისთვის საჭირო ტექსტების ჭკუიდან შემლამდე გამრავლების საშუალებას იძლეოდა.

– ჩემს ცნობისმოყვარე წარსულში, – მივუგე მე. – მეფობდა ველური ცრურწმენა: სირცხვილად ითვლებოდა, არ გცოდნოდა ყველაფერი, რაც ყოველდღე ხდებოდა დილიდან საღამომდე. პლანეტა გადატენილი იყო მოჩვენებითი გაერთიანებებით, როგორებიცაა კანადა, ბრაზილია, შვეიცარიული კონგო და საერთო ბაზარი. თითქმის არავინ იცოდა წინარე ისტორიები ამ პლატონური წარმონაქმნების შესახებ. სამაგიეროდ, გათვითცნობიერებულნი იყვნენ მასწავლებელთა უკანასკნელი კონგრესის წვრილმანებში, დიპლომატიური ურთიერთობების გადანყვეტის საკითხებში და საპრეზიდენტო გზავნილებში, რომლებიც შედგენილია მდივანთა მდივნების მიერ იმ ბრძნული ბუნდოვანების ფორმულირებით, რაც ამ ჟანრს

ახასიათებდა. ყველაფერს კითხულობდნენ მყისიერად დასავინწყებლად, რათა ძველი მალევე შეეცვალათ ახალი ხრიკით. პოლიტიკა ყველა საქმიანობიდან უთუოდ იყო ყველაზე თვალში საცემი საზოგადოებრივი მოღვაწეობა. ელჩებსა და მინისტრებს ხეიბრებივით დაატარებდნენ მოტოციკლისტებითა და ცერბერებით გარშემორტყმული გრძელი, აბლავლებული ავტომობილებით, რომლებსაც გახარბებული ფოტოგრაფები უსაფრთებოდნენ. მათ თითქოს ფეხები მოკვეთესო, ამბობდა ხოლმე დედაჩემი. ასახვა და ბექდვითი სიტყვა უფრო რეალური იყო, ვიდრე სინამდვილე. ჭეშმარიტებად მხოლოდ გამოქვეყნებული ითვლებოდა. *Esse est percipi* (არსებობ – უნდა აგსახონ). ასეთი იყო პრინციპები, საშუალებები და მიზნები ჩვენი ცხოვრების თავისებური კონცეფციის. ჩემს წარსულში ადამიანები გულუბრყვილობები იყვნენ, სწამდათ, რომ შესანიშნავი ისაა, რასაც ამტკიცებენ და რაზეც გაუთავებლად გვიჩიჩინებენ მისი მწარმოებლები. უნდა ითქვას, რომ ხშირად ქურდობაც ხდებოდა, თუმცა ყველამ იცოდა, ფულს არც დიდი ბედნიერება მოაქვს, არც ღრმა სიმშვიდე.

– ფული? – გაიმეორა მან. – ახლა უკვე ველარ ნახავთ მსგავს მტანჯველ სიღარიბეში ჩავარდნილთ, ვერც ისეთ სიმდიდრეს, რომელიც უმსგავსობის ყველაზე გამაღიზიანებელ ფორმად აღიქმება. ყველა მსახურობს.

– როგორც რაბინი? – მივუგე მე.

ჩანდა, ვერ მიმიხვდა და განაგრძობდა:

– ქალაქები უკვე აღარაა. ბაიი ბლანკის ნანგრევების მიხედვით თუ ვიმსჯელებთ, რომელიც ცნობისმოყვარეობის გამო გამოვიკვლიე, არც მაინცადაამინც ბევრი დაგვიკარგავს. იმდენად, რამდენადაც არ არის საკუთრება, არც მემკვიდრეობა არსებობს. როდესაც ადამიანი – ასი წლისა – ჩამოყალიბდება, იგი მზადაა, აიტანოს საკუთარი თავიცა და მარტოობაც, რადგან მაშინ

აღზრდის თავის ერთადერთ ვაჟს.

– ერთადერთს? – ჩავეკითხე მე.

– დიახ, მხოლოდ ერთადერთს. არ ღირს ადამიანის ჯილაგის გამრავლება. ვილაცას ჰგონია, რომ ადამიანი სამყაროს შეცნობის ღვთიური იარაღია, მაგრამ დარწმუნებით არავის შეუძლია თქვას, არსებობს კი თვით ეს ღვთაება? მიმაჩნია, რომ ახლა განიხილება მოგება და დანაკარგი, რამაც შეიძლება გამოიწვიოს დედამიწის ბინადართა ნაწილობრივი ან ზოგადი და ერთდროული თვითმკვლელობა. თუმცა თემას დაეუბრუნდეთ.

თავი დაგუქნით.

– ას წელს მიტანებულ ადამიანს შეუძლია შესძულდეს სიყვარულიც და მეგობრობაც. ამიერიდან მას არც ავადმყოფობა ემუქრება, არც სიკვდილის შიში. იგი დაკავებულია ერთ-ერთი ხელოვნებით, ფილოსოფიით, მათემატიკით ან, ბოლოს და ბოლოს, ჭადრაკს ეთამაშება თავის თავს. თუ მოესურვა, თავს მოიკლავს. ადამიანი საკუთარი სიცოცხლისა და საკუთარი სიკვდილის ბატონ-პატრონია.

– ეს ციტატაა? – ვკითხე მე.

– რასაკვირველია. ციტატების გარდა რაღა დაგვრჩენია. ჩვენი ენა ციტატების სისტემაა.

– რას იტყვი ჩემი ეპოქის უდიდეს მოვლენაზე, – ვუთხარი. – სივრცეში გაფრენაზე?

– უკვე მრავალი საუკუნეა, უარი ვთქვით ასეთი სახის გადაადგილებებზე, რაც, უთუოდ, შესანიშნავი იყო. მაგრამ ვერასდროს გავთავისუფლდებით გაგებებისგან – „აქ“ და „ახლა“.

და ღიმილით დაუმატა:

– გარდა ამისა, ნებისმიერი მოგზაურობა სივრცეში გადაადგილება – პლანეტიდან პლანეტაზე თუ მეზობელ სოფელში. როდესაც ამ სახლში შემოხვედი, სივრცეში ერთ-ერთი მოგზაურობა დაასრულე.

– რა თქმა უნდა, – ვუპასუხე. – ჩვენ-

თან ბევრს ლაპარაკობდნენ, აგრეთვე, ქიმიურ პროდუქტებზე და ცხოველთა გადაშენების შესახებ.

თუმცა კაცი ზურგით დადგა ჩემკენ და ფანჯარაში იყურებოდა. გარეთ თეთრად მოჩანდა ველი – მდუმარე თოვლისა და მთვარის ქვეშ.

შეკითხვის მიცემა გავბედე:

– გაქვთ თქვენ მუზეუმები, ბიბლიოთეკები?

– არა. ჩვენ წარსულის დავინყება გვინდა, რომელიც მხოლოდ ელექციების შესათხზავად თუ გამოდგება. არ გვაქვს ხსოვნის თარიღები, ასი წლისთავის იუბილეები და გარდაცვლილთა გამოსახულებები. ყველამ საკუთარი შეხედულებისამებრ უნდა განავითაროს ის მეცნიერებანი და ხელოვნებები, რომელთა მოთხოვნილებასაც გრძნობს.

– ესე იგი, ყველა არის თავისი თავის ბერნარდ შოუ, არის თავისი თავის იესო ქრისტე, თავისი თავის არქიმედე?

მან დუმილით გამოხატა თანხმობა. მე შეკითხვების მიცემა განვაგრძე:

– მთავრობებს რაღა დაემართათ?

– მათ, ტრადიციისამებრ, თანდათანობით აღარ გამოიყენებდნენ. მთავრობები ნიშნავდნენ არჩევნებს, აცხადებდნენ ომებს, კრებდნენ გადასახადებს, ახდენდნენ ქონების კონფისკაციას, აწარმოებდნენ დაპატიმრებებს და შემოჭონდათ ცენზურა, მაგრამ დედამიწის ზურგზე მათ პატივს არავინ სცემდა. პრესამ შეწყვიტა მათი დეკლარაციებისა და ფოტოების გამოქვეყნება. პოლიტიკოსები იძულებულნი გახდნენ, ღირსეული საქმიანობა მოეძებნათ: ერთმა ნაწილმა კომიკოსობას მოჰკიდა ხელი, მეორემ – ექიმბაშობას. სინამდვილეში, რასაკვირველია, ყველაფერი ბევრად უფრო რთულად იყო, ვიდრე ამ ჩემს მონათხრობში.

იგი სულ სხვა ტონალობით განაგრძობდა:

– მე ჩემი სახლი ისეთივე ავაშენე, როგორც ყველა დანარჩენია. და-

ვამზადე ავეჯი და ყველა სხვა ნივთი. მოვხანი მინდორი, რომელსაც ახალი ადამიანები, ვის სახეებსაც ვერ ვხედავ, ჩემზე უკეთ მოხნავენ. შემოძლია ზოგიერთი რამეც გაჩვენო.

ფეხდაფეხ შევყევი მეზობელ ოთახში. მან აანთო ქერიდან ჩამოკიდებული ლამპა. კუთხეში არფა შევნიშნე – არცთუ ბევრსიმინი. კედელზე კვადრატული და მართკუთხა ტილოები ეკიდა, რომლებზეც ყვითელ ფერთა გამა ქარბობდა.

– ეს ჩემი ნაწარმოებებია, – გამომიცხადა მან.

დავათვალიერე ტილოები და შევჩერდი ყველაზე პატარასთან, რომელიც გადმოსცემდა ანდა მოგაგონებდა მზის ჩასვლას და თავის თავში რალაც უსაზღვროებას მოიცავდა.

– თუ მოგწონს, შეგიძლია ნაილო იგი მომავალი მეგობრის სამახსოვროდ, – მითხრა თავისი მშვიდი ხმით.

მადლობა გადავუხადე, თუმცა სხვა ტილოებმაც მიიპყრო ჩემი ყურადღება. ვერ ვიტყვოდი, რომ ისინი თეთრები იყო, მაგრამ მოთეთროდ მეჩვენებოდა.

– ესენი იმ საღებავებითაა დახატული, რომლის აღქმაც შენს ძველისძველ თვალებს არ ძალუძს.

ხელები რბილად შეეხო არფის სიმებს, მაგრამ ძლივს გავარჩიე ცალკეული ხმები.

და ზუსტად მაშინ კარზე კაკუნი გაისმა.

მალალი ქალი და სამი თუ ოთხი მამაკაცი შემოვიდნენ. შეიძლება გეფიქრა, რომ ყველანი ნათესავები იყვნენ ან ისინი დრომ დაამსგავსა ერთმანეთს. ჩემმა მასპინძელმა ქალს მიმართა:

– ვიცოდი, რომ ამ ღამით შენც მოხ-

ვიდოდი. ნილსს ნახულობ ხოლმე?

– ზოგჯერ, სალამობით. კვლავ მხატვრობითაა შეპყრობილი.

– იმედი ვიქონიოთ, რომ ვაჭიშვილი მეტს შეძლებს, ვიდრე მამამისი.

ხელნაწერები, სურათები, ავეჯი, ჭურჭელი – ყველაფერი გამოვზიდეთ ამ სახლიდან.

ქალი კაცებთან ერთად შრომობდა. მრცხვენოდა ჩემი უღონობის, თითქმის რომ არ მაძლევდა მათი დახმარების საშუალებას. კარი არავის მიუხურავს, და ჩვენ გამოვედით მთელი ავლადიდებით დატვირთულნი. შევნიშნე, რომ სახლის სახურავი ორმხრივად დაქანებული იყო.

თხუთმეტი წუთის სიარულის შემდეგ მარცხნივ გავუხვიეთ. სულ ახლოსი გავარჩიე გუმბათიანი რალაც კოშკისმაგვარი.

– კრემატორიუმია, – თქვა რომელიღაცამ. – შიგნით სიკვდილის კამერაა. ამბობენ, თურმე იგი ერთმა „ფილანტროპმა“ გამოიგონა. როგორც მახსოვს, მას ადოლფ ჰიტლერი ერქვა.

გუშაგმა, ვისი სიმაღლესაც აღარ მაკვირვებდა, ცხაურა კარი გაგვიღო. ჩემმა მასპინძელმა რამდენიმე სიტყვა წაიღუდუნა. ვიდრე შიგნით შევიდოდა, ხელის დაქნევით დაგვემშვიდობა.

– ისევ მოთოვს, – ამოთქვა ქალმა.

ჩემს კაბინეტში, მეხიკოს ქუჩაზე, ვინახავ ტილოს, რომელსაც ვიღაცა მოხატავს... ათასი წლის შემდეგ... მასალებით, დღეს მთელ პლანეტაზე რომაა მოფანტული.

ესპანურიდან თარგმნა ლალი ბრეგვაძე-კახიანი

ვლადას ბრაზიუნასი

სიტყვების ნუ
გეზინია



ვლადას ბრაზიუნასი – თანამედროვე ლიტველი პოეტი და მთარგმნელი. არაერთხელ ყოფილა საქართველოში. ის ჩვენი ქვეყნის დიდი მეგობარია; თხუთმეტი წლის განმავლობაში რედაქტორობდა ჟურნალს „ლიტერატურა და ხელოვნება“. პირველი კრებული 1974 წელს გამოსცა, მაგრამ მთელი შვიდი წლის მანძილზე, როგორც „იდეურად გაუაზრებელსა და არასაიმედოს“ ოფიციალური არ სწავლობდა. 2002 წლიდან ლიტვის მთარგმნელთა ასოციაციის ერთ-ერთი დამფუძნებელია; არის ევროპის პოეტთა საერთაშორისო მოძრაობის *Cap a l'Est* წევრი. მინიჭებული აქვს უამრავი უმნიშვნელოვანესი ლიტერატურული პრემია, როგორც ლიტვაში, ისე საზღვარგარეთ.

წერილი ენკენისთვისთვის

შემოდგომაა ნამდვილი ჩვენთან,
ყავისფერდება სულები ხეთა.
ჩვენ სულებში კი ამ ჭკნობის ფასად
რა სილამაზე აღვივებს მარცვალს.

სულსაც უცვივა ფოთოლი მორცხვად,
მაგრამ მოისხამს ღვიძილის მორჩსაც
და გაღელილი დედამინის სვედ
დაეშვებიან საენკენისთვედ.

სიხარულის ტვირთს მოიშორებენ
და დაგუბდება მშვიდი შორეთი.
ნესტიანი და გრძელი ღამის ჟამს
ან დღისით, გულს რომ ჟანგი გამიჭამს,

როცა არც წმინდა ტყუილის მჯერა,
მაქვს ხოლმე ასე დუმილი ჩვევად.

მაგრამ, სიტყვებო, გვერდს ნუ ამივლით,
ნუ გაჯიქდებით, ჟინის სამხილით
ლელვით შფოთავენ, არ ოკდებიან: არ სურთ მაცალონ,
თავს დამძახიან: დაუთესავო, მუჭა მარცვალო!
და მეც მზეს გავცქერ, ნითელს და მაღალს,
ფურნის პურივით გამომცხვარ საგზალს.

დაჭრილი ქარი

უკიდევანო ველებს
ესხათ ქარები ვრცელი.
ჩაჰგუგუნებდნენ ქებს და
დღე დიდდებოდა ნელა.
დედამინა კი ძაღლის
ტყავივით მულერი ბგერით
მწუხრის კენწეროს ება
დახლილი ტყვიისფერად.

●
რომელ ხელსაწყოს შეუძლია, გაზომოს მრუდი
შენი სულის გამძლეობის ამ ზიგზაგებზე,
ამ ბორბლებზე, ასაქცევებზე
რამდენს გაუძლო, გალეული როგორ დაბრუნდა
ზუსტად იმავე ნათელთან სული,
იმავე ბოსტნის კიდეზე ზუსტად,
შემის სანყოფის ოდნავ იქით,
ლენცოფასა და ბოცვერს შორის,
ხელოვნებას და შენს შორის ზუსტად
და იმ ჰაერის რხევათა შორის,
რომელზეც თრთოლით იჟღინთებიან
ვარსკვლავების ჩუმი ტალღები
მცხუნვარე მზეში, ისეთ მზეში,
საჩუხის მიწის იატაკიც რომ იწყებს ლღობას.

●
ლამის შავ ფსკერზე გაბაცდა
კვალი უთვალავ ვარსკვლავთა.
ცა მოიარეს უჩქამოდ
მთვარეებმა და იჩქარეს
რაფებზე სხივისმტევენობა
და ქცევა გუშინდელივითად.

●
ვინც დაილუპა, ვინც დაიკარგა,
ვინც არასოდეს არ მოვა უკან,

დაქვრივებულმა ღამემ შეკრიბა,
გზად გაუფინა ომების სუფრა.

და ნესტიანი სარდაფის ბოლოს,
ჯვრებს შორის, სხივი რომ კრთება მკრთალად,
კვლავ ეფინება იმ თეთრ ვაშლისხეს –
კილოკავების პრუსიულ გამას.

ხსოვნა

სახლის სული ხსოვნაში დევს,
კუთხეებში აცხია ქვებს,
ლოგინს უდის ბოსლის სუნი.
დეკეული პალოს უვლის.
ყველაფერი სადღაც არის:
გვარის ბედი, ისლი, ქარი.
ბაგაც საკურთხევის დარად,
განვდილ ხელში ზღურბლი მალავს
ღმერთს, უჩინარს, სახლის სამანს
და მშვენიერ თავისსავე პანაშვიდზე
არც ელის და აღარც ფიქრობს
უძღებ შვილზე.

ქიშა

სიტუაციათა ტყეში ეხეტები,
მოქმედების ადგილი სახლი როდია.
სიკვდილსაც გულზე აღარ ეხატები
და აგონიაში მყოფთან მოდიან

თანამგზავრები: ოიდიპოსი და ფაუსტი,
დასჯილხარ მათ გამო და ბრაზობ,
შენ და შენ ჯარისკაცურ ფარაჯას
სისხლის ცინული აზრობს.

ამ კაცს ელინივით ღირის სიმებზე
ცრემლი რომ დასდიოდა წინათ
სიმძიმეც დაუდევს და ხელიც დაუშვია
თითქოს სიმშვიდეში სძინავს

თითქოს მოიკვეთა, თავი განიდევნა,
მინაზე დაბრუნდება მაშინ,
როცა ქედის მოხრა აღარ დაჭირდება,
მსგავსად მშობლიური ხალხის.

დაჭედვა

დღეო, ნეკერჩხლის კუბოში ჩადი,
ჩანექ ლუსკუმას,
თუ ჩემთან ერთად არ კარგავ და აპნევ
შენ ხელუკულმა.

ვინაც მოიხვევს
თმენის ქარვის მოცისფრო მძივს,
მას მეშვიდე ძმა მორჩილებას შეაგებებს
ამ ყველაფრის წილ.

წყურვილი

გაგვიმხილეს სიმართლე, არასასურველი:
ჩვენ ვყოფილვართ ჩრდილები და ნურაფერს ველით.
ზღვები ჩაიღვრებიან წვეთში ყოველ დილას
და ჩვენ გვინილადებენ სველი სილის მირაჟს.

ნეტა, მახარებელმა რად გვაუნყა, თითქოს
არ არსებობს ცხოვრება, რომელზედაც ვფიქრობთ.
რომ ის გვალვის ალბშიაც ვერ შეიცვლის სახეს,
რომ გვბოჭავს და ბაგეზე მხოლოდ ლაქას გვაცხებს

მარილისას... ჯიუტად ვალიარებ უფსკრულს,
ყინვისა და ცეცხლისგან დაცულ ნათელ უკუნს
და ტკბილ ტვინთა ძვლებამდე, რომ ცხოვრება ჰქვია
მზეს, შემომჯდარს მწვერვალზე და სხივების ციალს.



არ მაქვს დრო, კაცად ვიქცე თანდათან,
გიმტკიცო გაზრდა, არ შემწევს ღონე,
გადანითლებულ ბორცვებზე, როცა თვალსაც არიდებ,
დედა სისხლიან თოვლს როგორ ბოჭავს ხელებით ხოლმე
მინდვრის ქვებს შორის. გვარში უფროსი აღარ გვყავს
როცა,
როგორც ფერები დაჭრეს, სინათლე შესაბრალია,
ლოცვისას დედა შვილის სახელს ახსენებს ცოცხლად,
თავს იტყუებს, რომ სიზმრად მაინც ერთად არიან.
რომ ერთად ყოფნა ცხადი არის და რომ დღეები
ღმერთებია და ბინდი – ველი მოსვენებისა,
გზაზე დამდგარიც და წასულიც ისე ხევდები,
ვერც გაზრდას ასწრებ, ვერც სიბერეს შენი ნებისად.

ალყა

წვეთის წკაპუნის მოთმენაა თურმე ცხოვრება,
კაცს ზურგიდან რომ მიპარვით კლავენ,
გაქცევაა, გაქცევაა შეუჩერებლად,
რომ მიუყვები შავნისლიან მინდვრების მხარეს.

მოკლეა, როგორც ჭირხლის გვიმრა ფანჯრის მინაზე,
გრძელია, როგორც სანთელი მამის თავსასთუმალთან,
მოულოდნელი რამ უნდა მოხდეს, მოულოდნელი,
სანამ ყინულს და სანამ ცეცხლსაც ნაბიჯს უმართავ.

სანამ ყვავილი ამოხეთქავს, ან დავნაყრდებით,
ტყავს გაგვაძრობენ, ფეხებდაშაშრულ უძღურს და ძაბუნს,
დანაპირები ხვალისდღე სანამ გათენდებოდეს
და სანამ ყველა წვეთი ერთად შეწყვეტდეს წკაპუნს...

სექტემბრის დასასრული

ეს სექტემბერიც ინისლება რულით, თვალს ხუჭავს
უკანასკნელი ჩამომჭკნარი დღე,
ჩაიწკრიბებს ხეივნებში ჟანგგვირგვინოსნის
დიდებით სული და თავის თავს სადღაც წაიღებს.

შრიბებს მუხის ფოთოლი და ისე ქანაობს,
თიხას დარჭობილ ისარივით ჰაერს რომ აპობს.
კალის თვალებით მიშტერებია მეშვიდე მიწას,
უცხო მატერიკს – დაგულებულს თავისთვის, სამყოფს.

შეკრული მუჭით და ბაგეებით იომებს მხოლოდ,
მივა სიცრუის და სიმდიდრის გარეშეც, მარტო.
იომებს სისხლის უკანასკნელ წვეთამდე, რადგან
სამყაროს ძვირფას ოქრომრავალ საგანძურს ნატრობს.

იგრიხებიან ძარღვები და წნავენ თოკს თოკზე,
უნდა გაუძლოს შენმა ლოდმა, ქვამაც გაუძლოს.
ეს ყველაფერი მაინც მოკლავს შენს ჭიასაც და
ერთადერთ დღესაც, რომ გახსოვს და შენთან საუბრობს.

თარგმანი მარიამ ნიკლაურისა

ლიტვურიდან პნკარედები მოამზადა ნანა დევიძემ

ბექა ქურხული

ჰოპა



ჩემო გურამ! ძალიან ბევრზე მსურს გელაპარაკო, მაგრამ, იმედი მაქვს, რომ მალე პირადად გნახავ და მაშინ მოგიყვები ყველაფერს. ახლა ერთი თხოვნა მაქვს – მინდა, გუნდში დავბრუნდე შენთან ერთად. რაც შეიძლება მოკლე დროში, ხვალვე ჩამოდი და გთხოვ, რომ ოცდაექვსში ბოლო საკონტროლო თამაშში მიიღო მონაწილეობა. ამას გთხოვ მე და ამას გთხოვს ახალი მწვრთნელი სოლოვი. პირველი, რაც მან თქვა, ეს იყო, რომ გურამი და შოთა გუნდში თუ არ დაბრუნდებიან, მე ვერ ვიმუშავებო.

ახლა, რაღა ბევრი გავაგრძელო, ჩემო გურამ, შენს სახლში, ცხინვალში ვწერ ამ წერილს დედაშენის და მამაშენის თანდასწრებით. მივიღებ, ჩვენი ძმობის დასტურად, ხვალ შენს თბილისში ჩამოსვლასა და „დინამოში“ თამაშის დაწყებას. გურამ ცხოვრებოვს. შენი ძმა შოთა იამანიძე.

20.03.67 ცხინვალში
(დემიკო ლოლაძე, „შოთა იამანიძე“)

თბილისის „დინამოში“ ოსი ფეხბურთელების თამაშს დიდი ხნის ისტორია აქვს და ცალკე ამბავია. ანდრო ზაზროვევი, ლეგენდარულ 35-ე სკოლაში ერთადერთი იყო, ვინც ჯერ კიდევ მაშინ ყველასათვის უცნობ მიხეილ მესხს გამოესარჩლა, რომელსაც ეჩხუბებოდნენ – უკან რატომ არ ჩამოდიხარო: „როდის იყო, თქვე შობელძაღვლებო, არაა, სნაიპერი ტყვია-წამალსა თვითონ ეზიდებოდაო!“

ზაურ კალოევი, რომელიც გივი ჩოხელთან, სლავა მეტრეველსა და მიხეილ მესხთან ერთად მეოთხე ქართველი ფეხბურთელი იყო 1960 წლის ევროპის ჩემპიონატზე, (თუმცა მოედანზე არ გამოსულა).

გურამ ცხოვრებოვი, ვლადიმერ გუცაევი, ბახვა თედეევი, ზაურ ხაპოვი...

მაგრამ ვლადიმერ გუცაევი ამათში ყველაზე ტიტულოვანი, გამორჩეული ნიჭისა და გაქანების ფეხბურთელი იყო. მას განსაკუთრებული იღბალი დაჰყვა. შეიძლება ბევრს არც ახსოვს, რომ 70-80-იანი წლების ვარსკვლავური შემადგენლობიდან ყველაზე დიდხანს, 1971-1986 წლებში, ანუ თხუთმეტი სეზონი ითამაშა თბილისის „დინამოში“ და ყველაზე მნიშვნელოვანი გოლებიც გაიტანა! „ლივერპულთან“ 1979 წლის ჩემპიონთა თასზე – თბილისში, თასების თასის მეოთხედფინალში „ვესტ ჰემთან“ – ლონდონში, ნახევარფინალში – „ფეიენოორდთან“ და ბოლოს ფინალში – „კარლ ცეისთან“ და ახლა, 13 მაისს, ამ ფინალის დღეს, როდესაც აგერ უკვე 35 წელია, მთელს საქართველოს ახსენ-

დება კოტე მახარაძის ხმა: „შენგელია აბვიოლ ადნავო, ვტაროვა, გუცაევი!.. უდარ!.. გოლ! გოლოლ! გუცაევი, ვალო-დია, მალადეც!“ და იმის მერე, მატჩის დამთავრებამდე 3 წუთით ადრე, ოჩამჩირელი აფხაზი ბიჭის, ვიტალიკა დარასელიას ფანტასტიკური სლალომი, ცაციათი შეგდებული და მერე ყიფოს მხრებზე გაჩერებული ბურთი. მე სულ სხვა, თუ არ ვცდები, გუცაევის ბოლო თამაში გამახსენდა თბილისის „დინამოში“.

ვლადიმერ გუცაევის კარიერის დასაწყისი „დინამოს“ კრიზისს დაემთხვა, თუმცა ამ კრიზისს მალე ვარსკვლავური აღმავლენა მოჰყვა 1976-დან 1982 წლამდე და თასების თასის ალებიდან მეორე წელს, ამავე გათამაშების ნახევარფინალში, ერიკ გერეტის ლიეჟის „სტანდარტთან“ დამარცხებით, ვიტალი დარასელიას ტრაგიკულად დაღუპვით და დავით ყიფიანის ფეხბურთიდან ნაადრევად წასვლით დასრულდა. ამის შემდეგ, 1983 წლიდან თბილისის „დინამოში“ და ქართულ ფეხბურთში დაიწყო კრიზისი, რომელიც დღევანდელი კატასტროფით დამთავრდა.

მაშინ კი, 1985 წელს, ეს მორიგი კრიზისი გვეგონა და ალაგ-ალაგ გამონათებებით გულმოცემულები მაინც იხტიბარგაუტეხლად ვიყავით. ვლადიმერ გუცაევი კი თავის კარიერას ამთავრებდა და უკვე მოგებული ჰქონდა ყველაფერი, რისი მოგებაც თბილისის „დინამოს“ ფეხბურთელსა და ნახალოვკაში გაზრდილ ოს ბიჭს შეეძლო. ის ამ გუნდის ლეგენდა და თილისმა გახდა.

იმ სეზონზე, 1985 წელს, „დინამოში“ ნოდარ ახალკაცი დაბრუნდა და თითქოს რალაცას ავფართხალდით. მეხუთე ადგილზე გავედით, მაგრამ ეს ის არ იყო. ალექსანდრე ჩივაძეს, თენგიზ სულაქველიძეს და რამაზ შენგელიას ასაკი დაეტყოთ, გუცაევი სულ უფრო და უფრო ხშირად იჯდა სათადარიგო სკამზე, ახალგაზრდები კი ვერ ქაჩავ-

დნენ, მუშტაეთის ბალის ძველ გულშემატიკვირების ხმები დადიოდა მაგათ რა უნდა ითამაშონ, ანაშას ენევიანო.

მოკლედ, 1985 წელი იყო და ერთ წვიმიან დღეს, ოლონდ ეგ აღარ მახსოვს – გაზაფხულის წვიმა იყო თუ შემოდგომისა, ზაფხულისა ნაღდად არ იყო და ზამთრისა ხომ აღარ და აღარ, დნეპროპეტროვსკის „დნეპრს“ ვეთამაშებოდით. ეს ის დნეპროპეტროვსკის „დნეპრი“ აღარ იყო, სულ რამდენიმე წლით ადრე სადაც დავიჭერდით სულ 5:1 რომ ვუგებდით. 1983 წელს სწორედ იმ სეზონზე, ჩვენ რომ კინალამ უმაღლესი ლიგიდან გამოვევარდით, პირველად გახდა საბჭოთა კავშირის ჩემპიონი და მერე 6 სეზონი მესამე ადგილს აღარ ჩამოსცილებია, 1988 წელს კი ისევ მოიგო ჩემპიონატი. იმ წელსაც ძალიან მაგარ ფორმაში იყო და აი, ამ „დნეპრს“ გადაეყარა ეს ჩვენი დაბერებული და განახევრებული თბილისის „დინამო“...

უკრაინული საფეხბურთო სკოლა, მოგეხსენებათ, კიევის „დინამოდან“ და ვალერი ლობანოვსკიდან დაწყებული დნეპროპეტროვსკის „დნეპრით“ და დონეცკის „შახტიორით“ დამთავრებული, თავისი ფიზიკური მონაცემებით და მომზადებით იყვნენ განთქმულები. ტექნიკითაც არავის ჩამოუვარდებოდნენ და ახლაც კენტავრებივით დაჭენაობდნენ „დინამო“ სტადიონზე და წვიმდა. მეორე ტაიმის შუა წელი იყო, 1:0-ს გვიგებდნენ და მთელი თამაში მაგათ მიჰყავდათ, რამდენჯერმე სასწაულით გადავრჩით. ოლეგ პროტასოვი, ვლადიმერ ლიუტი, ოლეგ ტარანი ისე დაშუოდნენ ჩვენი სტადიონის მწვანე გაზონზე, კოკისპირული წვიმისგან დამდგარ გუბებზე რომ გაირბენდნენ, წყლის ლანალუნის ხმა ტრიბუნებზე ამოდიოდა. თბილისის „დინამოს“ ძველი და დიდი ბანდიდან მოედანზე ალექსანდრე ჩივაძე, თენგიზ სულაქველიძე და რამაზ შენგელია იყვნენ და ისევ მაგათ ეჭირათ თამაში... მახსოვს, როგორ ცდილობდა შენგელია

თავისზე ორჯერ მაღალ მცველებს დას-
ხლტომოდა; ცენტრში სიბრაზისგან და
დაღლილობისგან ქალაქისფერდადებუ-
ლი ალექსანდრე ჩივაძე იდგა, რომელიც
მარჯვენა, კაპიტნის სამკლაურიან, ხელს
„დნეპრის“ კარისკენ მთელ სიგრძეზე იმ-
ვერდა, განუწყვეტლივ რაღაცას ყვირო-
და. როგორც ყოველთვის, გავეშებული,
სახემოქცეული თენგიზ სულაქველიძე,
მხარს თუ ჩაუდგამდა, იქვე აჩერებდა
უკრაინელ ფეხბურთელებს. მართალია,
ჯანით ვერ ჯაბნიდნენ, მაგრამ სისწრა-
ფები უჭირდა. ამ სამ ბებერ გვარდიელზე
იდგა მთელი გუნდი და ამათაც არაქა-
თი გამოეცალათ. ვლადიმერ გუცაევი
კი მთელი ტაიმნახევარი სათადარიგო
სკამზე იჯდა და წვიმდა, ცა ფეხად ჩა-
მოიღვარა – ისე წვიმდა. დნეპროპეტ-
როვსკელ ფეხბურთელებს კი დაღლის
არაფერი ეტყობოდათ, აწყვეტილები
დარბოდნენ და მაგრად გვანვებოდნენ.

დასავლეთის ტრიბუნაზე ვისხედით.
ფეხბურთზე ძირითადად ჩემს კლასელ
გიორგი ხანთაძესთან და მის უფროს
ძმასთან მიმასთან ერთად დავდიოდი.
ერთ ეზოში ვიზრდებოდით. მამაჩემი
ჯემალა გაზეთ „კომუნისტის“ განყო-
ფილების რედაქტორი იყო, ამათი მა-
მა გურამა ცეკაში მუშაობდა და ყოველ

წელს ჰქონდათ დასავლეთის ტრიბუნაზე
სამთავრობო ლოჟასთან აბონემენტები.
დავითრევდით ამ ჩვენი შიშკა მამების
აბონემენტებს და მივდიოდით. მართლა
მაგარი ადგილი იყო, მაგრამ ახლა ად-
გილი და „ზაპადნი“ აღარ გვენალვლე-
ბოდა, ძალიან ცუდად გვექონდა საქმე,
მეორე ტაიმის დამთავრებამდე სულ უფ-
რო ცოტა დრო რჩებოდა, ვაგებდით და
სიმწრის ცრემლები და თავსხმა წვიმა
ერთმანეთში გვერეოდა. ჩემს გვერდით
ერთი უზარმაზარი, მოხეული ბიძა იჯ-
და პატარა ბიჭვით ცქმუტავდა, თავში
ხელებს იშენდა და „დინამო, დინამო“-ს
ყვირილისგან ჩახლეჩილი ხმით ქადაგი-
ვით განუწყვეტლივ იმეორებდა: „ბედი
არა გვაქვს, წვიმა ამათ აწყობთ, იქ სულ
წვიმს, მიჩვეულები არიან წვიმაში თამაშს,
წვიმაში უფრო მაგრად თამაშობენ ეს
ჩათლახები, ამათ ბედზე იწვიმა, მაგის
დედა ვატირეო!..“ – და ეგეთები, თუმცა
ეგეთივე წვიმაში „დნეპრისთვის“ კი არა,
„ლივერპულისთვისაც“ გვექონდა გადარბე-
ნილი და 3:0 მოგებული, მაგრამ ის სხვა
დრო იყო. ახლა კიდეც - წვიმა კი არა,
ვაჟა-ფშაველას „ძია ესტატეს“ კატიისა
არ იყოს, „უნარი რომ არ გახლავსთ“
გვჭირდა. თან მართლა მაგრად წვიმდა
და სამველიც არ ჩანდა.

და სადღაც 15

წუთი რომ აკლდა
თამაშის დამთავ-
რებას, აი მაშინ
დაინყო... რაღაც
უცნაური, მასობ-
რივი ფსიქოზი და-
ინყო. ჩამკვდარ და
გულგატეხილ სტა-
დიონზე, როდესაც
ტრადიციულ საბ-
რძოლო შეძახილ
„დინამო! დინა-
მო!“-საც კი აქა-
იქ თუ ვინმე წა-
მოიყვირებდა, არ
მასსოვს რომელი



ტრიბუნებიდან და საიდან, მაგრამ ჯერ კანტიკუნტად, მერე კი ერთხმად დაიწყო შეძახილები. უცებ მთელი სტადიონი ჭკუიდან შეიშალა, აგუგუნდა და ეს მხოლოდ დასაწყისი იყო...

„ვოვა! ვოვა! ვოვა! ვოვა!“ – გაჰყვიროდა რამდენიმე ათასი კაცი ერთხმად და უცებ მთელს სტადიონზე და საფეხბურთო მიწაზეც აშკარად რაღაცა შეიცვალა. „ვოვა! ვოვა! ვოვა! ვოვა!“ ხმაური სულ უფრო ძლიერდებოდა... „ვოვაა!“ – იღრიალა ჩემს გვერდით მჯდომმა მოხეულმა ბიძამ და კი არ დაიძახა, დაუძახა, როგორც ილია ჭავჭავაძის „ნიკოლოზ გოსტაშაბიშვილში“ ყიზილბაშებისგან შევიწროვებული ქართველები ეძახიან საშველად თავის ბებერ მეომარს ნიკოლოზ გოსტაშაბიშვილს, და წვიმდა.

ეს გუგუნე რამდენიმე წუთით გაგრძელდა. სტადიონზე დაწყებული სტიქიური გრიალი თანდათან მატულობდა და რაღაც მუქარიანი, მრისხანე და თან წინასწარმეტყველურიც კი იყო.

„ვოვა!.. ვოვა!.. ვოვა!.. ვოვა!..“ გულშემატკივრებს თითქოს გულმა უგრძნოთ. ისინი თავიანთ ლეგენდას ითხოვდნენ...

და სარბენ ბილიკზე ვოვა გუცავეი გამოჩნდა. ტრიბუნებმა ვულკანივით იფეთქეს. ისეთი იხუვლეს, როგორც ეს მხოლოდ გოლის გატანის დროს ხდება. თუმცა გოლი ჯერ არსად იყო. სარბენ ბილიკებზე ტანმორჩილი ვეტერანი თავდამსხმელი, „დინამოს“ უკანასკნელი დიდი გარემარბი იდგა და საკუთარ მშობლიურ სტადიონზე ღვართქაფად წამოსული წვიმა ასველებდა. ახლაც თვალწინ მიდგას ლურჯი ფორმა 13 ნომერი, აი ეგეთი, ციფრებში კიდევ შიგ ჩახაზული ზოლებით, ნეონების შუქით განათებული, თითქოს შევერხლისფერებული ხუჭუჭი თმით...

ვოვა გუცავეი სტადიონზე შევიდა და ეგრევე აუტის ხაზთან მიიღო ბურთი. გუცავეის ბურთთან შეხება და სტადიონზე რამდენიმე წუთის წინ დაწყებულ

ლი სიგიჟე რაღაც უცნაურ მისტიკურ ტრანსში გადავიდა. მართლა წინასწარმეტყველურ ტრანსში. ალაღად არც მისტიკის, არც ტრანსის, არც წინასწარმეტყველების, არც სხვა განზომილებების და არც უცხოპლანეტელების არაფერი მწამს, არც მჯერა, არც მაინტერესებს. ვნახავ მაგ სხვა განზომილებას ან ინოპლანეტელს – დავიჯერებ, მანამდე კარგად იყვნენ და ეს კიდევ ჩემი თვალით ვნახე 12 წლის ლანირაკმა და აგერ 41 წლის ბებერს გუშინდელ დღესავით მახსოვს. და ჩემთან ერთად კიდევ რამდენიმე ათეულმა ათასმა თბილისელმა ნახა, რომლებმაც ისეთი ყიჟინა დასცეს – როგორც კი გუცავეი ბურთს შეეხო, რომ ჩემი თვალით დავინახე, სტადიონის პროექტორების შუქზე მბრწყინავი, მიჯრით, მკვრივად წამოსული წვიმის წვეთები როგორ აბრუნდნენ უკან ცისკენ...

ვოვამ ბურთი წამოიღო და ფრთაზე გავარდა. ჩვენ ყველამ ვიგრძენით, რომ რაღაცა უნდა მომხდარიყო, რაღაც სასწაული. მთელი სტადიონი ფეხზე წამოვხტით და ისე ვღრიალებდით. რომ, ნიაგარას ჩანჩქერის ხმისა არ იყოს, ხმაური იყო თუ სიჩუმე – ვეღარ გარჩევდი, ყურები რომ გიგუბდება რა...

წამოიღო ბურთი და იქვე, ფრთაზე, ჯერ ერთ მცველს გასცადა, ფრთაზევე წამოიკიდა მეორე მცველი, მკვეთრად შემობრუნდა მარცხნივ, „დნებრის“ საჯარიმოსკენ მესამესაც აჭამა, მეოთხეს ფეხზე წამოედო და ზუსტად ისე ოხრულად გაცურდა მუცელზე, როგორც მაშინ, როცა ევროპის საფეხბურთო გრანდებს პენალტს აჰკიდებდა ხოლმე. ოღონდ ეს საჯარიმოს გარეთ იყო, ზედ ხაზთან, მაგრამ გარეთ. სტადიონზე ანონადობა დაიწყო. ეს ამხელა, ჯადოსნური, ქართული და თბილისური სულით გაჟღენთილი, განათებული თასი ლამის იმ წვიმის წვეთებს აჰყვა ცაში.

ბურთთან ალექსანდრე ჩივაძე მივიდა. იმ დღეს ჩივაძემ რამდენჯერმე დაარ-

ტყა ჯარიმა და ვერაფერი, იმის მიუხედავად, რომ ალექსანდრე ჩივაძე მსოფლიოს იმ სამ ლიბეროს შორის არის, ვისაც ყველაზე მეტი ბურთი აქვს გატანილი, გერმანელ ფრანც ბეკენბაუერთან და არგენტინელ დანიელ პასარელასთან ერთად, მაგრამ აქ ყველამ ვიცოდით, რომ გოლი გავიდოდა. ჯერ კიდევ მაშინ ვიგრძენით, როცა ტრიბუნებმა ჯერ კანტიკუნტად, მერე კი ერთხმად „ვოვა! ვოვა!“-ს ძახილი დაიწყეს, მერე, როცა ვოვა მოედანზე გამოვიდა, ბურთი მიიღო, ფრთაზე გავარდა და პირველი მცველი წამოიღო მატაობით.

ალექსანდრე ჩივაძე ბურთთან მივიდა, ხელში აიღო, გაასწორა და დადო. და წვიმდა.

მე არ დამინახავს ბურთი როგორ გავიდა. მგონი, არც არავის დაუნახავს, მათ შორის არც ალექსანდრე ჩივაძეს და ვოვა გუცაევის. ბოლოს, რაც დავინახე, ის იყო, მთელი სალამოს ომით გადაქანცული და ფეხებდანწყვეტილი ჩივაძე ნელი სირბილით როგორ დაიძრა ბურთისკენ, თეთრ მაისურებში გამონყობილი, ცოცხალ კედლად ჩამდგარი დნეპროპეტროვსკის „დნეპრის“ ფეხბურთელები, სამხრეთის ტრიბუნებთან, აი სადაც „პაჟარნი კამანდა“ და სასწრაფო დგება, კარის კუთხე, მარჯვენა „კრესტავინა“, მსხვილი წვიმის წვეთები, ალექსანდრე ჩივაძის ზურგი ლურჯი ფორმით და 3-იანით.

გოლი რომ გავიდა, იმითაც მივხვდი, რომ ჩემს გვერდით მჯდომმა სიხარულ-

ლისგან გონზე გადასულმა მოხეულმა ბიძამ ხელი მტაცა და იმ სიმაღლეზე შემისროლა, ჩემს ქვევით ტრიბუნები დაპატარავდა. მე არ მახსოვს – დამიჭირა თუ არა იმ ბიძამ, დავეცი თუ გადავრჩი, მახსოვს, რომ გავვიყდი, მახსოვს, რომ მთელი სტადიონი გადაირია, მახსოვს, რომ რალაც სასწაული მოხდა, რალაც ამოუხსნელი და ეს მოხდა ამდენი ათასი ადამიანის თვალწინ.

ცოტა ხანში გაისმა საფინალო სასტვენის ხმა და თამაში დამთავრდა. მოედანს ტოვებდნენ დნეპროპეტროვსკის „დნეპრის“ ფეხბურთელები, რომლებიც კიდევ ხუთ ტაიმს ითამაშებდნენ, არაქათგამოლეული ძველი გვარდიელები და ვოვა გუცაევი, რომელმაც თავისი დაბერებული და განახევრებული გუნდი დამარცხებისგან იხსნა, და უცებ ტრიბუნებზე, სულ რამდენიმე წუთის წინ აპოკალიფსურ ვულკანს რომ ჰგავდა, უცნაური, საშინელი სიჩუმე ჩამოვარდა. არც „დინამო“... არც „ვოვა!“, არც ტაში, არაფერი!.. სრული სიჩუმე!.. სტადიონი მიხვდა, რომ დღესასწაული დამთავრდა. თვითონ ვოვა გუცაევიც თავჩაღუნული მიდიოდა. თავიც არ აუწევია, ისე შევიდა გასახდელის გვირაბში.

და წვიმდა! წვიმდა, ეგ ბოზიშვილი!

აი ეგ იყო, მგონი, ვლადიმერ გუცაევის ბოლო თამაში. მე მეტი მოედანზე აღარ მინახავს...

აი, რა გამახსენდა 2016 წლის 13 მაისს, 1981 წლის 13 მაისიდან 35 წლის შემდეგ.

Бека Курхули

Фæстаг фыстытæ Вова

«Мæхи Гурам!» Тынг бирæ цæуылдæртыл мæ фæнды демæ аныхас кæнын, фæла, мæ ныфс ис, цæмæй тагъд фембæлдзыстæм æмæ дын уæд радзурдзынæн алцыдæр, ныр та мæм иу курдиат ис, фæнды мæ къордмæ демæ иумæ æрбаздæхын. Цас гæнæн ис уыйас тагъд рæстæджы, райсом æрцу æмæ дæ курæг дæн, цæмæй дыууын æхсæзæмы фæстаг контролон хъазты райсай. Уый дæ курæм æз дæр æмæ ног тренер Соловев дæр. Фыццаг, цы загъта, уый уыд, цæмæй дам Гурам æмæ Шота цалынмæ командæмæ не рбаздæхой, æз дам нæ бакусдзынæн.

Ныр цыма бирæ дарддæр кæнон, мæхи Гурам, Цхинвалы, дæ хæдзары, фыссын ацы фыстæг дæ мад æмæ фыды цур. Не фсымæрдзинадæй дын сомы кæнын, райсом Тбилисмæ куы нæ рцæуай æмæ «Динамои» хъазын куы нæ райдайай. Цхурбаты Гурамæн. Дæхи фсымæр Иаманидзе Шота.

23. 03. 67 Цхинвал

Лоладзе Демикъо, Иманидзе Шота



ф у т б о л и с т т ы хъазтæн рагон истори ис æмæ хицæн хабар у. Уыдонæй сæ иу Зазроты Андро уыдис, кæцыйы легендарон 35-æм скъолæйы иунæг уый сæвæрста нырма у æ д а л к æ м æ н д æ р æнæзонгæ Михеил Месхи, кæцымæ хыл кодтой, фæстæмæ дам цæуылнæ æрбаздæхыс. Къалоты Зауыр, кæцы Чохели Гивиимæ, Метъревели Славаимæ æмæ Месхи Михеилимæ цыппæрæм гуырдиаг футболист

уыд 1960 азы Европæйы чемпионатыл, фæлæ фæзуатмæ нæ рахызтысты уæд, Цхуырбаты Гурам, Гуцаты Владимир, Тедеты Бахуа, Хапов Зауыр...

Уыдон æхсæн Гуцаты Владимир алкæмæй титулон æмæ равзаргæ курдиаты хицау футболист уыдис. Сæрмагонд амонд ын уыд хъазты. Гæнæн ис æмæ бирæты зæрдæйы нал лæууы, æмæ 70-80 азты стъалыджын скондæй алкæмæй фылдæр, 1971-1986 азты, ома 15 сезоны ахъазыдис Тбилисы «Динамоы» æмæ алкæмæй нысаниуæгджын голтæ дæр бакодта, «Ливерпулимæ». 1979 азы чемпионты кубокыл Тбилисы, кубокты кубокы цыппæрæм хайы финалы «Вест хемимæ» Лондоны, æрдæгфиналы «Фейнорданимæ» æмæ стæй фæстагмæ финалы «Карл Цейсимæ». Æмæ ныр 13-æм майы, уыцы финалы бон, кæцы ныр мæнæ 35 азы размæ уыд, æппæт Гуырдызстоны йæ алчи дæр хъуыды кæны Махарадзе Къотъейы хъæлæс: «Шенгелиа абвел аднаво, второва, Гуцаев!.. Удар!.. Гол! Гоол! Гуцаев, Валодиа, маладец!» æмæ уымæй фæстæмæ, матчы фæуынмæ 3 минуты раздæр, очамчираг абхазаг лæппуйы, Дараселиа Виталикы фантастикон слалом, галиукъахæй баппаргæ æмæ стæй Хъипойы уæхсчытыл æруромгæ пурти. Мæнæн, кæд нæ рæдийын, æрлæууыд мæ зæрдыл, Гуцаевы фæстаг хъазт Тбилисы «Динамоы».

Гуцаты Владимиры карьерæйы райдайæн «Динамоы» кризисы рæстæгимæ æрхаудта. Фæлæ ацы кризисæн тагъд йæ фæстæ стыр размæцыд уыд 1976 азæй 1982 азы онг, æмæ кубокты кубокы райсынæй дыккаг азы, ацы хъазты æрдæгфиналы, Эрик Геоетсы Лиежы «Стандартимæ» фембылдæй, Дараселиа Виталикы трагикон цауæй æмæ Давит Хъипианийы футболæй æнафон рацыдæй фæцис.

Уый фæстæ, 1983 азæй Тбилисы «Динамоы» æмæ гуырдызаг футболы райдыдта кризис, кæцы абоны онг катастрофæйыл фæуд кæны.

Уæд та, 1985 азы, ай радон кризис æнхъæл уыдыстæм æмæ цыдæр иугай хъæзтытæй нæ ныфс уæддæр нæ састам, уæддæр ныфсджын уыдыстæм. Гуцаты Владимирæн та йæ карьерæ кæронырдæм цыд æмæ йын ныридагæн уыд æмбылд алцыдæр, цæйдæриддæр рамбулын Тбилисы «Динамоы» футболистæн æмæ Нахаловкæйы хъомыл ирон лæппуйæн йæ бон сси

Уыцы сезоной 1985 азы «Динамомæ» Ахалкъаци Нодар æрбаздæхтис æмæ цыма цыдæр базмæлыдыстæм. Фæндзæм бынат бацахстам, фæлæ ай уый нæ уыдис. Чивадзе Александр, Сулаквелидзе Тенгиз æмæ Шенгелиа Рамазыл сæ кар фæзындис, Гуцаев арæхæй-арæхдæр бадтис фæстауæрцон бандоныл, æрыгæттæ та уыйас нæ хъазыдысты, Муштаеты багъийы зæронд болелшикты хъæлæстæ хъуыст, уыдон дам цы хъуамæ агъазой, анаша дам дымынц.

Цыбырæй, 1985 аз уыд, æмæ иу къæвдабон, æрмæст уый нал хъуыды кæнын – уалдзыгон къæвда уыд æви фæззыгон, сæрдыгон æнæмæнг нæ уыдис æмæ зымæгон дæр, Днепропетровскы «Днепримæ» хъазыдыстæм. Ай уыцы Днепропетровскы «Днепр» нал уыдис, цалдæр азы размæ цыран 5:1 рамбылдтам. 1983 азы растдæр уыцы сезоной, мах чысыл ма бахъауа уæлдæр лигæйæ рахаудтаиккам, фыццаг хатт ссис Советон цæдисы чемпион æмæ уый фæстæ 6 сезоны æртыккаг бынаты уыд, 1988 азы та фæстæмæ рамбылдта чемпионаты. Уыцы азы дæр иттæг хорз формæйы уыд æмæ уыцы «Днепримæ» фембæлд Тбилисы «Динамо»...

Украинаг футболы скъолаæ, зæгъын хъæуы уый æмæ, Киевы «Динамоæ»

æмæ Валери Лобановскийæ райдайгæйæ, Днепропетровскы «Динамо» æмæ Донецкы «Шахтерыл» фæугæйæ, сæ физикон раггæтæй æмæ цæттæдзинадæй уыдысты зындгонд. Уæдæ техникæйæ дæр фæстæ никæмæй лæууыдысты æмæ ныр дæр иттæг цæрдæгæй хъазыдысты «Динамо» стадионыл уыцы къæвдайы. Дыккаг таймы æмбис уыд, 1:0-æй нæ æмбылдтой æмæ æнæхъæн хъазты уыдон уыдысты разæй, цалдæр хатты аирвæзтыстæм. Олег Протасов, Владимир Лиути, Олег Таран, афтæ хъуыст сæ къæхты уынары цъыввытт, не стадионы цъæх газоныл, тæрккъæвдайы фæстæ цы цæдтæ сырæзтис уым иу куы алыгъдысты, доны хыррысты уынар иу трибунаы онг хæццæ кодта. Тбилисы «Динамо» зæронд æмæ стыр бандæйæ стадионыл уыдысты Чивадзе Александр, Сулаквелидзе Тенгиз, Шенгелиа Рамаз хъазыдысты ацы матчы... Хъуыды ма йæ кæнын, куыд архайдта æмæ тырныдта Шенгелиа йæ хицæй дыууæ хатты стырдæр æмæ бæрзонддæр хъахъхъæнджыты асайын, центрмæ баирвæзыныл, æмæ пурти бакæнынмæ. Фæллад æмæ мæстыйы лæууыд кодта Чивадзе Александр, æмæ йæ къухæй амыдта галиуфарс «Днепры» къулдуарырдæм, æппыназдзых цыдæр хъæр кодта, тызмæг цæсгомæй Сулаквелидзе Тенгиз, кæцы иу йе уæхскæй æрурæдта украинаг футболистты, тыхæй ыл нæ тых кодтой, фæлæ цырддзинадæй уымæй цырддæр уыдысты. Стæй фæллайгæ дæр тынг бакодтой. Ацы æртæ зæронд гвардиæгты ныфсæй уыдысты æнæхъæн командæ æмæ адонæн дæр сæ тых сæттын байдыдта. Гуцаты Владимир та æнæхъæн тайм æмæ æрдæг фæстауæрцон бандоныл бадтис, уарыд, арв дæлæмæ хаудта – афтæ уарыд. Днепропетроваг футболисттыл та сæ фæллад æппындæр нæ зындис,

æнæрлæугæйæ радугъ-бадугъ кодтой æмæ ныл тыхджын æнцадысты.

Ныгуылаены трибунаыыл бадтыстæм. Футболмæ сæйрагæйдæр мемкъласаг Хантадзе Георгиимæ æмæ йæ хистæр æфсымæр Мишæимæ иумæ цыдыстæм. Иу кærты хъомыл кодтам. Мæ фыд Джемаг газет «Комунисты» редактор уыд, адон фыд Гурам та Цекайы куыста æмæ иу сын алы аз дæр уыд ныгуылæйнаг трибунаыыл хицауадон ложæйы абонименттæ. Рахæссын иу кодтам Микайæн йæ фыды абониментты æмæ иу ацыдыстæм. Æцæгдæр тынг хорз бынат уыд, фæлæ нæ ныр бынат æмæ «запанд» нал æндæвта, тынг æвзæр уыд нæ хъуыддаг, дыккаг таймы фæудмæ къаддæрæй къаддæр рæстæг задис, æмбылды кодтам æмæ судзгæ цæссыгтæ æмæ тæрккъæвдайы æртæхтæ иумæ æмхæццæ кодтой. Мæ фарсмæ иу егъæуттæгонд, мохеваг бидза бадтис æмæ чысыл лæппуйау хæкъуырцкуыд кодта, йæ сæры дыууæ къухæй цавта æмæ «Динамо, Динамо»-йы хъæрæй фæсус хъæлæсæй кадæггæнæгау æдзухæй фæлхатт кодта: «Амонд нын нæй, къæвда адонæн хуыздæр у, сæхимæ иуыл къæвда уары, ахуыр сты къæвдайы хъазыныл, къæвдайы ноджы хуыздæр хъазынц ацы чатлахтæ, адон амондæн уары!..» - æмæ ахæмтæ, фæлæ ахæм къæвдайы «Днепримæ» нæ фæлæ, «Ливерпулимæ» дæр уыд хъазт æмæ 3:0 рамбылдтам, фæлæ уæд æндæр рæстæг уыдис. Ныр та – къæвда нæ фæлæ, Важа-Пшавелайы «Дзиа Эстатейы» гæдыйау загъдау, æххуыс нæ хъæуы. Æцæгдæр тынг уарыд æмæ æххуысгæнæг ничи зынд.

Æмæ растдæр 15 минуты ма хъуыд хъазты фæудмæ, йе уæд райдыдта... цыдæр æнахуыр, массивон психоз байдыдта. Æрхуым æмæ зæрдæсаст стадионыл, традицион символон

хъæр «Динамо! Динамо!» дæр ма иу кæмдæрты чидæр схъæр кодта, нал æй хуыды кæнын кæцы трибунаетæй æмæ цыранæй хуыст, фæлæ нырма иугай, уый фæстæ æмхъæлæсæй райдыдтой хъæр кæнын. Æвишпайды æнæхъæн стадион сæрра ис, хор-хор кодта æмæ уый æрмæст райдайæн уыдис... «Вова! Вова! Вова! Вова!» - хъæр кодта цалдæр мин адæймаг æмхъæлæсæй æмæ æваст æнæхъæн стадионыл æмæ футболон фæзуатыл цыма цыдæр фæивта. «Вова! Вова! Вова! Вова!» Хъæр тынгæй тынгдæр кодта... «Вова!» - ныхъæр кодта мæ фарсмæ бадæг мохеваг бидза æмæ æрмæст хъæр нæ кодта, фæлæ йæм фæхъæр кодта, мæнæ куыд Илья Чъавчъавадзейы «Никъолоз Гостъашабишвили» хъызылбаштæй хыгдард гуырдыæгтæ сидыц æххуысмæ сæ зæронд хæстонмæ Никъолоз Гостъашабишвилмæ, æмæ уарыд.

Ацы хор-хор цалдæр минуты даргъ кодта. Стадионыл ацы хор-хор цалдæр минуты даргъ кодта. Стадионы хъæлæба нæ сабыр кодта, тынгæй тынгдæр Вова!.. Вова!..» болельшиктæ цыма цыдæр хатыдтой. Уыдон сæ лæгæндæйы куырдытой... Æмæ лидзæн къахфæндагыл разындыс Гуцаты Вова. Трибунаетæ вулканау стыдтой. Ахæм хыллист хуыстис, раст гол баконды рæстæджы иу куы вæййы. Фæлæ гол нæ уыдис нырма. Лидзæн къахфæндагтыл рæхснæг ветеран бырсæг, «Динамойы» фæстаг стыр бырсæг лæууыд æмæ йæ сæрмагонд райгуыраен стадионыл арвæй кæлæгау рацæугæ къæвда хуылыдз кодта. Ныр дæр мам æ цæстыты раз лæууы цъæх формæ 13 номеримæ, мæнæ ахæм, цифрæты мидаг ноджы хæххытимæ, неонты рухсæй рухскалгæ, цыма æвзистхуызгонд къæбæлдзыг хуынтимæ...

Гуцаты Вова стадионмæ бахызтис

æмæ уым ауты хаххы цур райста пурти. Гуцаевы пуртимæ февнæлд æмæ стадионыл цалдæр минуты размæ райдайгæ æррадзинад цыдæр æнахуыр мистикон трансмæ ахызтис. Æцæгдæр развæлгъаузонæгон трансмæ. Раст-зæгъгæйæ мæ нæдæр мистикайы, нæдæр транс, нæдæр развæлгъаузонæгты, нæдæр æндæр бæрæггæнæнты æмæ нæдæр æнæзонгæ планетагты ахæмтæ мæ ницы уырны, нæдæр мæ цымыдис кæнынц. Фендзынæн æндæр бæрæггæнæн кæнæ инопланетайагы æмæ мæ бауырндзæнис, уæдмæ уал дзæбæх уæд æмæ уый та мæхи цæстæй федтон 12 аздыд къуыдипп æмæ мæнæ 41 аздыд зæрондæн зноны боны хуызæн мæ зæрдыл лæууы. Мемæ ма иумæ ноджы цалдæр дæсгай мины тбилисаг йæхи цæстæй федта, куыддæр Гуцаев пуртимæ февнæлдта, стадионы прожекторты рухсмæ æрттивгæйæ рацæугæ къæвдайы æртæхтæ фæстæмæ куыд здæхтысты арвырдæм...

Вова пурти йæ разæй рахаста æмæ фæрсырдæм агæпп ласта. Мах æй иуылдæр фæхатыдыстæм, æмæ цыдæр хъуамæ æрцыдаит, цыдæр диссаг. Æнæхъæн стадион къахыл слæууыдыстæм æмæ афтæ хъæр кодтам, цæмæй ивылд доны уынаæрау, хъустæ къуырма кодтой...

Рахаста пурти æмæ уым, кæрæттыл, нырма иу хъахъхъæнгæй ахызтис, уым йæ фæстæ ралыгъд иннæ хъахъхъæнæг, цæхгæр фæзылдыс галиуырдаем, «Днепры» штрафнойы рдæм æмæ æртыккагæй дæр йæхи атыллив кодта, цыппæрæмы къæхтыл йæхи скъуырда æмæ растдæр афтæмæй оххытæгæнгæ абырыд гуыбыныл, куыд-иу уæд, Европæйы футболон грандæтæн иу пеналти куы скæнын кодта. Æрмæст ай штрафнойы æдде уыдис, тæккæ хаххы уæлæ, фæлæ æдде. Стадион сабыр кæнын байдыдта. Ай уыйас,

кæлæнгæнæг, гуырдиæг æмæ тбилисаг удæйдзаг, рухскалгæ тасы чысыл ма бахъæуа къæвдайы æртæхтимæ ацæуа æрвмæ.

Пуртимæ Чивадзе Александр бацыдис.

Уыцы бон Чивадзе цалдæр хатты ныццафта штрафной фæлæ ницы, уымæ æнæгæстгæйæ, æмæ Чивадзе дунейы уыцы æртæ либеройы æхсæн ис, кæцийæн алкæмæй фылдæр гол ис конд, гермайнаг Франц Бекенбауеримæ æмæ аргентинаг Даниел Пасареласимæ иумæ, фæлæ ам иуылдæр зыдтам, цæмæй гол хъуамæ уыдаид. Нырма йæ ногжы уæд фæхатыдыстæм, трибунаеты иугай-иугай кæмдæрты куы хъуыст хъæртæ, стæй та уæд æмхъæлæсæй «Вова! Вова!» куы райдыдтой хъæр кæнын, стæй, Вова стадионмæ куы рахызтис, пурти райста, кæроныл ахызт æмæ йæ фыццаг хъахъхъæнæг рахаста хъазгæ. Чивадзе Александр бацыдис æввахс пуртимæ йæ къухмæ йæ систа æмæ йæ раст æрæвæрдта. Къæвда уарыд.

Æз уый нæ федтон пурти куыд ахызтис. Æнхъæл дæн æмæ йæ ничидæр федта, нæдæр æй Чивадзе федта æмæ нæдæр Гуцаев. Фæстагмæ, цы федтон, уый уыд, æнæхъæн изæры тохæй ныффæлайгæйæ æмæ къахыл нал лæугæйæ куыддæр Чивадзе йæхи сындæггай пуртийырдаæм ауагъта, урс майкæты мидæг конд, удæгас къулæй æрлæугæ Днепропетровскы «Днепры» футболистæ, хассары трибунаеты цур, цыран «пажарни команда» æмæ тагъдæххуыс лæууы, къулдуары къуым, галиуфарс «креставина», къæвдайы ставд æртæхтæ, Чивадзе Александры чыллдым цъæх формæйы æмæ 3-имæ.

Гол куы бакодта, уæд ма уый дæр фæхатыдтæн, æмæ мæ фарсмæ бадæг

фырцинæй фæсуруæвæг мохеваг бидза мæ йæ къухты куыд фелвæста æмæ мæ хæрдмæ сæппæрста, мæ бынмæ трибунагæ ныгыттыл сты. Мæнæн мæ зæрдыл нал лæууы – æрцахста мæ æви нæ уыцы бидза, æрхаудтæн æви фервæзтæн, æрмæст ма хъуыды кæнын уый, æмæ сæрра дæн, хъуыды ма йæ кæнын, æмæ æнæхъæн стадион сæрра, хъуыды йæ кæнын, цæмæй цыдæр диссаг кæй æрцыд, кæцийæн нæй бамбарынгæнæн æмæ уый æрцыд æппæт уыййас мин адæймаджы цæсты раз.

Чысыл фæстæдæр айхъуыстис финалон æхситты хъæлæс æмæ хъазт фæцис. Стадионы ныууагътой Днепропетровскы «Днепры» футболистæ, кæцытæ ма ногжы фондз таймы ахъазыдаиккой, тыхфæллад зæронд гвардионтæ æмæ Гуцаты Вова, кæцы йæ зæронд æмæ æрдæгыл баззайгæ командæйы састы баззайынæй фервæзын кодта, æмæ æваст трибунагтыл, цалдæр минуты размæ апоклапсон вулканы æнгæс куы уыд, уæд ныр цыдæр æнахуыр, тæссаг сабырдзинад æрхаудта. Нæдæр «Динамо»... нæдæр «Вова!», нæдæр æмдзæгъд, ницы æппындæр!... Бынтон сабырдзинад!.. Стадион бамбæрста, цæмæй бæрæгбон фæцис. Йæхæдæг Вова Гуцаевдæр сæргуыбырæй фæцæйцыд. Йæ сæрыл дæр не схæцыд, афтæ бахызтис гардеробы туннелмæ.

Къæвда уарыд! Æмæ уарыд, уыцы дæлæмæхауинаг!

Æуый уыди, æнхъæл дæн, Гуцаты Владимиры фæстаг хъазт. Æз æй уымæй фæстæмæ стадионыл нал федтон...

Уæдæ, цы æрлæууыдис мæ зæрдыл 2016 азы 13-æм майы, 1981 азы 13-æм майæ 35 азы фæстæ.

აღინა ქადაგიშვილი

ტრადიციული მუსიკა, როგორც ასეთი...

გიორგი გარაყანიძის სახელობის ფოლკლორული და სასულიერო მუსიკის ბათუმის საერთაშორისო ფესტივალის ღლიურები

ტრადიციული მუსიკა ის სფეროა, სადაც კონსერვატიზმი თავისთავად გარდაუვალია, თუმცა სიახლე ნელ-ნელა, მაგრამ მაინც იჩენს თავს. დროთა განმავლობაში იცვლება და იხვეწება სამემსრულებლო ტექნიკა – ეროვნულ ინსტრუმენტებს უცხოურიც ემატება; სულ უფრო მრავალმხრივია მუსიკის მეცნიერული კვლევის მეთოდები; ზოგჯერ ისიც საკამათოა, რა უნდა მივიჩნიოთ ტრადიციად და რა არა. უმთავრესი კი მაინც ის არის, რომ თაობათა მიერ შექმნილი მუსიკალური საგანძური ჩვენი ცხოვრების განუყოფელი ნაწილია...

4, 5 და 6 ნოემბერს ბათუმში მეთერთმეტედ უმასპინძლა გიორგი გარაყანიძის სახელობის ფოლკლორული და სასულიერო მუსიკის საერთაშორისო ფესტივალს, რომლის მიზანიც არა მარტო ქართული მუსიკალური ტრადიციების შესწავლა და პოპულა-

რიზაცია გახლდათ, არამედ უცხოელ ეთნომუსიკოლოგებსა და ტრადიციული მუსიკის შემსრულებლებთან თანამშრომლობაც. ამ ფესტივალმა, რო-

4 - 5
ნოემბერი 2016

გიორგი გარაყანიძის სახელობის
ფოლკლორული და სასულიერო მუსიკის
ბათუმის XI საერთაშორისო
ფესტივალი

მონაწილეობენ:

აზარის სიმღერისა და ტაპის სახელმწიფო აკადემიური
ანსამბლი, მბალოპულთა ბუნდი (ბათუმი), მუხავეზი (მუხავეზი),
იაბუნდი (ქვლა), კოლხა მულვაჩაურო, რხეული, მემოქმედი,
ბრძოლ ხელხვევი, გორღელაპეპის ოჯახი (თურქმენი),
სამბრელების საპატარძლო ბაპრის ბუნდი, იაღბარი (ქუთაისი),
ოლოია (მუგდომი), ააღულა აკაბი (თურქმენი),
ვასილი შოვანიძე (უკრაინა), ნაიფა იარკინი (თურქმენი)
პარიზ აივანი საზრანგეთი

ღასანყისი - 18.00

ბათუმის საზოგადოებრივი თვითმმართველობის
საპრინციპალური ღარბაგი

მის. ღამებრე თაეღაღაულის 20

მელსაც 2006 წელს ბათუმში ჩაეყარა საფუძველი, უკვე არაერთ მუსიკოსსა თუ მუსიკალურ ჯგუფს მისცა შემოქმედებითი განვითარების საშუალება. 2012 წლიდან კი ის გიორგი გარაყანიძის სახელს ატარებს. 30 წლის ასაკში მოულოდნელად შეწყდა უნიჭიერესი მეცნიერისა და შემოქმედის სიცოცხლე. „მიუხედავად ახალგაზრდობისა, მან შეძლო ღრმა კვალი დაეტოვებინა ჩვენი ქვეყნის სულიერ ცხოვრებაში“, – წერდა სამძიმრის წერილში სრულიად საქართველოს კათოლიკოს-პატრიარქი ილია მეორე.

თავად გიორგი გარაყანიძის პიროვნება და მოღვაწეობა გამოდგება იმის მაგალითად, თუ როგორ აცოცხლებს და აქტიულებს ხდის ტრადიციას შემოქმედებითი, ნოვატორული მიდგომა, ახალი სისხლის გადასხმა ძველ არტიერებში. „ჩემი შორეული წინაპრებიც მღეროდნენ და მჭიდრო კავშირი ჰქონდათ ფოლკლორთან. ყველაფერმა ამან კი ჩემზე ისეთი გავლენა მოახდინა, რომ დავუკავშირდი, უფრო სწორად კი, არ დავუკავშირდი, ცხოვრების ნესად მექცა ფოლკლორი“, – ვკითხულობთ ბროშურაში, რომელიც 2012 წელს ბათუმის საერთაშორისო ფესტივალის ფარგლებში გამოიცა და სადაც გიორგი გარაყანიძის ავტობიოგრაფიული ცნობებია წარმოდგენილი.

მამის, ედიშერ გარაყანიძის მიერ დაწყებულ ეროვნულ საქმეს ღირსეული გამგრძელებელი ესაჭიროებოდა. უკვე 2001 წლიდან ანსამბლ „მთიებს“ გიორგი ხელმძღვანელობდა. მაშინ მხოლოდ 19 წლისა იყო. „არ მინდოდა, ედიშერის დაწყებული საქმე გაჩერებულიყო, როგორც სამეცნიერო, ისე ანსამბლის და სტუდიის თვალსაზრისით“, – იხსენებდა გიორგი. ანსამბლსა 2004 წლიდან ეწოდა „ედიშერ გარაყანიძის ეთნომუსიკის თეატრი „მთიები“, რომელიც დღეს ქალ-ვაჟთა ანსამბლია, ხოლო სტუდიაში ლურჯ მონასტერთან არსებული საყმანვილო ფოლკლორულ-ეთნოგრაფიული

სტუდია „ამერ-იმერი“ იგულისხმება, რომელსაც აგრეთვე გიორგი უძღვებოდა. ასევე გახლდათ თბილისის წმიდა ანდრია პირველწოდებულის ტაძართან არსებული ეთნოკულტურის კვლევის ცენტრის ხელმძღვანელი. დაუჯერებელია, რამდენს ასწრებდა ეს სიყვარულით გულანთებული ადამიანი: ზემოჩამოთვლილის გარდა, ის მონაწილეობას იღებდა სამეცნიერო კონფერენციებში; გახლავთ ავტორი მონოგრაფიისა „ქართული ეთნომუსიკის თეატრი და მისი საწყისები“; წლების მანძილზე ხელმძღვანელობდა ფოლკლორულ-ეთნოგრაფიულ ექსპედიციებს საქართველოს სხვადასხვა კუთხეში, ხოლო 1999 წლიდან, უკვე ჩვიდმეტი წლის ასაკში, ატარებდა ქართული ხალხური სიმღერის მასტერკლასებს, როგორც საქართველოს, ისე უცხოეთის პროფესიონალ და მოყვარულ ჯგუფებთან. ბათუმის ფესტივალის გარდა, რომელიც მის სახელს ატარებს, არსებობს გიორგი გარაყანიძის სახელობის პრემიაც, რომელიც ყოველი წლის 14 მაისს გადაეცემა ქართული გალობისა და ხალხური სიმღერის ახალგაზრდა მკვლევარებს.

მაინც რა სიახლეზე მსურდა საუბარი და როგორ უკავშირდება ეს გიორგი გარაყანიძის სახელს? ამ კითხვებზე პასუხის გასაცემად რამდენიმე ათწლეულით უკან უნდა დავიხიოთ და, მართალია, ის საკითხები, რომლებზეც ვისაუბრებ, საიდუმლოს არ წარმოადგენს, მაინც საჭიროდ მიმაჩნია მათი შესხენება ჩვენი მკითხველისათვის.

ვაჟთა ფოლკლორული ანსამბლი „მთიები“, რომელიც ედიშერ გარაყანიძემ 1980 წელს დააარსა, იმ დროს უნიკალურ მოვლენას წარმოადგენდა. მას შემდეგ, რაც საქართველოში XIX საუკუნის ბოლო წლებიდან ფოლკლორული ანსამბლების შექმნა დაიწყო, მათი ხელმძღვანელები აკადემიური, კლასიკური შესრულების მანერას ირჩევდნენ. ედიშერ გარაყანიძემ კი თავის ანსამბლში გააერთიან-

ნა არაპროფესიონალები, რომელთაც ერთმანეთთან ქართული მუსიკალური ტრადიციების სიყვარული აკავშირებდათ, „რადგან „მთიების“ სახით უნდა გაცოცხლებულიყო პირველადი, თვითმყოფადი ფოლკლორი, ანუ ფოლკლორული ნიმუშები შესრულებულიყო ისეთივე სახით, როგორსაც ყოფაში ასრულებდნენ, სასცენო დამუშავების გარეშე“.

ანსამბლის წევრები სცენაზე იმდგვარი სამოსით გამოდიოდნენ, როგორც ადრე ქართველ გლეხებს ეცვათ. მაყურებელი ამას შეჩვეული არ იყო და პირველ ხანებში სპეციალისტებიც კი კრიტიკულად შეხვდნენ „მთიების“ ამგვარი „გლეხური“, „არასაგარეო“ ტანსაცმლით სცენაზე გამოსვლას, „მაგრამ დროთა განმავლობაში, ედიშერ გარაყანიძემ, მეცნიერული მიდგომით, ეს სკეპტიკური დამოკიდებულება გაფანტა და ძალიან მალე „მთიები“ არათუ მისაღები, მისაბაძიც კი აღმოჩნდა“, – გვამცნობს ბროშურა. ამ კონკრეტულ შემთხვევაში სიახლე პირიქით, სწორედ სანყისებთან დაბრუნების, ავთენტურობის მიღწევის სურვილში გამოიხატებოდა და არა ტრადიციის გათამებროვებაში, გავეროპულებაში (რისი მაგალითიც დღეს უხვად მოგვეპოვება). ავიღოთ, თუნდაც სუბიმივილ-რამიშვილის ანსამბლი).

ყველა სხვა უბედურებასთან ერთად, ცივილიზაციამ ისიც მოიტანა, რომ ტრადიციული, ხალხური ცეკვა-სიმღერა ყოველდღიური ყოფიდან განიდევენა და ახლა უმთავრესად მხოლოდ პროფესიონალური ანსამბლების მოღვაწეობის სფეროს განეკუთვნება. რაც უფრო „განვითარებულია“ ქვეყანა, მით უფრო დიდია ამისი ალბათობა. სამწუხაროდ, ამ ტენდენციას ვერც საქართველო გადაურჩა. ედიშერ გარაყანიძემ, პირველ ყოვლისა, ამ საფრთხის წინააღმდეგ გაილაშქრა: „მთიების“ რეპერტუარი იმ სიმღერებითაც ივსებოდა, რომლებსაც ანსამბლისა თუ სტუდიის წევრები საქართველოს სხვადასხვა კუთხეში მოწყო-

ბილი ეთნოგრაფიული ექსპედიციების დროს ადგილობრივი მცხოვრებლებისგან ისმენდნენ. აი, რას იხსენებდა გიორგი გარაყანიძე „ხორუმთან“ დაკავშირებით: „ეს სიმღერა ზემო აჭარაში უშუალოდ გლეხებისგან ვისწავლეთ. მაშინ პატარები ვიყავით, ედიშერს ვყავდით ექსპედიციაში, თუმცა დღეს სოფლებშიც კი ძალიან ცოტა ვინმე თუ მღერის ძველ სიმღერებს. ექსპედიციებში სპეციალურად ვთხოვთ ხოლმე ხანდაზმულ ადამიანებს, გაიხსენონ ძველი სიმღერები. ბუნებრივია, ასეთ შემთხვევაში ახალგაზრდა თაობა აღარ ისმენს მათ მიერ შესრულებულ ფოლკლორს. ჩვენი მიზანიც სწორედ ეს არის, რომ ახალგაზრდებმა მოისმინონ და ნახონ ყოფილი სიმღერები.“

„ჩვენს სამეცნიერო კონფერენციებში გიორგი გარაყანიძეს არაერთხელ მიუღია მონაწილეობა, ისევე როგორც „მთიებს“ საკონცერტო პროგრამაში. 2007 წლის ფესტივალი ედიშერ გარაყანიძის ხსოვნას მიეძღვნა. ამ დროს გიორგი ჩვენთან აქტიურად თანამშრომლობდა, მიუხედავად იმისა, რომ მამასთან დაკავშირებული მოგონებების გამო მისთვის ეს სულაც არ იყო ადვილი, ხოლო ფესტივალის საპატიო წევრმა, „სამოსელი პირველის“ გენერალურმა დირექტორმა, ლუარსაბ ტოგონიძემ, რომელმაც ბატონი ედიშერის ფოტოარქივი შეადგინა, თბილისიდან ბათუმამდე მისი ტრანსპორტირება სხვას არავის ანდო და თავადვე ჩამოიტანა. ბატონი ლუარსაბი ჩვენი ქვეყნის ისტორიული წარსულის ამსახველ უნიკალურ ფოტომასალას ფლობს და პირველ ფესტივალზე მან მოაწყო გამოფენა „ქართველი საეკლესიო მოღვაწეები“, – გვიამბობს ფესტივალის ორგანიზატორი, მუსიკის მეცნიერებათა დოქტორი, ბათუმის ხელოვნების უნივერსიტეტის პროფესორი ხათუნა მანაგაძე.

„2004 წლის სექტემბერში თბილისში

გამართული ტრადიციული პოლიფონიის მეორე საერთაშორისო სიმპოზიუმში ვიღებდი მონაწილეობას. აქ განხორციელებულმა სამეცნიერო და შემოქმედებითმა სამუშაომ იმდენად გამიტაცა, რომ მოვისურვე, ჩემს ქალაქშიც ჩატარებულიყო მსგავსი ღონისძიება. ასე გაჩნდა ბათუმის საერთაშორისო კონფერენციისა და ფესტივალის იდეა. აქვე დავძენ, რომ ბათუმის კონსერვატორიის მაშინდელ რექტორთან, ქეთევან გოგოლაძესთან ერთად, გარკვეული ბარიერის გადალახვის შედეგად მოვახერხეთ პირველი ფესტივალის ჩატარება“, – იხსენებს ქალბატონი ხათუნა.

სხვადასხვა წლებში სამეცნიერო კონფერენციასა და ფესტივალში მონაწილეობას იღებდნენ მუსიკოლოგები, მუსიკალური ჯგუფები და ცალკეული შემსრულებლები შემდეგი ქვეყნებიდან: საქართველო, ინგლისი, საფრანგეთი, პოლონეთი, ლიტვა, ლატვია, რუსეთი, უკრაინა, თურქეთი, სომხეთი, აზერბაიჯანი.

სხვადასხვა მიზეზის გამო, ამ წელს ბათუმის საერთაშორისო ფესტივალის თითქმის დაუფინანსებელი დარჩა, სამი

დღის ნაცვლად ორ დღეს გაგრძელდა და, რომ არა აჭარის განათლების, კულტურისა და სპორტის სამინისტროს თანადგომა, შესაძლოა, სულაც არ ჩატარებულიყო, თუმცა, ფესტივალის გადარჩენა უმთავრესად, მისი ორგანიზატორებისა და მონაწილეების დამსახურებად მიმაჩნია, რომლებსაც მხოლოდ ენთუზიაზმი და საქმის სიყვარული ამოძრავებდათ. მწირი ფინანსური მდგომარეობის გამო ვერ მოხერხდა ზოგიერთი უცხოელი მუსიკოსის მონაწილეობა. სამწუხაროდ, კონფერენციის სამი მონაწილე ბათუმში ვერ ჩამოვიდა. ამის მიუხედავად, წელსაც, ისევე როგორც წინა წლებში, გიორგი გარაყანიძის სახელობის ფესტივალის მოვლენებით იყო დახუნძლული: სამეცნიერო ნაშრომების პრეზენტაცია და განხილვა, ეთნოგრაფიული შინაარსის ფილმების ჩვენება, მრავალფეროვანი საკონცერტო პროგრამა... მათ, ვინც დღის განმავლობაში კონფერენციას და ფესტივალს ესწრებოდა, დასვენების საშუალება მხოლოდ გვიან საღამოს ჰქონდათ. ამ დროს, როგორც წესი, გულითად საუბარს სახელდახელო კონცერტი მოსდევდა...



სამეცნიერო კონფერენცია ბათუმის ხელოვნების უნივერსიტეტის ულამაზეს შენობაში ტარდებოდა. იმ დღეებში ამინდიც ხელს გვიწყობდა – მშრალი, მზიანი დღეები იდგა, ნოემბრის კვალობაზე ნამდვილ ფუფუნებას რომ წარმოადგენს. 4 ნოემბერს, დილით, იმთავითვე ხალისიანი განწყობით შევედი საკონფერენციო დარბაზში და, როცა მონაწილეთა შორის დავით შულღიაშვილი დავინახე, თავი ბედნიერად ვიგრძენი. „ანჩისხატის“ გუნდი, განსაკუთრებით ჩვენი თაობისთვის, ანსამბლზე გაცილებით მეტია.

ნებული ვუსმენდი... ჩემთვის ხელი არ შეუშლია იმ მნიშვნელოვან გარემოებას, რომ არ ვიყავი მუსიკის სპეციალისტი; მის მიერ გამოთქმული თითოეული მოსაზრების, ნებისმიერი შეკითხვის უკან საფუძვლიანი თეორიული მომზადება და საკუთარი მრავალწლიანი გამოცდილება იკითხებოდა.

კონფერენციამ ორი დღის განმავლობაში საკმაოდ დატვირთული პროგრამით იმუშავა. მოხსენებები ეხებოდა ტრადიციული მუსიკის ისტორიისა და თეორიის საკითხებს, ეთნოგრაფიულ



ესაა ნიჭის, პროფესიონალიზმისა და ერთგულების სიმბოლო, რომელიც ოცნელზე მეტია, ამშვენებს ჩვენს ცხოვრებას... სულ მთლად ახალგაზრდები გვახსოვს, თითოეულ მათგანს სახეზე ვცნობთ, ვხედავთ, როგორ იცვლებიან წლების მანძილზე, მდიდრდება მათი შემოქმედება, წარმატებას აღწევენ და მაინც ისეთივე თავმდაბალ, ღრმა და საინტერესო პიროვნებებად რჩებიან. იმ დღეს ბატონი დავითი უძღვებოდა კონფერენციას, თითოეულ მომხსენებელს ყურადღებით უსმენდა, კითხვებს უსვამდა და მცირე შენიშვნას გამოთქვამდა. აღფრთოვა-

კვლევებს, ექსპედიციებში მოპოვებულ აუდიო და ვიდეო მასალას და სხვ. საკმაოდ დიდი ნაწილი საეკლესიო მუსიკას დაეთმო. მხოლოდ რამდენიმე ნაშრომს ჩამოვთვლი: „ზიარების ციკლის საგალობელთა კვლევის საკითხისათვის მართლმადიდებლურ ტრადიციაში“ (მონაზონი ნინო სამხარაძე); „რვახმის სისტემა საუფლო დღესასწაულთა ჰიმნოგრაფიულ კანონებში (შორენა მეტრეველი)“; „საგალობლის ძირითადი ფორმაქმნადი პრინციპის გამოვლენისთვის ნევმურ დამწერლობაში“ (ეკა ონიანი). დამსწრე საზოგადოების წინაშე საინტერესო

მოხსენებებით გამოვიდნენ: ეკატერინე ყაზარაშვილი, თამარ ჩხეიძე, ნინო რაზმაძე, მაგდა სუხიაშვილი, ოთარ კაპანაძე, თინათინ ჭაბუკიანი და ეკა ჭაბაშვილი.

ჩემთვის, როგორც რიგითი მუსიკის მოყვარულისთვის, ვინრო დარგობრივი მოხსენებების მოსმენა, ტერმინოლოგიური თვალსაზრისით, სასარგებლო და შემეცნებითი აღმოჩნდა. არ დავმაღლა, რომ განსაკუთრებულად დამაინტერესა ორმა ნაშრომმა, რომლებიც ფართო მკითხველისთვისაა განკუთვნილი: „უორდროპები და ქართული ტრადიციული მუსიკა (ნინო კალანდაძე-მახარაძე)“ და „ქართული ხალხური სიმღერების ნოტირების სანყისებთან (დავით შულღიაშვილი)“. ეს მოხსენებები თემატურად იმდენად მდიდარი და ამაღლევბელი იყო, რომ შესაბამისი განვრცობის შედეგად, თითოეული მათგანი მონოგრაფიის მასალად გამოდგებოდა. სამეცნიერო ნაშრომს კი არა, ამ ორი დრამატული სიუჟეტის გამოყენებით რომანს დაწერდა კაცი...

ეთნოგრაფიული ხასიათის ნაშრომები უმთავრესად ეხებოდა აჭარის რეგიონს, ასევე თურქეთის ტერიტორიაზე მცხოვრები ეთნიკური ქართველების ყოფასა და მუსიკალურ ტრადიციებს, მაგალითად: თეონა რუხაძის „ტრადიციული საქორწილო მუსიკა აჭარაში“ ანდა გიორგი კრავეიშვილის „საქართველოს მონყვეტილი კუთხეების მუსიკალური ფოლკლორი“, სადაც ავტორი, გარდა ლაზეთისა, მიმოიხილავდა აგრეთვე ტაოს, კლარჯეთის, შავშეთის, ჰერეთის ფოლკლორს. კონფერენციის უცხოელმა მონაწილეებმა: ვასილი ჟოვანიკმა (კიევი, უკრაინა) და ნამე იარკინმა (სტამბული, თურქეთი) ის ტრადიციული საკრავები წარმოადგინეს, რომლებზეც თავად უკრავენ და ინგლისურ ენაზე წაიკითხეს მოხსენებები თემებზე: „უკრაინული ტრადიციული საკრავის – ბანდურას ისტორია და პრაქტიკა (ვასილი ჟოვანიკი)“

და „საკომპოზიციო ტექნიკა მეთვრამეტე საუკუნის ოტომანების მუსიკაში (ნამე იარკინი)“. კონფერენციას კიდევ ორი უცხოელი მონაწილე ჰყავდა: აბდულა აკათი და გიოქჰან ალთინბაში (ტრაპზონი, თურქეთი). 4 ნოემბერს სამუშაო დღის დასასრულ გაიმართა გივი ნახუცრიშვილის წიგნის პრეზენტაცია: „ფოტოხელოვანის თვალთ დანახული აჭარის არქიტექტურული ძეგლები“, ხოლო 5 ნოემბერს – რეჟისორ თინათინ ჭაბუკიანის დოკუმენტური ფილმის, „ლეჩხუმის განძის“, ჩვენება შედგა. ძალიან მალე ბათუმში გამოიცემა 2016 წლის სამეცნიერო კონფერენციის მასალების სქელტანიანი კრებული, რომელსაც, ფესტივალის მონაწილეებთან ერთად, მეც მოუთმენლად ველი...

ფესტივალის ბათუმის სამუსიკო თერთმეტწლედის საკონცერტო დარბაზში 4 და 5 ნოემბრის, საღამოს მიმდინარებოდა, ყოველგვარი პომპეზურობის გარეშე, კეთილგანწყობილ, მეგობრულ გარემოში. ეს სასიამოვნო ატმოსფერო ჩვენი მასპინძლების, განსაკუთრებით კი, ქალბატონი ხათუნა მანაგაძის დამსახურებაა, რომელიც, მიუხედავად დატვირთული სამუშაო დღისა, ყურადღებას და ზრუნვას არ აკლებდა ფესტივალის მონაწილეებს – განწყობის ასამაღლებლად მისი ღიმილიც გვეყოფნიდა.

ფესტივალის ფარგლებში მაყურებლის წინაშე წარსდგნენ საქართველოს სხვადასხვა რეგიონის ფოლკლორული კოლექტივები: აჭარის სიმღერისა და ცეკვის სახელმწიფო აკადემიური ანსამბლი, მაგალობელთა გუნდი (ბათუმი), ანსამბლები: „შუახევი (შუახევი)“, „იაგუნდი (ქედა)“, „კოლხა (ხელვაჩაური)“, „რეხეული (შემოქმედი)“, „იადგარი (ქუთაისი)“, ოდოია (ზუგდიდი)“, ტრიო „ხელხვავი“, სამტრედიის საკათედრო ტაძრის გუნდი. დროგამოშვებით მრავალხმიან ქართულ სიმღერას ან ხალხურ საკრავებს... სცენაზე ერთმანეთს სცვლიდნენ ფესტივა-

ლის უცხოელი მონაწილეები. აბდულა აკათი ტრაპიზონის კონსერვატორიის ახალგაზრდა რექტორი და შესანიშნავი მუსიკოსია. მან თურქეთის შავიზღვისპირა რეგიონში გავრცელებულ ტრადიციულ საკრავზე, ქემენჩეზე დაუკრა და იმღერა. იმ დღეებში ხან სცენიდან, ხანაც მეგობრულ თავყრილობებზე რამდენჯერმე მოვისმინე აბდულას ნამღერი და ყოველთვის ისეთი გრძნობით ასრულებდა, რომ „სანთელივით დავდნები, შაქარვით დავტკბები“ გამახსენა და ვუთხარი კიდევ... კონსტანტინე გამსახურდიას რომ უთქვამს, ეს ტკბილი თურქული ენაო, ალბათ, ამას გულისხმობდა... ვასილი ჟოვანიკი თვალდახუჭული უკრავდა და მღეროდა. ძველი უკრაინული ტრადიციის მიხედვით, მის საკრავზე – ბანდურაზე – უკრავდნენ ბრმა მუსიკოსები, მხოლოდ მამაკაცები, რომელთათვისაც ეს საქმიანობა თავის რჩენის საშუალებას წარმოადგენდა, ხოლო ჯანმრთელებს, პირიქით, სასტიკად ეკრძალებოდათ. ოცი წლის ვასილი ძველი უკრაინელი

„კობზარების“ სევდიან ეპიკურ სიმღერებსა და ბალადებს დიდი რუდუნებით ასრულებდა, ხოლო თავის მრავალსიმინ საკრავს უფრო ეფერებოდა, ვიდრე უკრავდა მასზე. „ცისკრის“ მკითხველისთვის უკვე ნაცნობი სტრასბურგელი მოგზაური მუსიკოსი ბარიშ აიჰანი ამჯერად ორი თურქული ტრადიციული საკრავით – ჯურათი და ბაგლამათი „შეიარაღებული“ ეწვია ბათუმს. ფესტივალის პირველ დღეს მასთან ერთად კონცერტში მონაწილეობდა სტამბულის კონსერვატორიის პროფესორი ნამე იარკინი, რომელიც სტამბულურ ქემენჩეზე უკრავდა და მღეროდა.

6 ნოემბერს, დილით, შუახევის რაიონში დაიწყო შეპირებული ფოლკტური, რომელიც წელს მეორედ ჩატარდა. ქართველი და უცხოელი მუსიკოსებისგან შემდგარ მცირე ჯგუფს ფესტივალის ორგანიზატორები და ჟურნალისტებიც თან ახლდნენ. შუახევის კულტურის ცენტრის დიდ დარბაზში, სიცივის მიუხედავად, მშვენიერი კონცერტი გაიმართა, რომელშიც უცხოელ სტუმრებთან ერთად ამ რაიონის





რამდენიმე ფოლკლორული კოლექტივი მონაწილეობდა: ცეკვის ანსამბლი „ფეს-ვეები“, სიმღერის ანსამბლები: „უჩამბა“, აგრეთვე „ნაი“, „შუახევი“ და „ჭვანა“, რომლებსაც ფესტივალის ერთ-ერთი ორგანიზატორი და შუახევის კულტურის ცენტრის ფოლკლორის განყოფილების ხელმძღვანელი ლოლიტა სურმანიძე უძღვება. საქართველოს ფოლკლორის ეროვნული ცენტრის თანამშრომელმა ნატალია ზუმბაძემ წარმოადგინა და განიხილა შუახევის რაიონში ამ წელს ჩატარებული ექსპედიციის მასალების ვიდეორჩანაწერი. ამ კვლევის მნიშვნელობა იმაში მდგომარეობს, რომ ხალხური მუსიკის შემსრულებლობის საკითხებს, ასე ვთქვათ, ადგილზე იკვლევს, ე. წ. არაპროფესიონალი მუსიკოსებისა და მომღერლების შემოქმედების მაგალითზე.

შუახევის ზღაპრულმა ბუნებამ და აჭარულმა სუფრამ ფესტივალის მონაწილეები კიდევ უფრო დაახლოვა. ქართულ ხალხურ სიმღერებში მასპინძლებს ზოგჯერ გიოქჰან ალთინბაში და ბარიშ აიჰანიც აჰყვებოდნენ ხოლმე, ხოლო აბდულა აკათმა ბანდურას ალლო აულო და ძველი თურქული სიმღერების შესრულებამაც არ დაახანა... ფოლკტურის ერთგვარ კულმინაციას წარმოადგენდა სალამოს თოვლიან მდელოზე შესრულებული თურქული და ქართული ფერხულის ილეთები. არა მგონია, რომელიმე ჩვენგანს დაავინყდეს ეს მხიარული მოგზაურობა, შუახევის მუნიციპალიტეტის ღია ბარათებივით კობტა ხედები: სოფელ ფურტიოს თალოვანი ხიდი, თერთრად აქაფებული მდინარე აჭარისწყალი და მისი შემოგარენი...



ფასი 3 ლარი